

Inok onəm orere aYesu Kəristi

Nnap nvan aRuhu-Nənañ

¹ ÁTiyofalus, nnap-nshetshet vạ kạ n lir abu ngəshi te, kạ ya kạ apal ishi nkpaktak iyam va uYesu nəm kạ iyam va uza dyang

² har a ƙa chu ilum vạ ma yar na ƙa ga apabur. Ma yar na kạ nvañ va uza gba kạ nla nnap-nlà chit kạ ashe ichumchum aRuhu-Nənañ ónəm oga nrəre vạ uza yak a.

³ Kạ nvañ ikuku te, uza nyám ishi wo ózạ uriri. Uza nəm iyam pa dongdong na a nyám ózạ pa nnandər o won chit kạ atak ikú. Pa mmawò uriri. Uza pak inok nfa nnyam ishi wo ózạ har nra isəm nedən, i là nnap-nlà ózạ kapalishi iponzhi Inan.

⁴ Kạ nda ro te, uza là ózạ pa, <<Kạn o re ashe aUrushelima chit kạt. O lək n-yəl nsar nnap-nlà aPo mi awo kan. Nsar nnap-nlà va kạ o fe mi fe kạ n là nnap-nlà kạ apal ishishi a.

⁵ Kạkul uYohana kạ nəm abaptisima ónəm kạ ndəng jiwo. I gbang nvañ kạt te, mí nəm abaptisima awo kạ aRuhu-Nənañ.>>

Ma yar uYesu ƙa ga apabur

⁶ Onəm oga nre aYesu kəristi ƙa ƙut kạ anung zəngtəng kạtətak kạ nda ro te, oza ƙəp na pa, <<Ánəm ga nzhi, ñyangmata na ƙu le kạ iponzhi ólsarila dò?>>

⁷ Te uza_là ózà pa, <<Nnyi ilum ka_nra iyam va_uPon pak chit təm ka_atak ichumchum wo te, a yar wo kpa kat.

⁸ ká nnà te, ó ga nkam ichumchum nvangva aRuhu-Nənan i vang ka_apal ishi wo a. Te ó tong onəm oga nla iyam va_o nyi ka_apal ishi mi ka_ashe aUrushelima, ka_nkpaktak mbin aYahudiya, ka_aSamariya, har ka_nkpaktak apambin.>>

⁹ Uza_gba_l ka_nla iyam va_ta te, ma yar na won ba ga apabur oza_ka ndər na har uza_ba tar ashe ilulu uza_làr, oza_ya na lap kat.

¹⁰ Oza_pak iwu ka_ndər na ka_mba ngga na te, onəm ro pa_oparəm fa tong dat ka_oza. Oza_mwak ilukwán iléfər.

¹¹ Onəm oga oparəm va_ta là ózà pa, <<Onəm oga aGalili, kakul iza_o tong ka_ta_mmawó ka_ndər apal yà? Wa nva ma yar uYesu va_ta_ka_atak wo a ba ga apabur te, wa nnà ta uza_i le i vang ga adok. Uza_i le i vang wa nva o ya na ka_mba ngga apabur a.>>

Ma yak unəm uga nkam inok aYahuda

¹² Te oza_re abam va_ta, nna mí wór pa_aBam aZaitun, oza_le ashe aUrushelima. Ngbəgba_n ka_aUrushelima datkulung ka_amel pa_zən.

¹³ Oza_ba chu te, oza_kyen nzhi ngga apal ka_atak va_oza_ka_təm ka_. Oma uBiturus, ku uYohana, ku aYakubu, ku uAndarawus, ku uFilibus, ku uToma, ku uBartilamawus, ku uMata, ku aYakubu uya Halfa, ku uSiman va unəm uga *ikpar-mbin, ku uYahuda uya aYakubu u.

14 Nkpaktak oza ká igwak pa izən oza na ishi oza ka nnəm aduwa kanun-zəntən nzəng ka ochar ro ku uMaryamu unan aYesu, ka ogənan aYesu.

15 Ka ashe nra va ta te, uBiturus won sat ga akul ka ashe onəm aYesu Kəristi. (Iyəl oza onəm datkulung ká igbal pa izən ká isəm parəm.)

16 Uza là óza pa, <<Ógənan, nkpak pa iyam va nnap-nlà Inan là te, a yəl. Nnap nlà va aRuhu-Nənan là matmat ka atak nnəm inok ku uDawuda a. Uza là nnap ka apal ishi aYahuda va uwa lim mpyal ónəm oga mba nkpán uYesu.

17 Uza ka ya uzəntən ka ashe yi. Ma na inok ijini na á na na kpa ka ashe inok yi va ta.>>

18 (Ka mbwai va ma mwa na kakul iyam ina va uza nəm te, uza ga yap atak ro ka. Ka ta na uza ru pak ishi afu cha aler zuk fa.

19 Nza unəm nggo ka ashe aUrushelima fe nnap va ta fe. A nak te, mí wór atak va ta ká iYahudi pa Akeldama. Ipipir pa Iram nchər.)

20 UBiturus ga mpyal pa, <<Ma lir ka ashe atakarda nnap-nshì awop (aZabura) pa, <Re nzhizhi a təm agún.

Kan unəm ro a təm ka ashishe kat.>

Ma là kpa pa,

<Re unəm ro a kam atak inunok.>

21 Kakul nva ta te, a mal pa i yak unəm ro a kam inok va ta. I yak uro ka ashe onəm va pa dəkər nzəng ka yi, ka ashe nra va uYesu uwa ka ya nzəng ka yi a.

22 Ì ban ká ilum va uYohana nəm aBaptisima úYesu har a ba a chu nra va ma yar na ka atak yi uza ba ga apabur. Uzəntən ka ashe oza uwa i

ya nzəng ka yi i ya unəm uga nla iyam və uza nyi ka apal ishi nnap ngwon aYesu ka atak ikú a.>>

²³ Oza wór adín onəm pa oparəm, uYusufu uwa mí wór pa uBarsaba (uwa mí wór na pa uYustus kpa) ku uMatiyas.

²⁴ Te oza nəm aduwa pa, <<ÁPonzhi-Inan, mmabu na u nyi igwák onəm pa kpaktak. Ka ashe onəm oga oparəm və ta te, nyám ayi unəm və u yak

²⁵ pa uza a kam atak-nsat ngga inok iga ngga ka nre bu və uYahuda le ka re ga atak va ma sok na ka a.>>

²⁶ Oza re *ayàk íNan ka apal ishi onəm oga oparəm və ta te, ayàk ga ru uMatiyas. A nak te, uza yəl anung onəm oga nre aYesu kəristi oza nyan pa ogbapchi aman pa parəm ka atak nvəvang.

2

Nvan aRuhu-Nənan

¹ Ká ilum *apentikas te, nkpaktak onəm oga ngwa uYesu Kəristi oma ka atak zengtəng.

² Oza ka ashe ntəm te, oza fe nnáp atak va fa kapabur wa nnáp atak-pyeppeyp akámkám, a yəl ashe nzhi və oza ka.

³ Te oza ya iyam ro wa aməlam apər va wa abələm a kap təm ka apal ishi a nza uzəngtəng oza nggo.

⁴ Ma yəl nkpaktak oza ka aRuhu-Nənan. Te oza ban nla nnap ka ashe achu pa dongdong va aRuhu-Nənan na óza a.

⁵ Ka ashe nra və ta te, oYahudi və ba ka atak pa dongdong ka ashe nkpaktak apambin oga

ngwa Inan ka nnandər te, oma ka ya ka ashe aUrushelima.

⁶ Ma fe achu va ta te, nggatək ba but. Oza ba te, a dak oza pa iza ka nfa ya? Kakul oza fe onəm aYesu ka nla oga achu va ajo oza a.

⁷ A dak oza pa makmak te, oza là pa, <<Onəm va i là nnap ta te, onəm oga aGalili kat dō?

⁸ Te a yar sang kang nza uzəntən yi nggo i fe oza ka nla nnap ka ashe achu wo ya?

⁹ Dər, mmayi onəm oga aPartiya, ka aMadaya, ka allima, ka aMasipotamiya, ka aYahudiya, ka aKapadokiya, ka aPontus, ka Asiya,

¹⁰ ka aPirjiya, ka aPamfiliya, ka aMasar, ka onəm va fa dat ka aKurane ka ashe mbin aLibiya. Onəmchən va ba ka aRom, oYahudi ka onəm oga ntan nnap awop oYahudi,

¹¹ ka onəm oga aKarita, ka onəm oga Arab. A yar sang kang i fe oza i là nnap ka ashe achu yi ka apal ishi iyam-chumchum va Inan nəm ya?>>

¹² Iyam va ta dak oza. A zwar oza kpa. Te oza bəp owan oza pa, <<Nva ta iza ya?>>

¹³ Oro ka ashe oza nap avyal pa, <<Oza wa ndəng ibangbang pa zhalat zhalat kan i nəm oza.>>

Nnap nlà aBiturus kulum apentikas

¹⁴ Te uBiturus won sat ga akul nzəng ka abo owan wo oga ogbapchi aman pa zəng. Uza won ká ichu là nnap ka nggatək va ta pa, <<Ógənanang mi oYahudi ka abo nkpaktak wo va ka ashe aUrushelima. O nakshi ká iyam va mi là. O gwong achwang ka nnap nla mi.

15 Wa nva o nak pa onəm va ta ka nran ka ndəng ibangbang te, wa nnà ta kat. Kakul nyangmata te, acham pa fangzəngtəng aga ipin na pa kuk.

16 Nnap va ta iyam va uJowel unəm uga nkam nre ka atak Inan ka là pa,

17 <Inan là pa,

Ka nra ngga nkur te, mi zuk aRuhu mi ka apal ishi onəm pa kpaktak.

Ovan wo onungwan ka ochar i là nnap va oza kam ka atak mi.

Ovanzam i ya iyam ka ashe alár.

Onəngbak oza i ya iyam ka ashe nlar izwam.

18 Nnandər, ka ashe nra va ta te, mi zuk aRuhu mi ka apal ishi ozwal mi onungwan ka ochar.

Oza i là nnap va oza kam ka atak mi.

19 Mi nyám iyam ichumchum iga ndaktak kapabur.

Mi nyám iyam ichumchum pa dongdong kapambin.

Nchèr i nan. Apər i ri atak. Ngu i nəngət.

Alum i gaḃan i nyan atak-kpárkpàr.

Apye nnyi te, i bán wa nchèr.

20 Iyam va ta i fa kan ilum aPonzhi i ba i chu.

Ilum va ilum ichumchum ka nnandər a.

21 Unəm va kpaktak i wór ka ashe adin aPonzhi Inan te, uza i ya nkamshi.>

22 <<Ógənanɡ mi oIsarila, o fe nnap va ta. UYesu Unəm ga aNazarat uwa Inan nyám awo pa kpátkpát pa o məman ka na ka atak nnəm inok ka na ka atak iyam-chumchum iga ndaktak pa

dongdong va uza nəm ka ashe wo, ka atak nnəm inok ka na wa nva o nyinyi ká ishi wo a.

²³ UYesu va ta ma na na ka ashe awo wo mal ká iyam va Inan dom ka nkùr nnyi va uza ka a. Mmawo na nzəng ka nkamshi onəm-bángbàng o gba na ka atak mpak na ka apal akun ikú.

²⁴ Ka nna kpa te, Inan won ka na ka atak ikú ka nvangva uza pətar asang ikú le á na a. Nva pa ikú a ya ká ichumchum ka apal ishishi mbyet mbyet te, i ya ka nnəm kat.

²⁵ UDawuda là nnap ka apal ishishi pa,
<Nna n yà nzəng ku uPonzhi-Inan ka mpyal mi pa dəkər.

Uza kawo ari mi pa datkulung.

Kakul kan iyam ro a yəngət mi kat.

²⁶ Kakul nva ta te, igwak mi ndəng.

Mi na adəngchi íNan.

Mmamízər iga mbwan.

Ka nna kpa te, mi təm ka nnak-igwak.

²⁷ Kakul bu ya ka nre mi ka ashe awap kat.

Bu man pa akúm Anəm bu Uyákyàk a mwan kat.

²⁸ U nyám asal á mi chit va i ga ka mi ka atak iriri.

Bu nak igwak i chàng mi pa makmak kakul ntəm mi ka atak ichumchum bu.>

²⁹ <<Ógənan, mi là nnandər awo là ka apal ishi akəka yi uDawuda nggam nro yà kà kat. Uza ka ma li na awuwap na ya har nda ta.

³⁰ Kakul pa uza pa te, unəm uga nkam nre ka atak Inan te, uza nyinyi kpa pa Inan na anung na á na pa uzəngtəng ka ashe onəm oga akum jili jili i ga nri iponzhiponzhi.

³¹ Kakul pau zaa mor ya iyam vai ga nfa te, zaa là nnap kaa apal ishi ngwon aKeristi kaa atak ikú paa ma re na kaa ashe awap kaa. Paa akúkúm i ya ka mmwan kaa.

³² UYesu vaa ta te, Inan won kaa na won kaa atak ikú. Nkpaktak yi i lèla pai nyinyi wanta.

³³ Ma na atak-nsat nchumchum á na chit kawo ari Inan. ARuhu-Nənan vaa zaa kaa sar nnap-nlèla ayi te, Inan na á na chit. Nna nak zaa zuk ayi iyam vat-a mmawó kaa n-yiya ká iyam vaa mmawó ka nife.

³⁴ UDawuda kyen apabur kaa. Kaa nna kpa te, zaa là pa,

<UPonzhi Inan là úPonzhi mi pa,

<<Təm kawo ari mi,

³⁵ Na n nak onəm oga nyang bu a sat atak nnak-ashar bu.>> >

³⁶ Kakul nvaa ta te, re o nyi nkpaktak wo ólsarila. O nyi paa uYesu vaa kaa o pak kaa apal akun ikú te, Inan nak na chit uwa tal uPonzhi ku uKeristi Unəm uyákyàk Inan vaa kpa.>>

³⁷ Onəm fe wanta te, nnap-nlà vaa ta dok anung igwak dok óza. Te oza, bəp uBiturus kaa aboshi onəm oga nre pa, <<Ógənan, iza mal pa i nəm yà?>>

³⁸ Te uBiturus là óza pa, <<O re nnəm nnap-mbángbàng na ma nəm abaptisima únza uzəntən wo nggo. Kakul paa o na nnandər na kaa adín aYesu Keristi. Na ma yar nnap-mbángbàng awo. Te ó kam imwa aRuhu-Nənan vaa kaa atak aPoyi-Inan a.

³⁹ Kakul nyar nsar nnap-nlà vaa ta pa te, ma yar mmawó na kaa ovan wo, kaa nkpaktak onəm va

gbəgbaṇ. Onəm va kpaktak uPonzhi-Inan yi i wór a.>>

⁴⁰ UBiturus là nnap ózā pā dakdak nzəng ká ngwon oza pā, <<O kámshi ishi wo na kan nnyamntan ónəm-bángbāng oga ashe nra vā tā a ya wo ká.>>

⁴¹ Onəm vā mān ká nnap-nləla ma nəm abaptisima ózā ká nda vā tā te, a nak iyəl onəm vā nzəng ká onəm oga nre aYesu kərísti te, a kyen ká onəm ikalong pā ishadən.

⁴² Nkpaktak oza na ishi oza ká nfe ndyang onəm oga nre aYesu, ká ntəm nzəng, ká nri nzəngkəng nzəng, ká nnəm aduwa íNan.

Apir ntəm onəm áYesu

⁴³ Ayər nəm udanggo. Onəm oga nre aYesu kərísti nəm iyām ichumchum iga ndaktak pā makmak ká iga nnəm ayər kpa.

⁴⁴ Nkpaktak onəm oga nna nnandər ká uKərísti te, oza tēm ká atak zəngtəng. Nza iyām oza nggo te, oza i kap nzəng.

⁴⁵ Iyām vā oza ká pā kpaktak te, oza yap ká i kap mbubwai i chu atak ndom anəm.

⁴⁶ Nza ilum nggo te, oza i but ká ashe Nzhi Inan nchumchum ká nrəng nnap nzəngtəng. Oza i le nzhi te, oza i ri iyām-nrì ká anung zəngtəng ká ashe nchang igwak ká nrəng nnap nnənan.

⁴⁷ Oza i na adəngchi íNan. Oza ká izhàn ká mpyal onəm pā kpaktak. Nza ilum nggo te, uPonzhinan ká mba ká onəm ózā ova i ya iriri iga mbyet mbyet a.

3

Ma tan unəm ugurum ka anung Nzhi Inan nchumchum

¹ Ka nda ro uBiturus ku uYohana fa ngga Nzhi Inan nchumchum ya alum nəm chit kakul nnəm aduwa. Ka ya ka acham pa shadən aga alum.

² Unəm ugurum ro uwa ya təm kanun-asal va mí wór pa Anung asal aByenbyen. Unəm va ta ma mar na ugurum. Nza ntan-atak nggo te, mí yar na ba mí re kanun-asal va ta i chál iyam ka atak onəm oga ntan ashe Nzhi Inan.

³ Uza ya uBiturus ka uYohana ka ntan te, uza chál iyam ka atak oza.

⁴ UBiturus nzəng ka uYohana dər na pa dóng te, a là á na pa, <<Dər yi.>>

⁵ Te nnap-nnənəm pa kpaktak a ga atak oza. Kakul nrərəng pa oza i ga nna iyam ro a wò.

⁶ Te uBiturus là á na pa, <<Mbwai jiwo te, n ya ka kat. Iyam va mmami ka te, nna mi na abu. Ka ashe adin aYesu Kəristi ga aNazarat won chen.>>

⁷ UBiturus yichi awo kpán awuwo ari ghap na won. Ka ta dyak ashishar ká ishákshar shákshar a fən kam.

⁸ Uza wong pa bər ga akul uza ban achen. Uza tar ashe Nzhi Inan nzəng ka oza. Uza i chen i mimyat, ka nnap-nshì ka anung, i dəngchi Inan.

⁹ Nkpaktak onəm ya na ka nchen nzəng ka nna adəngchi iNan.

¹⁰ Oza ya na te, oza nyi na pa uwa unəm uga ntəm Kanun-asal aByenbyen aga Nzhi Inan va i

chál iyam. Te a tal iyam iga ndaktak ka oza. Iyam-chumchum va ma nem á na ta te, a tal iga ndak oza pa makmak.

UBiturus là nnap ka Nzhi Inan ka AGəlan aSolomon

¹¹ Unəm va ta ka nkpəktək ká izər aBiturus ku uYohana te, nkpaktak onəm zəp ka nchən ga atak oza ka atak va mí wór pa AGəlan aSolomon. Ka kul nnap sat iyam-chumchum iga ndaktak ka oza.

¹² UBiturus ya wanta te, uza là óza pa, <<Ónəm oga aIsarila, iyam va ta tal iga ndak wo kakul iza ya? O dər yi san pa na ká ichumchum iga ishi yi, kat te pa kakul ngwa Inan yi kidyar a nak kan unəm va ta chen ya?

¹³ Inan va uAbəraham, ku uIshaku, ku uYakup wop, Inan va Inan okəka yi kpa te, uwa rup ka adin azwal wo uYesu. O yan ka na o na pa ma gbal. O yan ka na har a sat nkpak úBilatus a na na pa ma gbal na kap ka nva pa uza dufom pa ka o fən na o re a.

¹⁴ O yan ku Unəm va uwa uNənan. Uwa kpa unəm uga nnandər. O chál pa ma fən unəm uga ngbal unəm uwa ma re awo.

¹⁵ O gbal unəm va uwa uga nna iriri a. ká nnà te, Inan won ka na ka atak ikú. Mmayi onəm oga nla iyam va i nyi ka apal ishi nnap va ta.

¹⁶ Ka atak nna nnandər ka adin aYesu va ta kan unəm va ta uwa mmawó ka nya na kan o nyi na nyi kpa te, katətak na uza ya ikàm. K-atak nna nnandər va uza na ka adin aYesu te, katətak na unəm va ta tan pa kpaktak. O yiya pa ká iwu wo.

17 <<Ógənan̄g n nyinyi pə iyəm və o nəm úYesu, mmawó nzəng kə onəm ochumchum wo te, o nəm kə ashe nnyi kət.

18 ká nnà te, kaşal̄ va ta Inan yəl iyəm və uza kə là chit kə atak nnap-nl̄à nkpaktak onəm oga nkam̄ nre kətətak Nna pə uKəristi Unəm uyákyàk ujini te, i bək anung.

19 Kakul̄ nva ta te, o re nnəm nnap-mbángbang o gaḃan̄ o ba atak Inan na ma dərken̄ nnap-mbángbang wo a le awo, na UPonzhi Inan ká ishi wo a na mbagar ngga njul awo.

20 Na uza a re nre awo kpa ku uKəristi va ma nak na chit matmat ká inok və ta kakul̄ wo wanta a. UYesu uwa uKəristi və.

21 Uwa nkpak pə a təm kapabur har ilum və mí nak nkpaktak iyəm i byen kə atak nvan̄ oza wa nva Inan kə sar nnap-nl̄à kə atak nnəm inok kə onəm oga nkam̄ nre kətətak onənan̄ a.

22 UMusa ləla pə,
<UPonzhi Inan uwa i re nre ku unəm uga nkam̄ nre kə atak wò.
Unəm va kə ashe akum̄ ìjili wo wa nva uza re nre kə m̄i kpa a.

Nkpak pə o gwong achwang kə nkpaktak iyəm və unəm və ta i là awo.

23 Unəm va kpaktak i yang kə nggwong achwang kə unəm və ta te,
m̄i zhì na i le kə ashe onəm wo.>

24 <<A ḃan̄ kù uSamwela won̄ ba te, onəm oga nkam̄ nre kə atak Inan pə kpaktak oza pak inok nla nnap-nl̄à chit kə apal̄ ishi nra va ta.

25 Okəka wo oma onəm oga nkam̄ nre kə atak Inan və ta. Mmawo na onəm oga ngwur *akup

ká iyam va Inan ka sar nnap-nləla ókəka wo nva
uza ka là úlbərahim pa,

<Ka atak bu na mí nak nnap nnənan íkpaktak
onəm oga apambin.>

²⁶ Inan ka re uzwal wo vang apambin va ta te,
uza re nre ka na ka atak wo na mpyal na uza a
nak nnap nnənan awo nzəng ka nggaḃan unza
uzəntən wo nggo a nak na a re nnəm iyam ina.>>

4

Mma wur uBiturus ká uYohana

¹ UBiturus ká uYohana ka anung nlà nnap-
nlà ónəm te, onəm oga mpyal awop, ká unəm
ochumchum onəm oga mpángchí atak kà Nzhi
Inan, ká *oSaduki ba ru oza ká ikum.

² Igwak lak oza kakul pa uBiturus ká uYohana
kà ndyang iyam ónəm pa uYesu wong ka atak ikú.

³ Oza wur oza kùk kà nzhi ìkan pa ìpin á kpaḃ
kang ó ga ká oza ka atak onəm oga nnap-akwali.
Kakul mma wur oza ká anung arurong.

⁴ Ká nna kpa te, onəm pa kyak ka ashe onəm va
fe nnap nləla te, oza na nnandər ká. Ìyəl onəm
oga nna nnandər kyen chu ìkalon pá ìtukun.

⁵ Ìpin fa kpaḃ te, onəm ochumchum, ká
onəmgbak, ká onəm oga ndyang nnap mpakpak
oza ba but ka ashe aUrushelima

⁶ nzəng ká uHanana unəm uchumchum onəm
oga mpyal awop, ká uKayafas, ká uYohana, ká
uAlezkanda, ká nkpaktak akùm onəm oga nri
iponzhi onəm oga mpyal awop.

⁷ Oza₁ nak oza₂ kà ishimshe oza₃ te, oza₄ kat oza₅ ká akwali pa, <<Ká nza ichumchum, kat te ka ashe adin áda o nəm iyam va ta yà?>>

⁸ ARuhu aNənan ka yəl ka ashe aBiturus te, uza₁ là óza₂ pa, <<Ónəm ochumchum ká onəmbak,

⁹ a yà pa₁ mma kà nkat yi kakul iyam inənan va mma nəm ũnəm ugurum va ta, pa₂ mma nəm sankang mma tən na yà te,

¹⁰ re o nyi nkpaktak wo, ká nkpaktak oIsarila pa₁ ka ashe adin áYesu uKəristi uga aNazarat va o pak na ka apal akun ikú kang Inan wong ká na ka atak ikú te, ka ashe ichumchum adidin na unəm va ta kà nsat kà mpyal wo ukánkáng.

¹¹ UYesu uKəristi uwa,

<İpang va mmawó onəm oga mme nzhi o yang ka te,

i yà tal chit ipang va ngwan nzhi.>

¹² Mí ya nkamshi ngga iriri iga mbyet mbyet ka atak ənəm ro kat. Mí ya ka atak a wà chwat. Kakul adin aro yà ka akum apabur va Inan na ka apambin va katətak kang mí ya nkamshi ngga iriri iga mbyet mbyet kat.>>

¹³ Ka nvangva oza₁ ya apir nkam-igwak va uBiturus ku uYohana ka, kan oza₂ nyinyi kpa pa oza₃ onəm oga nnyi nro pe kat, kan pa oza₄ onəm va kur iyam ro kat kpa te, a đak oza₅. Te oza₆ nakshi ka pa onəm va ta ka ya nzəng ku uYesu.

¹⁴ Kan kakul pa oza₁ ka nya unəm ugurum va ma tan uwa tal ka ta te, oza₂ lan asal aga mbyèt nnap va ta.

¹⁵ Te oza₁ là óza₂ pa oza₃ a fa agbai kan. Oza₄ nap ichən ká izər oza₅.

16 Oza bəp owan oza pa, <<Iza i nəm ka onəm va ta yà? Nza unəm nggo ka ashe aUrushelima nyinyi pa oza nəm iyam ichumchum iga ndaktak. Asa! va pa i pyen nnap va ta te, a ya kat.

17 Kakul pa kan nnap va ta a lyanshin ka ashe onəm kat te, re i là óza pa kan oza a là nnap únəm ro lap ka ashe adin va ta kat.>>

18 Te oza wór oza wór oza tan. Oza là óza pa kan oza a là iyam ro, kat te a dyang iyam ro ónəm ka ashe adin aYesu ka pa dap lap kat.

19 ká nnà te, uBiturus ku uYohana na aman óza pa, <<Ó ya mēma dō? Nna pa i fe nnap-nlā wo nna a ji nji Inan a?

20 Nva pa i man ka nla iyam va i yiya ká iwu, ká iyam va achwang yi fife te, i ya ka nnəm kat.>>

21 Onəm-chumchum va ta là óza kəkam pa a yà pa oza i nəm pa jak te, mí re oza kat. Te oza là óza pa oza a ga. Oza lan asa! va pa o nyám ntan óza. Kakul nkpaktak onəm ka nna adəngchi íNan kakul ntan unəm ugurum va ma tan.

22 Unəm ugurum va ma tan ka ashe ichumchum iga ndaktak va ta te, izun aməmar a ji izun isəm nedən ji.

Onəm aYesu nəm aduwa pa igwak a kam oza

23 Ma re uBiturus ku uYohana te, oza kpán asa! ga atak owan oza. Oza shal óza nkpaktak iyam va onəm oga mpyal awop ochumchum ka onəmgba! là óza.

24 Nvan va oza fe nnap va ta te, nkpaktak oza won ka achu kanun-zəntən ka achal pa, <<ÁPonzhi uga nnəm ichumchum ká iyam pa

kpaktak. Mmabu na u fa ka apabur, ka apambin, ka iwá, ka iyam iga ashe oza pa kpaktak.

²⁵ Ka atak aRuhu-Nənan na u là nnap ka atak nnəm inok ku uzwal bu uDawuda ukəka yi pa, <Sang kang igwak i lak onəm nəmnəm yà? Abo onəm i tēm ka mmār iyam ina ka anung amwan kakul iza yà?

²⁶ Oponzhi oga apambin ka nra ashar ikum. Onəm ochumchum gwang ishi pa na o lung uPonzhi-Inan ka Unəm va uwa uza kyer pa a kamshi onəm a.>

²⁷ Kakul nnandər, uHirudus ku uBuntus-Bilatus nzəng ka onəm va oYahudi ka, ka oIsarila oza gwang ishi ka atak va ta ka apal ishi azwal bu uyákyək uYesu pa o dom na ka. Uza va u kyer na chit pa a kamshi onəm a.

²⁸ Oza nəm iyam va á na ka ashe ichumchum bu ka ndom bu te, u là chit mpyal pa i ga nfa.

²⁹ ÁPonzhi-Inan, nyangmata te, fe apir nnap-nlà va oza ka nla ayi pa kan i là nnap-nlà bu onəm ka. Kakul nva ta te, wa nak igwak a kam yi pa gənggəng ka nla nnap-nlà bu.

³⁰ Wa yichi awo bu na u tan onəm oga arwa na ma nəm iyam-chumchum iga ndaktak pa dongdong ka ashe adin azwal bu uyákyək uYesu.>>

³¹ Ka nvangva oza gba ka nnəm aduwa te, atak va oza but ka te, mbibin tan. Ma yəl nkpaktak oza ka aRuhu-Nənan. Te oza là nnap-nlà Inan ka ashe nkam-igwak.

*Nkpaktak ovan-ikilisiya fe nchang
iyam oza kanun-zəngtəng*

³² Nkpaktak onəm oga ashe idongkong onəm oga nna nnandər ku uKərísti va ta nnap nnəm oza pa nzəng. Nrən-nnap oza nzəngtən. Unəm ro ya va i là pa iyam va mmawó ka te, ijiwo ka nkukwa ka. Iyam pa kpaktak ijo oza pa buruk.

³³ Ka ashe ichumchum, onəm oga nre aYesu kərísti nyám nnap nkámkám ka apal ishi nnandər ngwon aYesu ka atak ikú. Nnap-nnənan Inan mmakmak ka ya nzəng ka oza pa kpaktak.

³⁴ Unəm ro ya lan iyam ro ka ashe oza ka. Kakul onəm va ka ashe oza ká irám, ka te nzhi te, oza i yap ka, i ba ka mbubwai

³⁵ i na ónəm oga nre aYesu kərísti mí kap ónəm i chu ka atak ndom anəm.

³⁶ wantana uYusufu unəm uga akum ijili aLawi va fa ka mbin aKuburus a nəm kpa. Uwa onəm oga nre aYesu kərísti i wór pa uBarnaba. (Ipir adin va ta pa Uyen uga mba ka nkam igwak.)

³⁷ Uza yap ká irám wo, uza ba ka mbubwai uza na ónəm oga nre aYesu kərísti na ma nəm inok ka.

5

UHananiya ka uchar wo uSafiratu ka

¹ Unəm ro adidin pa uHananiya ka uchar wo uSafiratu yap ka atak oza.

² Uza kpa iyam ro ka ashe mbwai atak va ta bwam kakul ipan wo nzəng ka nnyi achəchar. Te uza ga ka abubo ga na ónəm oga nre aYesu Kərísti.

³ Te uBiturus là á na pa, <<ÁHananiya, a yar sang kang u man uShetan yel ashe igwak bu har u gəl akwam âRuħu-Nənan nzəng ka mbwam iyam

ro ka_kul ishi bu ka_ashe mbwai iram va_u yap ka_yà?

⁴ Nva_nna u yap ka_chit kat_te, atak bu kat_dò? Nva_n va_u yap ka_te, mbubwai nji bu kat_dò? A yar sang kang u rəng nnəm apir iyam wa_iva_ta_yà? U gəl akwam únəm kat_. U gəl íNan.>>

⁵ Ka_nfe nnap-nlà va_ta_nna uHananiya fe byet te, uza_ru ku. A nak te, onəm va_fe nnap va_ta_pa_kpaktak te, ayər nəm oza_pa_makmak.

⁶ Ovanzam va_ka_ta_ba chəndər akúkúm yar na fa_ka_ga_li.

⁷ Acham watar pa_shadən te, uchar aHananiya ba tar. Uwa nyi iyam va_ya ubar wo chit kat_.

⁸ Te uBiturus bəp na pa, <<Mbwai va_ta_o_ya_ka_atak va_o_yap_ka_dò? là á mi n fe.>> Uchar va_ta_na aman á na pa, <<À, mbubwai na ta.>>

⁹ Te uBiturus là á na pa, <<A yar sang kang o gwang anung ka_ubar bu pa_o_mà aRuhu aPonzhi Inan yà? Fye nnáp ashar onəm oga_nle_ka_atak_nli_ubar bu nna i_náp i_ba_pa_datkulung cho. Oza_i_ga_nyar bu i_fa_ka_ňyangmata.>>

¹⁰ Ka_ta_byet uchar va_ta_ru_kú_ka_mpyal aBiturus. Ovanzam va_ba_táng ya uchar va_ta_kú_ra te, oza_yar fa_ga_li_ka_ngbak abəbar.

¹¹ A nak te, ayər nəm nkpaktak ikilisiya pa_makmak_nzəng_ka_nkpaktak_onəm_va_fe_nnap_va_ta.

Mma nəm iyam pa_ikyak_iga_ndaktak

¹² Onəm oga_nre aYesu Kəristi nəm iyam ichumchum pa_ikyak_iga_ndaktak. Nkpaktak onəm oga_nna nnandər ka_uKəristi i_but_ka_anung

zəngtəng ka ashe Nzhi Inan ka atak va mí wór pa Agəlan aSolomon.

¹³ Onəm va ya ka ashe idongkong oza kat te, igwak kam unəm ro pa a tar ashe oza kat. Ka nna kpa te, onəm pa makmak ka nna ichumchum óza pa makmak.

¹⁴ Nza ilum nggo te, onəm oga nna nnandər ka uKərísti ka n-yəl na chwat pa makmak. Onunggwān ka ochar kpa.

¹⁵ Ka kul iyām ichumchum, ka ntan onəm oga arwa va onəm oga nre aYesu ka nnənəm te, har onəm i fa ka onəm oga arwa i nar ka apal iyām-nra ka apal asal na a yà pa uBiturus ka ngwatar te, alaḱan laḱan a dok oro ka ashe oza oza a tan.

¹⁶ Onəm oga atak va gang aUrushelima te, oza pak inok mba ka onəm oga arwa pa makmak ka onəm va aruhu-bāngbang ləp oza. Ma tan oza pa kpaktak.

Nnyán ka onəm oga nre aYesu Kərísti

¹⁷ UPonzhi onəm oga mpyal awop ka nkpaktak onəm va nzəng ka na ká idongkong oSaduki va ka ta te, ikpar nəm oza ka oza pa makmak.

¹⁸ Oza wur onəm oga nre kùk ka nzhi ikan.

¹⁹ Ká izwam te, umaleka ba bol anung nzhi ikan fa ka oza. Uza là óza pa,

²⁰ <<O ga ashe Nzhi Inan o tong o là nnap iriri ipipyē va ta ónəm.>>

²¹ Oza fe nnap va ta te, ya atak ka ntan. Te oza ga ashe Nzhi Inan dyang iyām wa nva ma là óza. UPonzhi onəm oga mpyal awop ba ka onəm va nzəng ka na te, oza wór awór ka ashe nzhi *mbut nchumchum. Ma wór nkpaktak onəmgbak

oIsarila but te, ma re nre pa ma ba ka onəm oga nre aYesu Kəristi va ma kək ka nzhi ikan a.

²² Onəm oga mpangchi atak ka Nzhi Inan ga nre va ta te, oza ga ya onəm va ma kək va kat. Te oza le ba la pa,

²³ <<I ga i ya anung nzhi ikan ma vəvəng pa dakdak. Onəm oga mpangchi atak oma tong kanun-asal. Ka nvəngva i bol anung atak i tan te, i ya unəm ro ka ta kat.>>

²⁴ Unəm uchumchum onəm oga mpanchi atak ka ashe Nzhi Inan ka onəm oga mpyal awop ochumchum fe wanta te, nnap onəm aYesu va ta dak oza pa i ga i kur san ya?

²⁵ Te unəm ro ba ka nghan la óza pa, <<Onəm va o kək ka nzhi ikan te, oma ya ka ashe Nzhi Inan ka ndyang iyam ónəm.>>

²⁶ Te unəm uchumchum onəm oga mpanchi atak ka Nzhi Inan ka onəm ro fa ga ba ka onəm oga nre aYesu Kəristi va ta. Oza nyám ikàm ro óza kat. Kəkul oza ka nnəm ayər onəm pa kan oza a kwan oza ka ipáng kat.

²⁷ Oza ba nak oza tong ka mpyal onəm oga ashe mbut nchumchum. Te uponzhi onəm oga mpyal awop kat oza pa,

²⁸ <<O bám sang ya? I won wo pa gənggəng pa kan o dyang iyam ónəm ka ashe adín anəm wo va ta kat te, o fe kat dò? Ashe aUrushelima gang chit pa lat ka ndyang wo. O dom pa na a ya pa akat ikú anəm va ta i təm mmayi na ká ishi dò?>>

²⁹ Te uBiturus ka owan wo onəm oga nre aYesu kəristi na aman á na pa, <<Nkpak pa i kpak nnap Inan ka nva pa i kpak nja anəm a.

³⁰ Inan okēka yi uwa won ku uYesu ka atak ikú. Unəm va uwa o gbał na ka atak mpak na ka apal akun ikú a.

³¹ Uwa Inan won ka na ba ga apabur a na atak-nsat á na kawo ari wo. Uza tał uPonzhi kan Unəm uga Nna Iriri kpa, na uza a nak oIsarila a re nnap-mbángbang na ma yar óza.

³² Mmayi i tong onəm oga nla iyam va i nyi ka apal ishi nnap va ta pa kpaktak. ARuhu-Nənan i nənəm pa na kpa. ARuhu va Inan na ónəm oga nkpak nnap nnəm á na a.>>

³³ Oza fe wanta te, a lak igwak óza pa makmak. Oza dom pa ka o gbang oza.

³⁴ Te uFarisi ro adidin pa uGamaliyal unəm uga ndyang nnap-mpakpak va onəm pa kpaktak nak inəm nak á na, a won ga akul ka ashe mbut. Uza la pa onəm va ta a fa agbai kan.

³⁵ Te uza la ówan wo pa, <<Ónəm oga aIsarila, o nəm dakdak ka iyam va o dom nnənəm ónəm va ta.

³⁶ Ka ya te, unəm ro uwa ka ya adidin pa uTadus. Uza yar ishi wo pa mmawó iyam ro. Onəm chu igbał pa inedən chu va yar nvəvang Ma gbał na. Ma lyān-shin onənəm. Te unəm ro fe iyam ro ka apal ishi oza lap ka.

³⁷ A le te, uYahuda uga mbin aGalili ka ya ka ashe nra ngga nkun iyel onəm. Uza yan nnap *oRoma har a dap nnap nnəm onəm pa kyak oza yar nvəvang. Ma gbał na kpa. Te onənəm lyānshin pa kpaktak.

³⁸ N-yanmata ka apal ishi nnap onəm va ta jiwo te, mmami ka nla pa ma re oza pa kwák. Kakuł a ya pa iyam va oza ka nnənəm kan nnap anəm te,

nna i ga i mai ká ishi wo.

³⁹ A ya nnyi pa nnap Inan nnandər te, ó ya ka asal ro pa o ɗat oza kat. O nəm dakdak kakul le kan a won a yà pa mmawó ka nlung Inan kat.>>

⁴⁰ Oza man ká ichəchən. Te oza wór onəm oga nre aYesu Kəristi tan. Oza nəm asap óza nzəng ka ngwon oza pa kan oza a là nnap ro ka ashe adin aYesu lap kat. Te oza re oza.

⁴¹ Onəm oga nre aYesu Kəristi fa ka atak onəm va ta ka nchang igwak pa ma ya məma pa ma na iwuswa onəm wa nji oza kpa kakul adin aYesu.

⁴² Nza ilum nggo ka ashe Nzhi Inan nchumchum, ka nzhi onəm te, oza bak ka ndyang iyam kat. Oza i là nnap-nlà ngga nchang nfe kpa pa uYesu uwa uKəristi va.

6

Ma yak onəm pa ofanshat

¹ Ka nra va ta iyel onəm aYesu Kəristi ka ngga mpyal ka mmak te, oYahudi oga nla achu oHeleni ban nnáp irishi ka apal ishi oYahudi oga nla achu oza ka nkukwa. Oza náp irishi kakul ochar okpələn ka ashe oza va obar oza kuku te, ma nakshi ka oza ka apal ishi nnáp iyam-nrì iga nza ilum nggo kat.

² A nak te, okpəri aYesu oga ogbapchi aman pa parəm wór nkpaktak onəm aYesu Kəristi but kanun-zəntən. Oza là óza pa, <<Nva pa i re inok nla nnap-nlà Inan na i təm ka nkap iyam-nrì te, i byen kat.

³ Ógənan̄g, o yak onəm pə ofanshat kə ashe wo va o məmən̄ kə. Onəm va aRuhu-Nənən̄ yəl oza yəl nzəng kə aghan na i tap oza ká inok va ta.

⁴ Mmayi te, i na ishi yi pə kpaktak kə nnəm aduwa kə ndyang nnap Inan ónəm.>>

⁵ Ichən oza va ta chang kə onəm pə kpaktak. Te oza yak ulstifanus unəm uga nna nnandər pə makmak. ARuhu-Nənən̄ yəl na kpa. Ku uFilibus, ku uBurokaras, ku uNikanar, ku uTiman, ku uBarmina, ku uNikałas unəm uga Antakiya va kə nnap awop Inan oYahudi te, uza unəm ukankam a.

⁶ Onəm va ta ma yak oza ma ba kə kə mpyal onəm oga nre aYesu kərísti. Kə nvəngva oza nəm aduwa te, oza nak awo óza kakul nnəm inok va ta.

⁷ Nnap nlà Inan kə mmyak kə ngga mpyal na chwət. Onəm aYesu Kərísti kə ashe aUrushelima ga mpyal kə n-yəl pə makmak. Onəm oga nshi iyam awop pə kyak man kam nnap-nlà Inan oza na nnandər kə.

Ma kpán ulstifanus

⁸ Nnap-nnənən̄ Inan ká ichumchum chumchum yəl ulstifanus. A nak te, uza i nəm iyamchumchum iga ndaktak pə đongđong onəm kə n-ya.

⁹ Te onəm ro oga Idongkong va mí wór pə Idongkong onəm va ma jul oza chit ká izwal va fa kə aKurane, kə Alekzandariya, kə oro va fa kə Kilikiya, kə Asiya te, oza won kə ndáp atam ku ulstifanus.

¹⁰ Ka nna kpa te, oza chu ndáp nnap-nlëla kat. Kakul uza i là nnap ka ashe aghan va aRuhu-Nënan ka nnëna á na a.

¹¹ Te oza nak onəm pa a là pa, <<I fe uIstifanus ka mpwat uMusa ká Inan kpa.>>

¹² Kaşal va ta oza nak nnap nnəm onəm won, ka onəmbak, ka onəm oga ndyang nnap-mpakpak. Oza nnyi te, oza ga ya uIstifanus. Oza kpán na ga mpyal mbut nchumchum ka.

¹³ Oza ba ka onəm ro va i kyen akwam ka apal ishishi pa, <<Unəm va ta i mai ka mpwat Nzhi Inan nchumchum ka nnap-mpakpak kat.

¹⁴ Kakul i fe na fe uza i là pa uYesu ga aNazarat va ta i ga nshin atak va ta. Uza i gaban nnap yi mmatmat va uMusa a re ayi a.>>

¹⁵ Nkpaktak onəm va təm ka ashe mbut va ta pak iwu ústifanus te, oza ya asal-wuwu i mëlám wa asal-wu omaleka.

7

Nnap nlà aIstifanus ka mpyal onəm oga akwali

¹ UPonzhi onəm oga mpyal awop bəp uIstifanus pa, <<Iyam va ma là ta te, wanta na dō?>>

² Te uIstifanus là pa, <<Ógənanang mi ka opo mi, o gwong achwang o fe. UPonzhi Inan uga ichumchum nyám ishi wo úkəka yi uAbərahám ka ashe mbin aMasipotamiya kan uza re atak va ta uza ga aHaran.

³ Inan ka là á na pa, <Won re mbin bu ka onal bu na u ga mbin va mi nyám abu.>

⁴ A nak te, uza re mbin oza onəm oga aKaldiya uza ga təm ka aHaran. Ka nvañ ikú apupon te,

Inan won ka na ka ta ba ka na ka mbin va mmawó ka ntəm ka ashishe nyangmata a.

⁵ Inan na mbin va ta á na pa njini ngga ipəpan kat. Ko Inan kpal mbin va ta ka ashe ndon awo na á na kat. Iyam va Inan nəm te, uza sar nnap-nlā pa o na mbin va ta á na ka akum ijili jili oza i tēm ka ashishe. Nna kap ka nva pa uwa ka ya ku uyen chit kat a.

⁶ Iyam va Inan là úlbərahim te, pa onəm oga akum ijili jili i tong onəmchən ka ashe mbin va njo oza kat. Onəm oga mbin va ta i nyám izwal óza. Oza i nyan ka oza pa zhalat zhalat i nəm izun igbal pa inedən.

⁷ Inan là kpa pa onəm va i nyám izwal va ta óza te, ò nap akwali óza. Ka nvəvəng te, oza i re mbin va ta i ba i wop wo ka atak va ta.

⁸ Inan là úlbərahim pa uza a pa ache. Mpà ache va i nyám nsar nnap-nlā va ká ishimshe oza a. A nak te, ma mar uIshaku nəm nra pa nnanne te, uAbərahim pa ache á na. UIshaku mar uYakup te, uza nəm á na pa na kpa. UYakup mar okəka yi oga ogbapchi aman pa parəm va te, uza nəm óza pa kpa.

⁹ <<Okəka yi va ta kakul pa ikpar aYusufu nəm oza te, oza kpán na oza yap ka. Ma ga ka na kaMasar.

¹⁰ ká nnà te, Inan kamshishi ka ashe nkpktak ndaktak va ya na. Inan nak na ká *izhan ka mpyal aFirauna uga aMasar. (AFirauna pa te, adín iponzhi iga aMasar.) Uza na aghan á na kpa. A nak te, uponzhi va ta kyer na sat unəm uga nnəm ka mbin aMasar ka ashe nzhi iponzhi wo.

¹¹ <<A nəm te, ayan fa ka ashe nkpktak mbin

aMasar ka aKanana. A ba ka mbək anung onəm pa makmak. A nak te, okəka yi lan iyam-nri.

¹² UYakup won fe pa iyam-nri na ya ka aMasar te, uza re okəka yi ga nram iyam-nri ka atak va ta. Nggà oza va ta nggà nggà ngəshi.

¹³ Oza le ga mpəpar te, uYusufu nyám ishi wo ógənanang wo. A nak te, uFirauna nyi akum ijili jili kpa.

¹⁴ Te uYusufu re nre ūpo wo uYakup pa uza a vang ka nkpaktak onəm wo. Iyəl oza onəm isəm pa ifangshat ka aman pa tukun.

¹⁵ Te uYakup won nzhi ga aMasar. Ka ta na uza kú. Okəka yi kú ka ta na kpa.

¹⁶ Ma wur akúm oza ma le ka aShekem ma li ka ashe awap va uAbəraham ka yap ka azurfa ka atak ovan aHamor a.

¹⁷ <<llum n-yəl nsar nnap-nlà va Inan ka yar úlberahim ba dat chit ka nchu te, onəm yi yəl ka ashe mbin aMasar pa makmak.

¹⁸ Nəm te, unəm ro va nyi iyam ro ka apal ishi aYusufu kat te, a ri iponzhi.

¹⁹ Uponzhi va ta mam aghan abángbāng kò onəm yi. Uza lam oza. Uza nyan ka okəka yi pa zhalat zhalat, uza nak mí swan ovanbak pa kan a lár kat.

²⁰ Ka ashe nra va ta te, ma mar uMusa. Uyen va ta byen pa gənggəng. Ma kan na ka nzhi apupon apye pa shadən.

²¹ Te ma ga ma re na ka ashe n̄zam wa ador mmandar na te, uya aFirauna uyen byen ga vek na. Uza yar na kan na wa ayen wo.

²² Ma na nkpaktak nnyi ngga aMasar á na. Uza sat unəm uga nnyi nnap-nlà ngga anung ka nnəm

nnap kpa.

²³ <<Ka nvaṅṅva uMusa nəm izun chit isəm pa inedən te, uza yar ka ashe igwak wo pa o ga atak ogənan wo oIsarila, na o ya apir mbək anung va oza ka ashishe.

²⁴ Uza ga te, uza ga ya unəm uga aMasar ro ka nnyan ku unəm uga aIsarila. Uza kam ikukum har uza pyát akəkat á na kpa ka atak ngbaḷ unəm uga aMasar va ta.

²⁵ Nrəng aMusa pa apir nnap nnəm wo va ta i nak aghan i ga onəm wo oIsarila pa mmawó na Inan ka nnəm inok ka, na o kamshi oza. ka nnà te, a ghan ga oza kat.

²⁶ İpin fa kpaḱ kàḱi te, uMusa ba ya oIsarila pa oparəm ka nlun ikum. Uza ḱak pa na o dan oza. Te uza là óza pa, <Ónəm va ta, mmawó ogənan te, o nyi kat dō? Sang kang o dom nnak abang ówan wo yà?>

²⁷ Te unəm va ji nkam awan wo ji te, uza dan uMusa le á na ka cho. Uza là á na kpa pa, <Uda nak bu unəm uga nnəm ichumchum ka yi yà? Uda nak bu ka nkat akwali ayi yà?

²⁸ U dom pa u gbaḷ mi wa nva ku u gbaḷ unəm uga aMasar ka nlam dō?>

²⁹ UMusa fe nnap va ta wanta te, uza chər ga təm ka mbin aMidiyan. Ka ta na uza mar ovan wo onüṅṅwan pa oparəm.

³⁰ <<Ka nvan izun isəm pa inedən te, umaleka ro fa nyám ishi wo úMusa ka ashe aməlam apər aga nri iya-kun ro ka ashe ñzam aBam aSinayi.

³¹ UMusa ya te, a sat iyam iga ndak na. Uza sən ga dat na o dər te, uza fe achu aPonzhi Inan pa,

³² <Mmami na Inan okəka bu. Inan albərahim, ku uIshaku, ku uYakup.> Te izər ban ntan ku uMusa. Igwak kam na pa_ uza_ a dər apər va_ ta lap kat.

³³ Te uPonzhi-Inan là á na pa, <Zəp akwap aga ashar bu. Kakul atak va_ u tal_ ka_ ta_ te, atak yəryər.

³⁴ N ya mbək anung va_ ya mí na onəm mi kaMasar. N fe ndum ká izər-nrwa oza_ fe. A nak te, n fər chit n vang pa_ n kamshi oza_. Ba na n re bu u ga aMasar.>

³⁵ <<UMusa va ta_ oza_ ka_ yan ka_ na oza_ là á na pa, <Uda nak bu unəm uga nnəm ichumchum ka_ yi yà? Uda nak bu ka_ nkat akwali ayi yà?> Te uwa Inan re nre ka_ na tal_ unəm uga nnəm ichumchum ka_ oza_. Uwa kpa unəm uga nkamshi oza_. Inan na inok úMusa ka_ atak nre umaleka wò va nyám ishi wo úMusa ka_ ashe iya-kun iga nri apər va_ a.

³⁶ UMusa uwa fa ka_ oza_ ka_ ashe mbin aMasar nvangva_ uza_ nəm iyám-chumchum iga ndaktak pa_ dongdong chit ka_ ashe aMasar ká Iwa Irəzan a. Uza_ nəm iyám pa_ dongdong kpa ka_ ashe anyin har izun isəm pa_ inedən.

³⁷ UMusa va ta_ ka_ là ólsarila pa, <Inan i ga nre nre awo ku unəm uga nkam nre katətak uva uzəntən ka_ ashe wo wa nva_ uza_ re nre ka_ mi a.>

³⁸ UMusa ka_ ya ka_ ashe onəm Inan ka_ ashe anyin nzəng ka_ okəka yi ku umaleka va_ ka_ là nnap ka_ na ka_ apal abam aSinayi. Uwa kpa kam nnap-nlā ngga iriri ka_ atak Inan a na ayi.

³⁹ Ka_ nna kpa te, okəka yi yan ka_ nkpak nnap nnəm á na. Oza_ yan ka_ na le ka_ na re, oza_ na igwák oza_ ka_ nnap nle mbin aMasar.

⁴⁰ Oza_ là úHaruna pa, <Nəm iyám-ngwop ayi va

oza i lim mpyal ayi. Kaḱul uMusa va fa ka yi ka ashe mbin aMasar te, i nyi iyam va ya na kaṭ.>

⁴¹ Ka ashe nra va ta na oza lá ichər iya-na. Oza pa iyam oza wop ichər va ta ka. Oza nəm nchang-izər ngga nna ichumchum íyam va awo oza a nəm a.

⁴² Kaḱul nva ta te, Inan gaḅaṇ asəm na óza. Uza re oza ka ngwop iyam iga apabur wa izhán wa nva ma lir ka ashe atakarda onəm oga nkam nre ka atak Inan pa,

<Ónəm oga aIsarila, mmami na ka o pa iyamkang ka ashe anyin o yichi á mi a nəm izun isəm pa inedəng va dō?

⁴³ Ko pa dap aghal aMolek va mí ka ka awa te, nna o yar o ra nggang ka, o wop awop ka ashishe.

Aghal va alaḱaṇ izhan aRamfan va o wop a.

Ichər va o nəm te, oma o wop.

Kaḱul nva ta te, mi nak mí wur wo ká ikum mí ga ka i watar mbin aBabel watar.>

⁴⁴ <<Matmat te, okəka yi oma ka ya ka aghal aga awa va nyám pa Inan nzəng ka oza ka ashe anyin. Ma ka aghal va ta wa nva ma là úMusa. Aghal va ta pa səlak wa nva uMusa ka ya ká iwu.

⁴⁵ Okəka yi ka ashe nra aYoshuwa te, oma ka ya ka aghal va ta. Aghal va oza kəkam a. Oza ba tar ka ka ashe mbin va Inan baḱ onəm oga ashishe fa le óza. Aghal va ta nná ka ya har ba chu nra aDawuda

⁴⁶ va Inan fe nchang fe ka na. Uza chál Inan pa uza a maṇ awo u me nzhi nra á na. Uza va Inan aYakubu a.

47 ká nnà te, uSolomon a won a me nzhi va ta íNan.

48 Ka nna kpa te, uPonzhi-Inan va ji pa kpaktak te, uza i təm ka ashe nzhi va onəm a me kat. wantana uYeshayah unəm uga nkam nre ka atak Inan ka là pa,

49 <Inan là pa,

Apabur nna itok iponzhi mi a.

Apal mbin nnyi te, atak nnak-ashar mi.

Chit te, nza nzhi pa wat ó me á mi yà?

Nza atak i won i ya pa atak njul njul mi yà?

50 Ka ashe ichumchum mi na n nəm nkpaktak iya va ta kat dō?>

51 <<Ónəm oga nkak ishi oga anung igwák itwattwat. Achwang wo kpəkpəng kpa. O dōngdōng ka okəka wo kat. Pa dəkər mmawó ka nlyat izər o yang nnap aRuhu-Nənan.

52 Ka ashe nkpaktak onəm oga nkam nre ka atak Inan te, nza uzəngtəng ka ashe oza okəka wo na idumdum á na kat yà? Onəm oga nla nnáp mba Anəm-Nənan va ta te, oza gbəng oza. Uwa nyangmata o mwàn na o gba.

53 Mmawo na o kam nnap-mpakpak aMusa va omaleka a ba ka. Ka nna kpa te, o kpak kat.>>

Ma kwan uIstifanus kú

54 Onəm-chumchum oYahudi fe wanta te, a ram oza pa zhalat zhalat. Oza məmchi anung oza i kyen ká inyin kakul igwak lak oza.

55 UIstifanus jiwo te, aRuhu-Nənan yəl na. Uza pak iwu i dər apabur, uza ya ichumchum Inan va byen pa gənggəng, ku uYesu təm kawo ari Inan.

⁵⁶ Te uza_ là pa, <<Dər kan, mmami ka_ nya apabur bol. N ya uYesu Kəristi təm kawo ari Inan.>>

⁵⁷ Te oza_won ka_ngham achu pa_gbangban. Oza_zwan achwang oza_ká ifán kakul kan o fe iyam va_ uza_ka_nlola kat. Oza_ba kanun-zəntən oza_ba gún na.

⁵⁸ Oza_fa ka_na ka_nsəm nzhi. Ma kwan na ká ipán. Onəm va_ka_ là iyam va_ oza_nyi ka_apal ishishi te, oza_zəp ilukwán oza_nak úyenzəm ro adidin pa_uShawulu pa_a panchi óza.

⁵⁹ Te oza_pak inok nkwan ulstifanus ká ipán. Uza_nnyi te, ka_ya ka_nchal Inan pa, <<ÁPonzhi-Inan kam aruhu mi.>>

⁶⁰ Te uza_bəram ka_mbin uza_là nnap ka_achu akámkám pa, <<ÁPonzhi-Inan, kan nnap-mbángbang va_ta_ a təm óza ká ishi kat.>> Ka_nvangva_uza_gba_ ka_nnap-nla_ va_ta_te, uza_ru ka_mbin ku.

8

¹ UShawulu man ka_ngba_ aIstifanus va_ta_man.

Ma nyan ka_onəm aYesu

Ká ilum va_ta byet te, mbək anung íkilisiya mbángbang fa ka_ashe aUrushelima. Ma lyan-shin nkpaktak oza_ka_ashe mbin aYahudiya ka_aSamariya. Onəm oga nre aYesu kəristi oma byet ma re ka_ashe aUrushelima.

² Onəm oga ngwa Inan onandər ro ba yar ulstifanus li. Oza_yən ikuku pa_zhalat zhalat.

³ UShawulu nnyi te, uza_nəm íkilisiya ka_nchang kat. Uza_i tan nzhi onəm pa_nzəngzən i dap onəm

oga ngwa uYesu onungwan ka ochar i fa. Uza i ga ka oza pa ma kuk ka nzhí ikán.

UFilibus là nnap aYesu kəristi ka mbin aSamarlya

⁴ Onəm oga ngwa uYesu va ma lyanshin oza pa kpakpa te, oza i là nnap-nlà aYesu ka atak va kpaktak oza ga ka.

⁵ UFilibus ga atak-chumchum ro ka ashe mbin aSamariya. Uza là nnap aYesu kəristi ónəm ka ta.

⁶ Nggatək va pa kpaktak fe iyam va uFilibus ka nləla te, oza nakshi ka pa dakdak kakul iyam-chumchum iga ndaktak va uza ka nləla ká iyam va uza ka nnənəm a.

⁷ Onəm pa kyak aruhu-bángbang fa re oza nzəng ka nghan achu. Onəm oga ngbak izər ikuku pa kyak ka onəm-gurum oza tan.

⁸ A nak te, ma nəm nchang igwak pa makmak ka atak va ta.

USiman unəm uga nnəm ivak

⁹ Ka ya matmat te, unəm ro uwa ya ka atak va ta adidin pa uSiman. Uza i nəm ivak ká iyam iga nna ayər íkpaktak onəm oga aSamariya. Uza i fam pa mmawó unəm uchumchum.

¹⁰ Onəm pa kpaktak, ochumchum ka obwakan, na nnandər na ká iyam va uza ka nnənəm. Oza i là pa, <<Unəm va ta uwa ichumchum Inan va mí wór pa Ichumchum a.>>

¹¹ Oza na nnandər na ka na, kakul a ya nra chit uza ka mpak inok nnəm iyam-chumchum iga ndaktak ka atak nnəm ivak wo.

¹² Kan nvangva oza na nnandər ka nnap-nlà ngga nchang nfe va uFilibus là óza ka apal ishi

iponzhi Inan ká ichumchum adin aYesu Kəristi te, ma nəm abaptisima ózə, onungwan ka ochar.

¹³ Kap ku uSiman ká ishi wo, uza na nnandər kpa. Ma nəm abaptisima á na te, uza yan úFilibus ká ijili. Iyam-chumchum iga ndaktak pa dongdong va uza ya uFilibus ka nnənəm te, a dak na pa gənggəng.

¹⁴ Onəm oga nre aYesu kəristi va ka ashe aUrushelima fe pa onəm oga aSamariya kam nnap-nlā Inan chit te, oza re nre ózə ku uBiturus ku uYohana.

¹⁵ Nvan va oBiturus ba chu te, oza nəm aduwa ózə pa oza a kam ichumchum aRuhu-Nənan.

¹⁶ Kakul nná ka fər chit ka apal ishi oza kat. Ma nəm abaptisima ózə na pa mwan ka ashe adin aPonzhi-Yesu.

¹⁷ Oza nak awo ózə te, oza kam ichumchum aRuhu-Nənan.

¹⁸ USiman ya chit pa onəm oga nre aYesu kəristi ka atak nnak awo onəm ká ishi na kan mí kam ichumchum aRuhu-Nənan va te, uza na mbwai ózə.

¹⁹ Uza là kanunun pa. <<O na apir ichumchum va ta á mi kpa. Na unəm va kpaktak n nak awo á na ká ishi te, uza a kam ichumchum aRuhu-Nənan.>>

²⁰ Tə uBiturus là á na pa, <<Mmabu ka mbwai bu o zhì pa kpaktak. Kakul u nak pa mí yap imwa Inan ka mbwai.

²¹ Iyam ro ya yar bu ka ashe nnap va ta kat. Kakul mmabu ká igwak inənan ka mpyal Inan kat.

²² Kakul nva ta te, wa re nnap nna bu va ta. Chal uPonzhi-Inan mo te uza a yar nnap-mbángbang nrən-nna ngga ashe igwak bu abu.

²³ Ka_kul n ya pa_ikpar ibáŋgbāŋg iya yəl ka_ashe bu kan nnap-mbáŋgbāŋg pá asang abu kəkam.>>

²⁴ Te uSiman là pa, <<O chál uPonzhi-Inan á mi ka_kul le kan iyam pa_izən ka_ashe iyam va_o là ta te, a ya mi kať.>>

²⁵ Nvang va onəm oga nre aYesu kəristi va ta là iyam va_chit oza_nyi ka apal ishi aYesu nzəŋg ka_nla ónəm nnap-nlà va_aPonzhi-Yesu dom pa_onəm a_nyi te, oza_le ba ga aUrushelima. Oza_pak inok nla nnap-nlà Inan ngga nchang nfe kaśaľ kavan atak aga mbin aSamariya pa_ikyak.

*UFilibus là nnap nlà Inan
ûnəm uchumchum ro uga aHabasha*

²⁶ Te umaleka ro fa là úFilibus pa, <<Won kpán asaľ ga asaľ nkwandal. Yar asaľ va fa ka_aUrushelima i ga aGaza. Asaľ va ka_ashe anyin a.>>

²⁷ A nak te, uFilibus won ru asaľ ga. Te uza_ya unəm uchumchum ro uga aHabasha. Uwa i nakshi ka_nkpaktak atak mbut mbwai aKandakatu uga aHabasha uchar. (AKandakatu pa te, aďin iponzhi iga mbin aHabasha.) Ma gbaľ atak amar gbaľ ku unəm va ta ka_kul nnap inok. Unəm va ta ba ga aUrushelima ka_kul ngwop Inan.

²⁸ Uza ka_nle ngga nzhi ka_ashe akeke va ipəri i dap te, uza_ka_ya ka_nkun nnap-nlà Inan va uYeshayah a lir.

²⁹ Te aRuhu Inan là úFilibus pa, <<Sən ga dat ka_akeke va ipəri ka_ndədap ta.>>

³⁰ UFilibus chər ga atətak. Te uza_fe unəm va ta ka_nkun ka_ashe nnap-nlà Inan va uYeshayah a lir.

UFilibus bəp unəm vā ta pa, <<Mmabu ka nkpán ipir iyām vā mmabu ka nkukun na lyát do?>>

³¹ Unəm vā ta là á na pa, <<Mi nəm sang kang mi kpán ipipir yà? Ya unəm ro i kang ijili jili á mi kang.>> Te uza chál uFilibus pa uza a kyen akeke a tēm nzəng ká wo.

³² Unəm uchumchum vā ta ka ya ka nkun atak va ka ashe nnap-nlā Inan là pa, <<Ma ga ka na wa iya-tam va nyi iyām ro kať. Mi i ga atak mpà na chwāt ka na. Uza mār ka anung wa iya-tam va mí ya kà nkpat akpāp á na te, i yən kať a. wantana mí nəm á na sanggo te, uza i bol anung kať.

³³ Ma nəm ka na pa vyakshin har ma nnap-akwali á na va ya ka nnandər kať. Uda kur nla pa mo te, uza re *nvañ ro yà? Kakul ma yar iriri riri kapambin vā ta.>>

³⁴ Unəm uchumchum vā ta bəp uFilibus pa, <<Mmami ka nchal bu. Wa mən te, wa là á mi. Unəm uga nkām nre ka atak Inan vā ta ka nla nnap ka apal ishi wo dō, kať te ka apal ishi anəm-kak?>>

³⁵ Te uFilibus ban ka atak vā uza kun ta uza là nnap-nlā ngga nchang nfe á na ka apal ishi aYesu pa dakdak.

³⁶ Oza ka ngga te, oza ba chu atak ndəng ro. Te unəm uchumchum vā ta là pa, <<Ndən na ta. Iza i dan pa ma nəm abaptisima á mi yà?>>

³⁷ UFilibus là á na pa, <<A yà pa u na nnandər na ká igwak bu pa kpaktak te, mí nənəm abu.>> Te unəm uchumchum vā ta là á na pa, <<N na nnandər na pa uYesu Kəristi uYa Inan.>>

³⁸ Te uza₁ nak ma sat ka₁ akeke. Oza₁ fən mparəm oza₁ ga atak ndəng va₁ ta. Te uFilibus nəm abaptisima á na.

³⁹ Ka₁ nfa oza₁ na byet ka₁ ashe ndəng te, aRuhu aPonzhi Inan dapchi uFilibus lár ka₁. Unəm uchumchum va₁ ta ya na lap kat₁. Uza₁ ga achen wo ka₁ ashe nchang ìgwak.

⁴⁰ A nəm te, uFilibus ya ishi wo ka₁ aAzotus. Uza₁ pak inok nra nggang ka₁ ashe mbin ngga atak va₁ ta i là nnap-nlà ngga nchang nfe ka₁ apal ishi aYesu har uza₁ ga chu aKaisariya.

9

UShawulu ga₁ba₁n nyan unəm uga ngwa uYesu

¹ UShawulu ka₁ ya ka₁ nsat atak ónəm aPonzhi-Yesu pa₁ o gbán oza₁. Te uza₁ ga atak aponzhi onəm oga mpyal awop

² uza₁ bəp na pa₁ uza₁ a na oga awasika awo na o ga atak onəm oga nzhí Inan mbwakan va₁ ka₁ aDəmaska na o ya onəm oga nla pa₁ mmawó ka₁sal aYesu va₁ ta, onunggwan ka₁ ochar. Te ò wur oza₁ ò ba aUrushelima ka₁ ka₁ ashe ikan.

³ Uza₁ ka₁ ashe ngga, uza₁ ba dat chit ka₁ aDəmaska te, atak atántàn mul na ka₁ nfa ka₁ apabur a ghan gang na ka₁ ashe.

⁴ Te uza₁ ru ka₁ mbin. Uza₁ fe achu ro ka₁ nla á na pa₁, <<ÁShawulu, áShawulu, sang kang bu bək anung á mi yà?>>

⁵ Te uShawulu là pa₁, <<Mma₁bu uda ya ánəm ga nzhí?>> Achu va₁ ta na aman á na pa₁, <<Mmami uYesu va bu bək anung á mi.

⁶ Won na u ga ashe aDəmaska. Ka ta te, nna mí là iyam va abu pa u nəm.>>

⁷ Onəm va ka ya nzəng ka na te, oza tong nnap-nlà dak oza ka nla. Oza fe achu fe kan oza ya unənəm kat.

⁸ Te uShawulu won. Uza bol iwu te, uza ya atak kat. Ma kpán awuwo ma dap na oza ga ashe aDəmaska.

⁹ Nrəra pa nshadən iwu ya atak kat. Uza ri iyam ro kat. Uza wa iyam ro kat kpa.

¹⁰ Unəm aYesu kərísti ro uwa ya ka ashe aDəmaska adidin pa uHananiya. UPonzhi-Yesu wór na ka ashe alár pa, <<ÁHananiya.>> Te uza man pa, <<À, m man aPonzhi-Yesu.>>

¹¹ Te uPonzhi-Yesu là á na pa, <<Won ga nzhi aYahuda va kaşal va mí wór pa Asal aga Nsat Nzwan. Wa bəp izər anəm uga aTarsus ro ka ta adidin pa uShawulu. Uwa ka ta ka nnəm aduwa.

¹² Uza ya chit ka ashe alár pa unəm ro adidin pa uHananiya ka ntar ka atak wò. Uza nak awo a wò ká ishi na ò ya atak kàdī .>>

¹³ Te uHananiya na aman pa, <<ÁPonzhi-Yesu, n fe iyam chit pa makmak ka apal ishi anəm va ta, ka apir iyam bángbàng va uza nəm ónəm oga ngwa bu ka aUrushelima.

¹⁴ Uza ba ka ta ká ichumchum ka atak onəm oga mpyal awop ochumchum pa uza a wur nkpahtak onəm oga ngwór ka ashe adin bu uza a kuk.>>

¹⁵ Ká nnà te, uPonzhi-Yesu là á na pa, <<Ga atətak. Kakul n yak na chit unəm uga nnəm inok mi. Na uza a nak onəm va oYahudi kat, a nyi adin mi, ka oponzhi, ka oYahudi kpa.

16 Mi nyám á na apir mbək anung vā nkpak pa uza a bək kakul adin mi.>>

17 Te uHananiya ga. Uza ga tar nzhi va ta. Uza nak awo úShawulu ká ishi te, uza là pa, <<Ágənanɡ mi uShawulu, uPonzhi-Yesu a re mi. Uwa ka nyám ishi wò abu kaşal ká mba bu ka ta a. Uza re mi pa u ya atak kadi. Na aRuhu-Nənan a yəl bu kpa.>>

18 Ta byet te, iyam ro wa akwangkwang tak fa ka ashe iwu aShawulu. A nak te, uza ya atak kadi. Te uza won ga ma nəm abaptisima á na.

19 Nvan va uza ri iyam-nri te, uza ya nkam izər. UShawulu təm nzəng ka onəm aYesu Kəristi oga aDəmaska ya nra wat.

UShawulu là nnap-nlā Inan ka Dəmaska

20 Uza kali kat, uza ban nla nnap ónəm ka ashe nzhí Inan mbwakan pa uYesu uwa uYa Inan.

21 Nkpaktak onəm va fe na te, a sat iyam iga ndak oza. A nak te, oza bəp owan oza pa, <<Unəm va ta uwa ka nəm ibàng ónəm oga nna nnandər ka adin aYesu oga aUrushelima kat dò? Uza ba ka ta kakul ngwur onəm ò kùk ónəm oga nshi iyam awop ochumchum kat dò?>>

22 Ká nnà te, uShawulu kà nkam kà nkam ka ashe nnap-nlā wo. Iyam va uza i là ónəm va nyám pa uYesu uwa uKəristi Unəm uyákyàk Inan te, a đak oYahudi oga aDəmaska. A nak te, oza ya ka anung ngga nla iyam ro kat.

UShawulu malkan ka oYahudi oga aDəmaska

23 A gbəng nvəng chit te, oYahudi nəm ichən ká izər oza pa o gbał uShawulu.

24 Iyam-bángbang va oza sar ta te, uShawulu won nyi. Izwam ka alum mí panchi anung-asal ga atak va ta na ma kpán na, na ma gbał.

25 Te okpári kpári yar na ká izwam oza re na ka ashe anap fər ka mbol ro ká izər akamselang va ma gang aDəmaska ka.

Ogənan dom nyang nkam uShawulu ka aUrushelima

26 Nvan va uza ba chu aUrushelima te, uza dom pa o gwang ishi ka abo onəm oga nna nnandər ka uYesu. Te ayəyər nəm nkpaktak oza. Oza man ka pa uza tal unəm aYesu kərísti chit na kpa kat.

27 Te uBarnaba kam na ba atak onəm oga nre aYesu kərísti ka. Uza là óza asal va uShawulu ya uPonzhi-Yesu ka asal aDəmaska, ka asal va uYesu là nnap ka na, ka asal va uShawulu là nnap ónəm ka aDəmaska ka ashe adín aYesu ka ashe nkam-igwak.

28 A nak te, oza kam na uza təm nzəng ka oza ka ashe aUrushelima. Uza i wali ka oza pa shat.

29 Uza i là nnap ónəm ka ashe adín aPonzhi-Yesu kpa ka ashe nkam-igwak. Uza dap atam ka oYahudi oga nfe iHeleni. Te oza dak pa o gbał na.

30 Nvang va ogənan nyi chit pa te, oza ga ka na ka aKaisariya. Oza re nre ka na ga aTarsus.

31 Ikilisiya ka ashe nkpaktak mbin aYahudiya, ka aGalili, ka aSamariya təm ka ashe ikánkáng. Iyəl oza ka mmak i ga mpyal na chwat. Oza təm ka ashe nna ichumchum úPonzhi-Inan. ARuhu-Nənan ka nkam oza. Oza ya ngga mpyal pa makmak.

Ma tan ulnyas

³² UBiturus ka nra nggang ka ashe mbin va ta te, uza ba chu ka atak onəm oga nna nnandər va ka aLida.

³³ Ka ta te, uza ya unəm ro adidin pa uIniyas. Uza rwa chit izun pa inanne, ngwon ya á na kat. Kakul izər kuku ka na.

³⁴ Te uBiturus là á na pa, <<ÁIniyas, uYesu Kəristi ka ntan bu. Won chəndər iyaṁ-nra bu.>> Ta byet te, uIniyas won.

³⁵ Nkpaktak onəm oga aLida ka aSarona oza ya iyaṁ va ma nəm ta te, oza na nnandər ku uPonzhi-Yesu.

UBiturus won ku uTabita ka atak ikú

³⁶ Ka aYafa te, uchar uga nna nnandər ka uYesu ro uwa ya adidin pa uTabita. (Adin va ta ká iHeleni pa uDokas nna ipipir pa, <<nkàr>> a.) Uchar va ta yar nyi nnap te. Uza i na nkamshi ónəm oga nkun kaśal pa dongdong.

³⁷ Ka ashe nra va ta te, uza rwa te, uza ku. Ma wór izər á na ma nar na ka ashe nzhi ngga apal.

³⁸ AYafa pa te, a gbang ka aLida kat. Onəm aYesu Kəristi oga atak va ta fe pa uBiturus uwa ka aLida te, oza re onəm pa oparəm katətak pa uza a ba atak oza pa kəlak kəlak.

³⁹ UBiturus maṇ won ga nzəng ka oza. Uza ba chu te, ma kyen ka na ka nzhi ngga apal va. Ochar okpələn va obar oza kuku te, oza tong dat ku uBiturus i yən. Oza i ya ka nnyam á na ilukwán ká iyaṁ va uDokas kap ya uwa ya nzəng ka oza a.

⁴⁰ UBiturus nak oza pa kpaktak fa agbai. Te uza kuchi chál Inan. Uza gaban dər akúm va ta te, uza

là pa, <<ÁTabita, won.>> Uza bol iwu ya uBiturus te, uza won təm.

⁴¹ UBiturus kpán na kawo kamshishi won ta ga akul. Te uza wór onəm oga nna nnandər ka ochar okpələn va, uza yichi na óza uriri.

⁴² Ma fe nnap va ta gang ka ashe nkpaktak aYafa. Onəm pa makmak na nnandər ku uPonzhi-Yesu.

⁴³ UBiturus təm kaYafa nəm nra pa makmak. Uza təm ka nzhi aSiman unəm uga mméchi awa.

10

UKarnilus re nre ku uBiturus

¹ Unəm uchumchum oshozha uro uwa ya ka aKaisariya adífin pa uKarnilus. Uza ka ashe idongkong oshozha va mí wór pa Idongkong iga aItaliya.

² Uza unəm uga ngwa Inan. Oza pa kpaktak ka onəm oga ashe nzhi wo onəm oga nra ayər Inan pa makmak. Uza i na iyam ónəm pa makmak ka ashe nnyi-nnap. Uza i nəm aduwa pa dəkər dəkər.

³ Ka alum sur ro ka acham pa shadən aga alum te, uza ya iyam ka ashe alár. Uza ya umaleka aPonzhi Inan pa kpátkpát tar ba atetak. Uza wór na pa, <<ÁKarnilus.>>

⁴ Te uza pak iwu á na ka ashe ayər. Uza bəp pa, <<Ánəm ga nzhi iza yà?>> Umaleka va ta là á na pa, <<Inan kong ka aduwa bu ká imwa va bu na ónəm oga nkun kat.

⁵ Re nre ka onəm ro ñyangmata a ga ma wór unəm ro abu adífin pa uSiman-Biturus ka aYafa.

⁶ Uza ka ntəm ka nzhi aSiman unəm uga mməchi awa. Nzhizhi ka anung iwa.>>

⁷ Nvan va umaleka va ta ga chit te, uza wór okpari ro pa oparəm ku ushozha ro uga ngwa Inan uga nnəm inok á na.

⁸ Uza yar shal óza pa kpaktak iyam va fa. Te uza re oza ga aYafa.

UBiturus ya alár

⁹ İpin fa kpaq ka alum ka apal ndəng te, oza ba dat chit ka aYafa. Te uBiturus kyen ka apal nzhi kakul nnəm aduwa, nzhi va ma ta apəpal ta a.

¹⁰ Ayan ji na uza dom iyam ro pa o ri. Ma ka anung mpək iyam-nrì á na na te, uza ya iyam ka ashe alár.

¹¹ Uza ya apabur bol iyam ro wa inan ilukwan iga ndan izər ma re i fər i vang apambin ka aranchwan pa nedən.

¹² Bu ya nkpaqtak izhé ka ashishe, ká iga kpán ka afu, ká inyil.

¹³ Te uza fe achu ro là á na pa, <<ÁBiturus, won pà na u ri.>>

¹⁴ UBiturus là pa, <<O'o áPonzhi-Inan, na n ri iyam ro chit iyéryər, kat te iga nnəm-jan kat.>>

¹⁵ Uza fe achu mpəpar pa, <<Iyam va Inan a là pa inənan te, kan wa là pa iyam iga nnəm-jan kat.>>

¹⁶ Ma nəm wanta nvan pa nshadən. Te ma dapchi iyam va ta pa kəlak le ba ga apabur.

¹⁷ UBiturus ka nkat amar ka apal ipir alár va ta te, onəm va uKarnilus re oza te, oza ba chu chit ka ntong kanun-asal. Oza bəp nzhi aSiman te, ma nyám óza chit.

18 Oza wór awór oza bəp pa mo te uSiman-Biturus uwa ka ta na dō?

19 UBiturus uwa ka anung nkat amar ka apal ishi alár va ta te, aRuhu-Inan là á na pa, <<Onəm ma ta pa oshadən ka nram bu.

20 Won na u fər na u ga nzəng ka oza. Kan a đak bu kať. Ka kul mmami na n re oza.>>

21 Te uBiturus fər vang atak onəm va ta là óza pa, <<Mmami na ta va ó ram. O ba iza yà?>>

22 Oza là á na pa, <<I fa ka atak anəm chum-chum oshozha ro adíđin pa uKarnilus. Uza unəm-nənan uga nra ayər Inan. Nkpaktak oYahudi ka ndəngchi na. Umaleka aPonzhi Inan a là á na pa uza a re nre ka bu na uza a fe iyam va bu là á na a.>>

23 Te uBiturus kam oza tar ashe nzhi ka. Uza na atak nra óza. İpin fa kpať te, uza ga nzəng ka oza. Ogənan ro ka ashe aYafa oza ga nzəng ka na.

UBiturus ka nzhi aKarnilus

24 İpin fa kpať te, oza ba chu aKaisariya. UKarnilus ka nyinyi pa oza ka mba. A nak te, uza chál onal wo ka okpa wo ba but.

25 Ka ntar ashe nzhi na uBiturus ba tar byet te, uKarnilus ba gwang na. Uza ru ka mbin wop na.

26 Te uBiturus nak na wong là á na pa, <<Wong, mmami unəm wà kpa wa njibu.>>

27 UBiturus ka nla nnap ka na ba tar ashe te, uza ya onəm but pa makmak.

28 Te uza là óza pa, <<O nyinyi ká ishi wo pa a yəyər pa uYahudi a gwang ishi ka onəm va oYahudi kať. Ko ngga nzhi oza te, a yər na yər.

Kang Inan nyám á mi chit pa kang mà wór unəm pa uga nnəm-jan kat.

²⁹ A nak te, ma re nre kà mi te, n yang kat. N dom pa í fe. Iza o wór mi kà yà?>>

³⁰ Te uKarnilus na aman á na pa, <<A nəm nra chit pa nshadən nda kà acham wanta kà n ya kà nnəm aduwa aga acham pa shadən kà alum te, unəm ro ba fa sat á mi kà mpyal ilukwán lúkwán i bap iwu bap.

³¹ Uza là á mi pa, <ÁKarnilus, ma fe aduwa bu chit. Iyam va mmabu kà nna ónəm oga nkun te, a ta iyam irəngrəng chit kà mpyal Inan.

³² Kakul nva ta te, re nre kà aYafa ma wór uSiman-Biturus va kà ntəm kà nzhi aSiman unəm uga mméchi awa va kà anung iwa a.>

³³ A nak te, n re nre kà bu pa kəlak kəlak. U nəm byen byet nva u ba a. N-yanmata nkpaktak yi va kà ta te, mmayi kà mpyal Inan kà nlok na i fe kà atak bu iyam va uPonzhi-Inan re bu pa u là ayi.>>

Nnap nlà aBiturus kà ashe nzhi aKarnilus

³⁴ UBiturus damshi izər ta uza là óza pa, <<Nnandər n ya chit pa Inan i tap onəm kat.

³⁵ Unəm wa pa kpaktak fa kà kà nza akum nggo kan uza ra ayər Inan ra nzəng kà nnəm iyam va inənan te, Inan i kam na kam.

³⁶ Inan re nre ólsarila kà nnap-nlà wo. Ma là nnap-nlà ngga nchang nfe óza ngga mba kà ntəm ikánkáng kà atak aYesu Kəristi. Uwa uPonzhi onəm pa kpaktak.

³⁷ O fe iyam va fe lyanshin ka ashe mbin aYahudiya a ban ka mbin aGalili ka ndyang ka apal ishi abaptisima va uYohana nəm.

³⁸ Iyam va ka apal ishi aYesu Unəm ga aNazarat, ka asal va Inan na aRuhu Nənan a na ka ichumchum, ka nva uza pak inok nranggang ka atak pa dongdong uza i nəm iyam inənan, uza i tan onəm va kpaktak uShetan ka ndak oza. Uza nəm iyam va ta kakul pa Inan uwa ya nzəng ka na.

³⁹ Mmayi ka owan mi, i ya iyam va ya uza nəm ka ashe aUrushelima ka nkpaktak mbin oYahudi. Oza gba na ka atak mpak na ka apal akun ikú.

⁴⁰ ka nnà te, Inan won ka na ka atak ikú ka nvan nra pa shadən. Uza nak ma ya na ya.

⁴¹ Onəm pa kpaktak à ya na kat. Mmayi va Inan yak chit matmat pa i ya na ya ka iwu, mmayi va i ri i wa nzəng ka na ka nvan ngwuwon ka atak ikú te, mmayi na ma nyám na ayi.

⁴² Uza nak yi pa i là nnap wo ónəm nzəng ka nnyam ónəm pa mmawó na Inan nak wo pa o nap akwali ónəm oga iriri ka okùkù kpa.

⁴³ Uwa nkpaktak onəm oga nkam nre ka atak Inan ka nyám nnap ka apal ishishi pa unəm va kpaktak na nnandər ka na te, uza i ya nyar nnap-mbángbàng kakul adidin.>>

Ma na aRuhu-Nənan ónəm va oYahudi kat kpa

⁴⁴ UBiturus ka anung nnap-nlà te, aRuhu-Nənan vang ka apal ishi nkpaktak oza va ka nfe nnap-nləla.

⁴⁵ OYahudi oga nna nnandər va ka yar nvan aBiturus ya wanta te, a dak oza pa gənggəng pa

ma na imwa aRuhu-Nənan kpa ónəm va oYahudi kat.

⁴⁶ Kākul oza fe oza ka nla nnap ka achu agafak i na adəngchi íNan. Te uBiturus là pa,

⁴⁷ <<Uda kur ndan pa ma nəm abaptisima ónəm va ta ka ndəng yà? Kākul oza kam imwa aRuhu-Nənan chit na kpa wa njiyi.>>

⁴⁸ Te uza nak ma nəm abaptisima óza ka ashe adin aYesu kəristi. Oza chál na, pa uza a təm ka oza pa dap kan uza i le.

11

UBiturus shal íkilisiya iyam va fa ka aKaisariya

¹ Onəm oga nre aYesu kəristi ka ogənan va ka ashe nkpaktak mbin aYahudiya fe pa onəm va oYahudi kat te, oza kam nnap-nlà Inan chit na kpa.

² A nak te, uBiturus ba chu aUrushelima te, ogənan oYahudi oga nla pa nkpak pa ma pa ache únəm kan Inan i kam na te, oza byèt uBiturus.

³ Oza là á na pa, <<U ga nzhi onəm oga ache amulur har u ri iyam-nrì nzəng ka oza.>>

⁴ A nak te, uBiturus shal óza pa shiriri nkpaktak iyam va fa.

⁵ Uza là óza pa, <<Ka n ya kaYafa ka nnəm aduwa te, n ya ka ashe alár iyam ro wa inan ilukwan iga ndan izər ma ka nre i fər kapabur ka aranchwan pa nedən. A fər vang ka atak mi.

⁶ M pak iwu n dər te, n ya iyamkang ka ashishe, ká izhé iga anyin, ká iyam iga nkpán ka afu, ká inyil.

⁷ Te n fe achu ro là á mi pa, <ÁBiturus, wong pa na u ri.>

⁸ Te n là pa, <O'o áPonzhi-Inan, na n ri iyam ro chit iyéryər, kaṭ te iga nnəm-jan kaṭ.>

⁹ Achu va ta là nnap á mi kàḍi kapabur mpəpar pa, <Kan wa wór iyam va Inan là chit pa inənan pa iyéryər, kaṭ te iga nnəm-jan kaṭ.>

¹⁰ Ma nəm wanta nvan pa nshatding te, ma dapchi iyam va ta le ba ga apabur.

¹¹ A le ta byet te, onəm ro pa oshadən ma re oza ka aKaisariya ka atak mi, ba tong kanun-asal ka nzhi va ka ntəm ka a.

¹² ARuhu-Inan là á mi pa n ga nzəng ka oza kang ayər iyam ro a nəm mi kaṭ. Ogənan oga okpaḍən va ta yar nvan mí ga nzəng ka oza. I ga nzhi anəm va re oza.

¹³ Uza shal ayi asal va o ya umaleka ka nzhi wo là awo pa, <Re nre kaYafa ma wór uSiman va mí wór na pa uBiturus a.

¹⁴ Uza i là nnap-nlà ro abu. Ka atətak na mmabu ka nkpaktak onəm oga ashe nzhi bu ó ya nkam-shi ngga iriri iga mbyet mbyet.>

¹⁵ M ban nla nnap-nlà na byet te, aRuhu-Nənan fər vang ka apal ishi oza wa nva ka vang ayi ngəshi.

¹⁶ Te n rən iyam va uPonzhi-Yesu ka là pa, <UYohana te, a nəm abaptisima ónəm ka ndəng. Mmawo jiwo te, mí nəm abaptisima awo ka aRuhu-Nənan.>

¹⁷ A yà pa Inan na aRuhu-Nənan óza wa nva uza ka na yi ká ilum va ká i na nnandər ku uPonzhi Yesu-Kəristi te, mmami n kur wa ada kan mi dap atam ká Inan yà?>>

18 Oza fe wanta te, oza ya ká iyam ro pa o là kat. Te oza na adəngchi iNan i là ka pa, <<Wi, Inan məman pa onəm va oYahudi kat te, a gaban a re nnap-mbángbang oza na oza a ya iriri kpa ba.>>

Mpak ikilisiya iga Antakiya

19 Onəm va mbək anung va fa ka nvan ngbał aIstifanus kan a lyanshin oza pa kpa te, oza ga har chu aFinikiya, ka aKuburus, ka Antakiya. Oza i là nnap aYesu óYahudi na chwat.

20 Oro ka ashe oza onəm oga aKuburus ka aKurane. Ka nchu oza ka aAntakiya na byet jiwo te, oza là nnap aPonzhi-Yesu ngga nchang nfe ónəm va oYahudi kat.

21 Ichumchum aPonzhi-Yesu na ka ya nzəng ka oza. Te onəm pa makmak na nnandər ka nnap-nlā oza. Oza gaban tong oja aPonzhi-Yesu.

22 Ikilisiya iga aUrushelima won fe nnap va ta. Te ikilisiya re nre ku uBarnaba pa uza a ga Antakiya.

23 Uza chu te, uza ya apir nnap nnənan va Inan nəm ózā. Te igwak chang na. Uza là ózā pa oza a tong oja aPonzhi-Yesu ká igwak oza pa kpaktak.

24 Uza unəm-nənan va aRuhu-Nənan ka nna nnandər yəl ka ashishe. Te onəm pa makmak nyan oja aPonzhi-Yesu.

25 UBarnaba ga aTarsus na o ram uShawulu.

26 Uza ga ya na te, uza ba ka na ka aAntakiya. A nəm izun pa izən pa kəp uBarnaba ka uShawulu ka ndyang iyam ka ashe ikilisiya va ta. Oza i

ɖyang iyam onəm va yel pa makmak. Ka aAntakiya na ma ban ngwɔr onəm oga nna nnander ka uYesu Kəristi pa oja aKəristi a.

²⁷ Ka ashe nra va ta te, onəm oga nkam nre ka atak Inan oro fa ka aUrushelima ga Antakiya.

²⁸ Uro ka ashe oza adidin pa uAgabus won sat la nnap ka ashe ichumchum aRuhu-Nenan pa ayan abangbang ro nna ka ngga nfa ka ashe mbin pa kpaktak. (Ayan va ta won fefa na nnan ka ashe nra aKəlaudiya uponzhi uchumchum.)

²⁹ A nak te, nza uzəntən ka ashe onəm aYesu kəristi nggo te, a la pa o dak o kwap iyam a mal ka atak n-yi wò na o re nre ka nkamshi va ta ógənanɡ oga ashe mbin aYahudiya.

³⁰ Oza nəm iyam va ta nəm har oza na úBarnaba ka aShawulu pa a ga onəmgbak ikilisiya iga aYahudiya.

12

Ma gbaɭ aYakubu, uBiturus nnyi te, ma kuk na

¹ Ka ashe nra va ta te, uPonzhi-Hirudus ban nsam ka onəm oga ngwa uYesu chit.

² Uza nak ma gbaɭ aYakubu ugənanɡ aYohana ka ndokchi.

³ Uza ya pa iyam va ta chəchan ka oYahudi te, uza nak ma kpán uBiturus kpa. Iyam va ta ka ashe nra va mí ri nzəngkəng ngga nya ka *ayist kaɬ a.

⁴ Ma kpán na te, uza kuk na ka ashe nzhi ikan. Oshozha pa onedən nedən kan i panchi na. Oza i pan izər nvan pa nneding ka ashe ilum pa izən.

Uzā kuk na pā Alum Ngantal a watar kan o nap akwali á na ká mpyal onəm.

⁵ Ma kuk uBiturus ká ashe nzhi ikan te, ikilisiya kap ká nchal Inan ká nzhin kakukul kat.

UBiturus fa ká ikan

⁶ Ká izwam vā atak i fa i tan kan uHirudus i nap akwali te, uBiturus ká nra nda ká ishimshe oshozha pā oparəm. Ma ran na ká nzwar pā mparəm. Oshozha ká ya pā oparəm ká ntong i panchi anung-asal.

⁷ Te umaleka ba mul atak ká nfa. Atak ghan ká ashe nzhi ikan vā ta. Uzā ba ləp uBiturus kulyaklyak yendal na là á na pā, <<Won pā kəlak.>> Te nzwar ngga awo aBiturus zuk ká mbin.

⁸ Uzā là úBiturus pā, <<Mwak ilukwán bu ká akwap bu.>> UBiturus nəm wa nva ma là á na te, uzā là á na kádi pā, <<Gal iyām iga ndan izər bu pā dakdak na u yar nvan mi.>>

⁹ UBiturus fa ká nvəvang. Ká nna kpa te, uzā nyi pā iyām vā unəm uga nre vā ta ká nnənəm te, nchwatchwat kat. Uzā rən pā mmawó ká nya iyām ká ashe alár.

¹⁰ Oza ba watar onəm oga mpanchi atak oga ngəshi. Oza ba watar opəpar kpa. Te oza ba chu anung-asal ga nfa ngga ashe itong va ma kuk anungún ká acham a. Te anung-atak vā ta bol ózā ká ishi wo. Oza tan chen ga chu nkur asal ro te, umaleka vā ta ga iyām wo. UBiturus ya na lap kat.

¹¹ Ká nvəngva nnap nnəm aBiturus but te, aghan ga na ká nnap vā ta. Te uzā là pā, <<Nna

ta kan n nyi pa Inan a re unəm ga nre wo pa a kamshi mi n fa ka ashe awo aHirudus ka nkpaktak iyam ina va oYahudi dom pa a ya mi a.>>

¹² Uza nyi chit pa te, uza ga nzhi aMaryamu unan aYohana uwa mi wor na pa uMarkus kpa a. Onəm but ka ta pa makmak ka nchal Inan.

¹³ UBiturus ba kpap anung nkəlan te, uyenchar ro adidin pa uRuda fa pa na u nyi pa uda ya?

¹⁴ Uza nyi ichu aBiturus chit te, uza chər le ga nvan ka ashe nchang igwak pa makmak. Uza dak ka mbol anung-asal kat. Uza ga la pa, <<UBiturus uwa ya ka agbai.>>

¹⁵ Oza la uyenchar va ta pa, <<Ishi bu but dakdak kat.>> Ka nna uyenchar va ta mat pa uBiturus uwa ya ka agbai nnander. Te oza la pa, <<Ya umaleka aBiturus a ba.>>

¹⁶ UBiturus mat ka nkpap anung nkəlan. Oza ba bol te, oza ya na. Iyam va ta sat iga ndak oza pa makmak.

¹⁷ UBiturus nəm awo oza pa oza a man ka anung pa kwak. Te uza shal oza asal va uPonzhi-Yesu fa ka wo ka ashe nzhi ikan. Uza la oza pa, <<O la iyam va ta uYakubu ka aboshi ogənan.>> Te uza re oza uza ga atak-kak.

¹⁸ Atak tan te, nzwar nchumchum won ka ishimshe oshozha va ta pa uBiturus won wol san ya?

¹⁹ UHirudus nak pa ma ram na. Oza ya na kat te, uza kat onəm oga mpanchi atak va ta pa dakdak. Uza ya ipipir kat te, uza la pa ma gbang oza. Te uza re ashe aYahudiya uza ga aKaisariya ga tem ka ta nəm nra nəm pa dap.

Iku aHirudus

²⁰ UHirudus pa te, igwak ka nlak na ka onəm oga aTaya ka aSaidon. Te oza gwang ishi na o ga o chál na. Oza tan ashishar ka atak nla úBəlastas ukpari aponzhi va uza man ka na man. Oza chál pa ntəm ikangkang a ya ká ishimshe oza ka uponzhi. Ka kul oza i ya iyam-nrì ka mbin aHirudus na.

²¹ Akul va uponzhi nak ka kul nya oza ba chu te, uHirudus sham ilukwan iponzhi wo ba kyen təm ka apal itok iponzhi. Te uza là nnap ónəm.

²² Onəm gham achu pa, <<Ichu va ta ija anəm ka, iji Inan.>>

²³ Ta byet te, umaleka ba ləp na ka arwa. Ka kul uza na ichumchum íNan ka. Ifən ri na uza ku.

²⁴ Nnap nlà Inan jiwo te, a ga mpyal ka mmyak.

²⁵ UBarnaba ka uShawulu ga yichi nre va chit te, oza re aUrushelima le Antakiya nzəng ku uYohana va mí wór na pa uMarkus a.

13*Ma yak uBarnaba ka aShawulu ma re oza*

¹ Ka ashe ikilisiya iga Antakiya te, onəm oga nkam nre ka atak Inan ka onəm oga ndyang iyam oma ya. Oma uBarnaba, ka uSiman va mí wór na pa unəm va uLəbər, ka uLukiya unəm uga aKurane, ka uManayin va rup ka ashe nzhi aHirudus uga nnəm ka ngbak mbin iponzhi, ka aShawulu.

² Oza ka ngwop Inan nzəng ka ndan ishi oza ká iyam-nrì te, aRuhu-Nənan là pa, <<O gar uBarnaba ka uShawulu á mi ka kul inok va n wór oza ka a.>>

³ A le te, oza dan ishi oza ká iyam-nrì, oza nəm aduwa te, oza nak awo óza ká ishi, oza re oza pa a ga a ranggang a là nnap-nlà Inan.

Onəm oga nre aKəristi là nnap Inan ka aKuburus

⁴ Onəm oga oparəm va ta va aRuhu-Nənan a re oza te, oza ga aSalukiya. Oza tan agirgi ndəng ka ta oza ga aKuburus.

⁵ Oza ba chu aSalamis te, oza là nnap-nlà Inan ka ashe nzhí Inan oYahudi. UYohana-Markus uwa ya nzəng ka oza, i kamshi oza ká inok.

⁶ Oza ra nggang ka ashe nkpaktak mbin va ta nva ndəng gang ka ashe har oza ga chu aBafusa. Oza ba ya unəm ro ka ta uga nvaḱ ivəḱ. Uza i nap akwam kpa pa mmawó unəm uga nla nnap va ma *kam ka atak Inan. Uza uYahudi. Adíḍín pa uBar-Joshuwa.

⁷ Uza pa te, unəm uga nyar nvan aSarjiya-Bulus unəm uga nnəm ka atak va ta. USarjiya unəm utantan. Te unəm uchumchum va ta wór uBarnaba ka aShawulu. Uza dom pa oza a là nnap Inan awo.

⁸ UBar-Joshuwa unəm uga nvaḱ ivəḱ va adíḍín ká iHeleni pa ullimas te, a byèt nnap-nlà aBarnabas ka aShawulu. Uza dom pa kan unəm uchumchum va ta a na nnandər kaṭ.

⁹ UShawulu va mí wór na pa uBulus te, aRuhu-Nənan yəl na. Uza dər unəm uga ivəḱ va ta pa don te,

¹⁰ uza là á na pa, <<Mmabu unəm una. Mmabu uya aShetan. Mmabu unəm uga nyang nnap iyam va pa kpaktak inənan a. Ntàn onəm nzəng

ka mmwar oza nna chwat u nyi. Bu re nvyap asal Inan aga nsat nzwan kat dō?

¹¹ Nnyam-ntan Inan ka nvan ka apal ishi bu. Bu ga nfo. Bu ya alum kat i ya nra pa dap kan.>> Ta byet te, inanən ka afap gún na uza ya atak kat. Uza nəm inok nram unəm ro pa a dap wo.

¹² Unəm uchumchum va ta ya iya va fa ta te, uza na nnandər ku uPonzhi-Yesu. Ndyang ka apal ishi aPonzhi-Yesu sat iya iga ndak na.

*UBulus ka uBarnaba ka ashe
Antakiya aga mbin aPisidiya*

¹³ UBulus ka owan wo re aBafusa tan agirgi ndəng ga aPerga ka mbin aPamfiliya. Ka ta na uYohana re oza le aUrushelima.

¹⁴ Oza won ka ta ka ashar ga Antakiya ka ashe mbin aPisidiya. Ka alum njul te, oza ga nzhi Inan ga tan təm.

¹⁵ Nvan va ma kun chit ka ashe nnap-mpakpak aMusa ka atakarda onəm oga nkam nre ka atak Inan te, onəm oga nnəm ichumchum ka nzhi Inan va ta re nre óza pa, <<Ógənanɡ a yà pa na o ya ka nnap-nlà ro ngga nkam onəm te, o là.>>

¹⁶ UBulus won sat. Uza nəm awo pa ma man ka anung. Te uza là pa, <<Ógənanɡ mi oIsarila ka mmawó va oYahudi kat kan ka nra ayər Inan a. O gwong achwang.

¹⁷ Inan oIsarila va ta yak okəka yi ka ashe nra va oza ka ya onəmchən ka ashe mbin va ta, uza nak oza tal akum achumchum ka ashe mbin aMasar. Uza fa ka oza ka Masar ka ashe ichumchum wo imakmak.

18 Uza₁ yar nkar-igwak ka₁ oza₁ ka₁ ashe anyin har izun isəm pa₁ inedən.

19 Inan zhi oga akum ijili pa₁ ifangshat ka₁ ashe mbin aKanana, uza₁ na mbin va₁ ta oza₁ na a tal iyam-kup oza₁ har a nəm izun igba₁ pa₁ inedən ka₁ isəm pa₁ itukun.

20 Ka₁ nvəvang te, uza₁ kyep onəm oga nnap-akwali oza₁ a ba kùr ku uSamwela unəm uga nkam nre ka₁ atak Inan.

21 Onəm chál pa₁ Inan a na uponzhi oza₁ te, uza₁ kyer uSaul oza₁, uya aKish unəm uga akum ijili aBenjamin. Uza₁ nəm iponzhi wo izun isəm pa₁ inedən.

22 Uza₁ tur uSaul le te, uza₁ nak uDawuda uponzhi oza₁. Iyam va₁ ta uza₁ là ka₁ apal ishishi. Pa₁, <UDauda uya aJesi uwa igwak mi man ka₁. Uwa i nəm nkpaktak iyam va₁ mi là á na a.>

23 Kakum-jili anəm va₁ ta Inan ba₁ ku Unəm uga Nkam-shi ólsarila wa nva uza₁ yar nsar nnap-nlà.

24 Kan mí nyi uYesu Kəristi ka₁ mban te, uYohana là íkpaktak oIsarila pa₁ oza₁ a re nnap-mbángbang na ma nəm abaptisima oza₁.

25 UYohana dat ka₁ ngba₁ inok wo te, uza₁ là pa₁, <O rən pa₁ mmami uda yà? Mmami na unəm va₁ ka₁. Uwa ka₁ mba ka₁ nvan mi. N kur pa₁ na n fən ka₁ asang akukwap ka₁.>

26 <<Ógənanang va₁ akum ijili aIbərahim ka₁ onəm va₁ oYahudi ka₁ kan o ra ayər Inan ra a. Ma là nnap-nlà ngga nya nkamshi ngga iriri iga mbyet mbyet kakul yi na.

27 Onəm oga aUrushelima ka₁ onəm ochum-chum oza₁ nyi na ka₁. Oza₁ kpán ipir nnàp nlà onəm oga nkam nre ka₁ atak Inan va₁ oza₁ ka₁ nkukun nza

alum njul nggo kaṭ. Oza nak nnap-nlā onəm Inan va ta yəl chit, nna nva oza gəl akwali á na a.

²⁸ Oza ya na ka mpat ro kaṭ. Ka nna kpa te, oza chál uBilatus pa ma gbaḷ na.

²⁹ Oza nak nkpaktak iyam va nnap-nlā Inan là ka apal ishishi yəl chit te, oza fər ka akúkúm ka apal akun ikú, oza li na ka ashe awap aga ipang.

³⁰ Ka nna kpa te, Inan won ka na ka atak ikú.

³¹ Nra pa nkyak uwa ya ka nnyam ishi wo ónəm va vang aUrushelima nzəng ka na ka mbin aGalili. Oma nyangmataṭ tong chit onəm oga nla ónəm iyam va oza nyi ka apal ishishi a.

³² I ba ka nnap ngga nchang nfe awo. Nna pa nsar nnap-nlā va Inan yar ókəka yi te,

³³ uza yəl ayi chit, mmayi va ovan oza a. Nna nva uza won ku uYesu ka atak ikú wa nva ma lir ka ashe Nnap-nshi Awop (aZabura) aga aparəm pa,

<Mmabu uYen mi

Nda te, mmami uPo bu.>

³⁴ Kapal-ishi ngwuwon ka atak ikú kan pa uza i mwan lap kaṭ te, iyam va ta nnap-nlā Inan là. Pa, <Nnap-nnənan va pak chit təm, n sar nnənap úDawuda te, mi nak abu.>

³⁵ Kaṭul atak ro ləla kpa pa,

<Bu ya ka mman pa Unəm bu uyákyàk a mwan kaṭ.>

³⁶ <<UDauda te, nvaṅva uza nəm inok kaṭul onəm oga ashe nra wò wa nva Inan dom te, uza ku, ma li na nzəng ka okəka wò. Akúkúm mwan.

³⁷ Unəm va Inan won ka na jiwo ka atak ikú te, akúkúm mwan kaṭ.

³⁸ Kakul nva ta te, ógənanɔ, o nyi pa kakul anəm va ta kan ma ka nla nnap nyar nnap-mbángbáng wo.

³⁹ Ka atətak na kpa unəm va kpaktak na nnandər ka na te, uza tal unənan chit ka mpyal Inan. Iyam va nnap-mpakpak aMusa kur nnənəm únəm ka a.

⁴⁰ Kakul nva ta te, o nəm pa dakdak le kan iyam va onəm oga nkam nre ka atak Inan ka lir te, a təm ka apal ishi wo ka.

⁴¹ Nna pa,

<Dər, mmawó onəm oga mbak atak.

O zwar kakul iyam iga nnəm ayər.

O ku i le.

Kakul mi ga nnəm inok ro ka ashe nra wo.

Inok va asal ro ya pa ma nəm kan o na nnandər ka ka a.

Ko unəm ro a ləla awo te, ó na nnandər ka ka ka nna.> >>

⁴² UBulus ku uBarnaba ka nfa ka ashe nzhi Inan te, onəm chál oza pa alum aga njul ngga mba te, oza a là nnap va ta óza kàfi.

⁴³ Onəm lyan chit te, oYahudi pa kyak ka onəm oga ntan ka ashe nnap ngwa Inan oYahudi ga atak aBulus ku uBarnaba. Oza là nnap óza ngga nkam igwak pa oza a təm ka ashe nnap nnənən Inan.

⁴⁴ Alum ga njul ba chu te, ijili onəm kən ka ashe itong ba nzhi Inan kakul nfe nnap-nlā Inan ka atak oBulus.

⁴⁵ Nvan va oYahudi ya onəm but a ga watar nkak te, ikpar nəm oza. Oza byèt iyam va uBulus ka nləla. Oza pwat oza.

⁴⁶ Te uBulus ku uBarnaba là nnap, ka nkam-igwak pa, <<Mmawo na mà pa ma là nnap Inan awo a. Kan o yan ka chit te, o nyám chit pa o kur nkam imwa iriri iga mbyet mbyet va ta ka. Te ya i ga ka atak abo onəm.

⁴⁷ Kakul wa nnà ta uPonzhi-Yesu là ayi pa, <N nak bu pa na u sat atak atántàn ka atak abo onəm. Na u sat unəm uga ngga ka nnap nkamshi ngga iriri iga mbyet mbyet âpambin pa kpaktak.>>

⁴⁸ Onəm va oYahudi ka kan oza fe wanta te, igwak chàng oza. Oza kam nnap-nlà Inan ka adəngchi. Onəm va Inan sok oza chit ká iriri iga mbyet mbyet te, oza na nnandər.

⁴⁹ Nnap nlà Inan lyanshin pa kpá ka ashe mbin va ta.

⁵⁰ OYahudi nok ochar ochumchum ro oga atak va ta oga ngwa Inan oYahudi, ka onəmgbak. Oza nak ma na idumdum úBulus ká uBarnaba. Ma wa oza fa ka ashe mbin va ta.

⁵¹ Oza nnyi te, oza kən mbwan ngga ashar oza na a nyám óza pa iyam va a ya oza te, oza i yən ká ishi oza. Oza fa ga alkoniya.

⁵² Onəm áYesu kərísti oza fe nchang pa makmak. ARuhu-Nənan yəl oza kpa.

14

UBulus ka uBarnaba ka Ikaniya

¹ Ka Ikaniya te, uBulus ku uBarnaba ga nzhi Inan oYahudi. Oza là nnap aYesu pa gənggəng. A nak te, oYahudi ka onəm va oYahudi ka, na nnandər pa makmak.

² OYahudi va yan ka nna nnandər te, oza nok onəm va oYahudi kat, pa oza a vyap ntəm ogənan ka ashe aKəristi.

³ UBulus ku uBarnaba oza təm ka ta nra pa makmak. Oza ka nla nnap-nlà Inan ónəm ka ashe nkam-ìgwak ka atak ichumchum aPonzhi-Yesu. Kakul uza nak ma nyi nnandər nnap-nlà wo ngga nnap nnənan ka atak iyam ichumchum iga ndaktak va uza nəm ka atak aBulus ku uBarnaba a.

⁴ Onəm oga atak va ta oza kap izər. Oro man ka oYahudi, oro man ka onəm oga nre aYesu kəristi va ta.

⁵ Onəm va oYahudi kat, ka oYahudi, ka onəm ochumchum oza gwang anung pa o bək anung úBulus ku uBarnaba o *kwan oza ká ipán.

⁶ Oza fe te, oza chən ga itong aLikaniya va aListəra ka aDarba, ká iván itong va gang oza.

⁷ Ka ta na oza ga mpyal ka nla nnap-nlà ngga nchang nfe ónəm.

Ma kwan oBulus ká ipán ka aListəra

⁸ Ka aListəra te, unəm ro uwa ya uva ma mar na ashar kuku ka na. Uza nyi iyam va mí wór pa achen kat.

⁹ UBulus ka nla nnap-nlà te, unəm va ta gwong achwang pa dakdak. UBulus dər na pa dóng te, uza ya pa uwa ya ka nna nnandər va kukur pa ma tan na.

¹⁰ Te uBulus ləp achu pa, <<Won sat ga akul.>> Te unəm va ta won ta byet ban nchen.

¹¹ Onəm ya iyam va uBulus nəm te, oza won ka achu nkpaktak oza i là ka ashe achu oza pa,

<<Akwam kat. Iyam iwopwop à ba ayi ka ashe izər wa onəm.>>

¹² Oza pa adin úBarnaba pa uZeyus. UBulus nnyi te, pa uHamisa. Kakul uwa unəm uga nla nnap oza.

¹³ Te uponzhi nnap awop aZapsa va atətak kanun-asal itong va ta te, uza ba ká ina inunggan, ka azàn. Kakul uza ka abo onəm dom pa o pa óza.

¹⁴ Nvan va onəm oga nre aYesu Kəristi va ta uBulus ka uBarnaba fe iyam va ta te, oza kan ilukwán oza ka ashe nlak igwak. Oza tar ka ashe onəm i là nnap ka achu pa,

¹⁵ <<Iza nak kan o nəm iyam wa iva ta yà? Mmayi onəm wa nji wo na kpa. I ba ka nnap-nlà ngga nchang nfe awo pa o gaban o ga ka atak Inan uga Iriri va fa ka apabur ka apambin, ká iwá ka nkpaktak iyam va ka ashe oza. Na o re nnəm iyam ilakchi.

¹⁶ Ka ashe nra ngga mpyal te, uza re onəm nəm iyam va oza dom.

¹⁷ Ka nna kpa te, uza kap ka nnyam ishi wo ónəm kasał pa dongdong chit kat. Kakul uza ka nnyam nnap nnənan wo. Uza i na ivar va fa kapabur. Uza i na iyam-nrì ka atak oza. Uza i na iyam-nrì ónəm i ri i yichi oza. Uza i na nchang igwak awo kpa.>>

¹⁸ Kap ka nnap-nlà va ta te, ngwar nlim kan oza dat oza ka mpà iyam pa o wop oza ka.

¹⁹ Te oYahudi ro fa ka aAntakiya ka alkoniya ba. Oza byèt nnap-nlà aBulus. Oza là nnap óza ka nchang-anung. A nak te, ma kwan uBulus ká ipán. Ma dap na ma mandar ka nsəm itong.

Nrəng oza pa uza ku chit.

²⁰ Nvan va onəm áYesu kərísti gang na te, uza won tar ashe itong. İpin fa kpak te, uza ga aDarba nzəng ku uBarnaba.

²¹ Oza là nnap-nlā Inan ngga nchang nfe ka atak va ta. Oza ya onəm pa makmak va na nnandər ku uYesu. Te oza le aListəra ka alkoniya, ka Antakiya.

²² Oza pak inok nkam onəm áYesu kərísti. Oza i là óza pa oza a tong a kam ka ashe nna nnandər oza. Oza là kpa pa nzəng ka mbək anung kan mí tar ka ashe iponzhi Inan.

²³ Te oza kyp onəngbak óza ka ashe nza ikilisiya nggo. Ka atak aduwa ka ndan ishi ká iyam-nri na oza nak oza ka ashe awo aPonzhi-Yesu va oza na nnandər ka na a.

Nle Antakiya aga aSuriya

²⁴ Nvan va oza ra nggang chit ka ashe mbin aPisidiya te, oza ga chu mbin aPamfiliya.

²⁵ Oza là nnap-nlā aYesu ka aPerga te, oza ga Ataliya.

²⁶ Oza won ka ta te, oza tan agirgi ndəng oza ga Antakiya. Atak va ta ma ka nəm aduwa óza pa nnap nnənan Inan a kpak oza ka ashe inok va oza gbał nnənəm ta a.

²⁷ Oza chu te, oza but ikilisiya, oza shal óza nkpaktak iyam va Inan nəm ka atak nnəm inok ka oza, ka asal va Inan bol kpa ónəm va oYahudi ka, aga nna nnandər a.

²⁸ Oza təm ka ta nzəng ka onəm áYesu kərísti a ya nra yà pa dap.

15

*Mbut onəm oga nna nnandər
ka uYesu ngga aUrushelima*

¹ Te onəm ro fa ka aYahudiya ba aAntakiya i dyang iyam ógənanang oga nna nnandər ka uYesu pa, <<A yā pa ma pa ache awo wa nva uMusa pak kaṭ te, ó ya nkamshi ngga iriri kaṭ.>>

² Mpyentam pa makmak wong ka apal nnap va ta ka ishimshe aBulus nzəng ku uBarnaba ka onəm va ba ká apir ndyang va ta. A nak te, ma yak uBulus ka uBarnaba ka onəm ro pa oza a ba ga aUrushelima a bəp onəm oga nre aYesu kərísti ka onəmgbak ka nnap va ta.

³ Ikilisiya fa re oza pa oza a chu ká ikánkáng te, oza wól ka ashe mbin aFinikiya ka aSamariya. Oza pak inok nla ónəm asal va onəm va oYahudi kaṭ kan oza kam nnap Inan a. Nnap va ta chang ka ogənan pa makmak.

⁴ Oza ba chu aUrushelima te, nkpaktak ikilisiya ka onəm oga nre aYesu kərísti, ka onəmgbak ikilisiya kam oza ka ashe nchang igwak. Oza te, oza shal óza nkpaktak iyam va Inan nəm ónəm ka atak nnəm inok ka oza.

⁵ ká nnà te, onəm oga nna nnandər ku uYesu oro va *oFarisi te, oza won ga akul ka ashe ogənan là pa, <<Nkpak pa ma pa ache óza. Oza i kpak iyam va uMusa pak kpa.>>

⁶ Onəm oga nre ka onəmgbak ikilisiya but pa na o dər nnap ka apəpal.

⁷ Ka nvan ichən imakmak te, uBiturus won ga akul là pa, <<Ógənanang mi, o nyinyi pa Inan yak mmami na matmat pa n ga ka nnap-nlà wo ngga

nchang nfe ónəm va oYahudi kaṭ. Na oza a fe a na nnandər ka.

⁸ Inan pa te, uza nyi igwak onəm pa kap. Uza nyám nnap njiwo wo ka apal oza ka atak nna aRuhu-Nənan óza wa nva uza na ayi kpa a.

⁹ Uza nyám nvan ro ká ishimshe yi ka oza kaṭ. Kakul uza nal igwák oza ka atak nna nnandər oza.

¹⁰ Chit te, sang kang o dom mmà Inan ka atak nnak onəm áYesu kərísti va ta pa oza a yar iyaṃ va maṭ nkpaṭtak yi maṭ ka okəka yi ka nyar yà?

¹¹ I na nnandər na pa ka atak nnap nnənan aPonzhi-Yesu na i ya nkamshi ngga iriri wa nva oza ya kpa a.>>

¹² UBarnaba ku uBulus shal ónəm iyaṃ-chumchum iga ndaktak va Inan nəm ónəm va oYahudi kaṭ, ka atak nnəm inok ka oza. Te atak mar pa kwák onəm gwong achwang.

¹³ Ka nvaṅva oza gbaḷ nla nnap-nlà te, aYakubu na aman pa, <<Ógənanang o gwong achwang kà mi.

¹⁴ UBiturus là asal va chit Inan yar iwu dər onəm va oYahudi kaṭ, ka atak nyak oro ka ashe oza na oza a tong onəm wo.

¹⁵ Nva ta dakdak ka nnap-nlà onəm oga nkam nre ka atak Inan. Nna ma lir va pa,

¹⁶ <Ka nvaṅva ta te, mi le kàḍi,
Mi me nzhi aDawuda va shin chit a.

Mi me agugún va shin chit.

Mi won ka i sat kàḍi.

¹⁷ Na abo onəm a ram uPonzhi-Inan, onəm va oYahudi kaṭ kan ojem a.

UPonzhi Inan va i nəm iyaṃ va ta te, uwa là.>

18 Iyām va ma nyinyi ya nra chit matmat na byet a.

19 Kakul nva ta te, onəm va oYahudi kat, oma kam nnap Inan te, kan i dan oza ka nre izər kat.

20 Iyām va i nəm te, i lir óza pa oza a gbang ká iyām iga nnəm-jan wa iyām va mí pà íchər, ka nnəm mmai ka ochar, ka nri izhé va ma pà nchər fa kat, ka nri nchər.

21 Kakul matmat na byet te, ma ka nla nnap ka apal ishi nnap-mpakpak aMusa ka nza atak nggo. Mi i kun kpa ka ashe nza nzhi Inan nggo kulum aga njul.>>

Ma lir awasika ikilisiya onəm va oYahudi kat

22 Te onəm oga nre aYesu kəristi, ka onəmgbak, ka nkpaktak ikilisiya ya ma pa o yak onəm ro ka ashe oza o re a ga Antakiya nzəng ku uBulus ku uBarnaba. Oza yak uYahuda uwa mí wór pa uBarsaba ku uSila. Mparəm oza onəm oga atak nsat nchumchum ka ashe ogənan.

23 Ma re oza ka awasika va ta. Ma lir pa, <<Awasika va ta fa ka atak onəm oga nre aYesu kəristi ka onəmgbak ikilisiya ogənan wo na a ga atak ogənan va oYahudi kat ka aAntakiya ka mbin aSuriya, ka aKilikiya a. Mmayi ka nre anung awo.

24 <<I fe pa oro ka ashe yi a nak nnap nnəm wo vyap. Oza i zwar wo ka oga nnap-nla ro va mmayi i re oza ka kat.

25 A nak te, nkpaktak yi i man pa i yak onəm ro i re nzəng ka ogənan omanman uBarnaba ku uBulus.

26 Oza yan ká iriri oza chit kakul aPonzhi yi uYesu Kəristi.

²⁷ Kakul nva ta te, mmayi ka nre nre awo ku uYahuda ku uSila na oza a là iyam va ta awo ka anung oza.

²⁸ ARuhu-Nənan ya məma, i ya məma kpa pa ma kar wo ká iyam ro a ji iva ta kat.

²⁹ Nna pa kan o ri iyam va ma pa à chər, ka nchər, ká izhé va ma pa na nchəchər a fa kat, ka nnəm mmai ka ochar. A yà pa ó kpán ishi wo pa dakdak, o nəm iyam va ta kat te, ya ó nəm i byen pari. O təm ká ikánkáng.>>

³⁰ Ma re onəm oga nre va ta te, oza ga Antakiya. Oza but onəm na awasika va ta óza.

³¹ Oza kun te, igwak chang oza kakul iyam va ma lir.

³² UYahuda ku uSila pa te, onəm oga nkam nre ka atak Inan. A nak te oza shal nnap óza pa makmak nzəng ka nkam oza.

³³ Oza ya nra ka oza chit pa dap te, ogənan re oza nzəng ka nfar nnap nnənan Inan óza pa oza a ga ká ikánkáng.

³⁴ USila ya ma pa o təm ka oza pa dap kan.

³⁵ UBulus ku uBarnaba te, oza tal ka aAntakiya dyang iyam ónəm nzəng ka nla nnap-nla Inan. Oza nzəng ka oro kpa pa makmak.

UBulus lyan izər ku uBarnaba

³⁶ A nəm te, uBulus là úBarnaba pa, <<Re i ga atak ogənan oga nkpaktak atak va i là nnap-nla aPonzhi-Yesu ka, na i dər ntəm oza.>>

³⁷ UBarnaba ka dom pa ka o ga nzəng ku uYohana uwa mí wór pa uMarkus a.

³⁸ Te uBulus yan pa a mal pa uza a ga nzəng ka oza kat. Kakul uza ka chər le ka oza re ka Bamfiliya a gbaḷ inok va ta nzəng ka oza kat.

³⁹ Te ndap-izər nkánkám fa ká ishimshe oza. A nak te, oza kap izər. UBarnaba kam uMarkus oza tan agirgi ndəng oza ga aKuburus.

⁴⁰ UBulus nnyi te, a yak uSila. Nvan va ogənan far nnap nnənan aPonzhi-Yesu pa a təm nzəng ka oza te, oza ga.

⁴¹ UBulus wəl mbin aSuriya ka aKilikiya i kam ikílisiya va ka ta.

16

UTimoti yar nvan aBulus ku uSila

¹ Te uBulus ba chu aDarba. Le te, uza ba chu aListəra. Unəm aYesu kərísti ro uwa ya ka ta adidín pa uTimoti. Unənan uYahudi va na nnandər chit na kpa. Upupon te, uHeleni.

² Ogənan oga aListəra ka alkoniya te, ka nla iyam inənan ka apəpal.

³ UBulus dom pa o kam na kawo. OYahudi oga atak va ta nyinyi pa upupon uHeleni. A nak te, uza pa ache á na.

⁴ Atak va oza i ga ka pa kpaktak te, oza i pak inok nla oza iyam va onəm oga nre aYesu kərísti ka onəmgbak ikilisiya iga aUrushelima pak, na oza a kpak.

⁵ Kasal va ta oza kam ikílisiya ka ashe nna nnandər oza ka atak va kap oza ga ka. Nza ilum nggo te, onəm áYesu kərísti ka ngga mpyal ka n-yəl.

UBulus ya unəm uga aMakidoniya ka ashe alár

⁶ Te oBulus ra nggang ka ashe nkpaktak mbin aFirijiya ka aGalatiya, kakul aRuhu-Nənan dan oza dan ka nla nnap-nlā Inan ka mbin Asiya.

⁷ Oza ba chu aswari aga aMisiya, oza dom pa o ga aBitiniya te, aRuhu-Nənan man óza kat.

⁸ Oza mál ká izər aMisiya oza ga aTaruwasa.

⁹ Te uBulus ya alár ká izwam pa unəm uga aMakidoniya ro sat ka nchal pa, <<Pal ba aMakidoniya kamshi yi.>>

¹⁰ UBulus ya alár va ta te, i won pa kəlak pa na i ga aMakidoniya. Kakul i nak pa Inan wór yi chit pa i ga i là nnap ngga nchang nfe ónəm oga atak va ta.

ULidiya na nnandər

¹¹ I tan agirgi kaTaruwasa i pal i ga aSamutaraki. İpin fa kpaḱ te, i chu aNiyapolis.

¹² I won ka ta te, i ga aFilibi. Atak va ta onəm oga aRom a yəl ka ji. Atak va ta nna achumchum ka ta. I təm ka ta nra makmak kat.

¹³ Ká Ilum Njul te, i fa i re ashe itong i ga ka anung awan ka atak va i fe pa mí but ka ta kakul nnəm aduwa. I təm ká ijili i là nnap óchar va but chit ka ta.

¹⁴ Ka ashe ochar va ka nggon achwang ka yi te, uro adidin pa uLidiya. Uza fa ka Tayatira i yap kia ilukwán iga *mban pa garr. Uchar va ta i wop Inan. Te uPonzhi-Yesu nak anung igwak tul á na, na uza a man ká iyam va uBulus ka nləla a.

¹⁵ Ma nəm aBaptisima á na ka onəm oga ashe nzhizhi te, uza chál yi pa, <<O məman pa mmami uchar uga nna nnandər ku uPonzhi-Yesu. Kakul

nva ta te, o ba o təm ka nzhi mi.>> Uza nak yi i man i ga nzhizhi.

Ma kuk uBulus ku uSila ka nzhi ikan kaFilibi

¹⁶ Ka nda ro mmayi ka ngga atak nnəm aduwa te, i gwang ka uyenchar ro uzwal. Aruhu-bángbàng ləp na ləp. A nak ishishi bol uza i là iyam va pa ka ngga nfa. A nak te, uza i ya mbwai pa makmak ónəm ga nzhi wo ka atak ivak va ta.

¹⁷ Te uza yar nvang yi ka uBulus i nəm achu pa, <<Onəm va ta onəm aPonzhi Inan va ji pa kpaktak a. Oza ka nnyam asal awo aga nya nkamshi ngga iriri.>>

¹⁸ Uza pak inok nnəm wanta nra pa nkyak te, a ram uBulus. Te uza gaban là áruhu-bángbàng va ta pa, <<Ka ashe adín aYesu mmami ka nla abu pa u kap ka na.>> Ka ta dyak te, aruhu va ta kap ku uyen va ta.

¹⁹ Onəm ga nzhi ayen-zwal va ta ya chit pa asal iyam-nri oza ya lap kat te, oza kpán uBulus ku uSila, oza dap oza ga akwali ka oza ka atak onəm ochumchum ka anung akasuwa.

²⁰ Oza ba chu te, oza là ónəm oga nnap-akwali pa, <<Onəm va ta oYahudi. Oza nak atak va ta zwar chit pa gənggəng.

²¹ Oza ka ndyang nnap nnəm va mal pa mmayi oRoma i kam, kat te i kpak kat.>>

²² Te onəm nggatək ba kpa i mwak nnap óBulus. Te onəm oga nnap-akwali nak ma kan ilukwán oza ma re izər óza pa, ma nəm oza.

²³ Nvan va ma nəm asap óBulus chit pa zhalat zhalat te, ma kuk oza ka ashe nzhi ikan. Pa unəm uga nkuk onəm a panchi oza pa dakdak.

²⁴ Uza₁ va₁ ta fe iya₁m va₁ onəm ochumchum va₁ ta₁ là te, uza₁ kuk oza₁ ka₁ ashe afu nzhi ikan ngga ashe. Uza₁ pak oza₁ ka₁ ipa₁na.

²⁵ Ká ishimshe izwam uBulus ku uSila ka₁ ya ka₁ nnəm aduwa nzəng ka₁ nshi nnap-nshì íNan iya₁m oza₁. Abo onəm-kukkuk owan oza₁ nnyi te, ka₁ ya ka₁ nggon achwang ka₁ oza₁.

²⁶ Ta byet te, mbin tan pa₁ gənggəng. A yəngət mban nzhi ikan va₁ ta. Ta byet te, oga anung nzhi bol ghələk. Nzwar nkpaktak oza₁ bəla₁ng.

²⁷ Unəm uga nkuk onəm va₁ ta yenda₁l ka₁wu nda. Uza₁ ya anung nzhi bol te, uza₁ rən pa₁ onəm va₁ ma kuk te, oza₁ chən chit. Te uza₁ tur ndokchi pa₁ o gba₁l izər wo.

²⁸ UBulus ləp achu á na pa₁, <<Kan wa gba₁l izər bu ka₁t. Nna i ya pa₁ zhir.>>

²⁹ Unəm uga nkuk onəm va₁ ta là pa₁ ma ba ka₁ apər awo. Uza₁ gha₁n ka₁ ntar ashe nzəng ka₁ ntan izər ba ru úBulus ku uSila ka₁ mpyal i sak anung.

³⁰ Uza₁ fa ka₁ oza₁. Uza₁ bəp oza₁ pa₁, <<Ónəm oga nzhi, izə₁ mi nəm na í ya nkamshi ngga iriri yà? >>

³¹ Oza₁ na ama₁n á na pa₁, <<Na nnandər ku uPonzhi-Yesu te, bu ya nkamshi ngga iriri. Mmabu nzəng ka₁ nkpaktak onəm oga ashe nzhi bu.>>

³² Te oza₁ là nnap aPonzhi-Yesu á na ka₁ nkpaktak onəm oga ashe nzhizhi.

³³ Ká izwam va₁ ta uza₁ nal abang óza₁ pa₁ kpktak. Ka₁ ta dyak ma nəm abaptisima á na ka₁ nkpaktak onəm oga ashe nzhizhi.

³⁴ Unəm uga nkuk onəm va₁ ta ka₁m oza₁ tar ashe nzhi, uza₁ chon iya₁m-nrì óza₁. Igwak chang na pa₁

makmak kakul uza na nnandər chit ká Inan. Uza nzəng ka nkpaktak onəm wo.

³⁵ Atak tan te, onəm oga nnap-akwali va re onəm oga mpanchi oza pa oza a là únəm uga nkuk onəm pa uza a fa ka onəm va.

³⁶ Unəm uga nkuk onəm va ta là úBulus pa, <<Onəm oga nnap-akwali là pa ma re wo ku uSila o ga. O ga iyam wo. O ga ká ikángkáng.>>

³⁷ Te uBulus là ónəm oga mpanchi atak va ta pa, <<Ma nap akwali ayi kaṭ. Ma nəm yi ka mpyal onəm kap ka nva pa mmayi onəm va ka atak nsat oRoma a. Ma swan yi ka ashe nzhi ikan. N-yanmata te, ma dom pa ma re mmayi na kayi i ga dō? Ko pa dap i fa kaṭ. Oza a ba a nak yi ka mpyal a fa ka yi ká ishi oza.>>

³⁸ Nvan va onəm oga mpanchi atak là iyam va ta ónəm oga nnap-akwali kan oza fe pa uBulus ku uSila oRoma te, ayər nəm oza.

³⁹ Oza ga chál oza. Oza fa ka oza ka nzhi ikan. Oza chál oza pa oza a fa a re atak wo.

⁴⁰ UBulus ku uSila fa ka nzhi ikan te, oza ga nzhi aLidiya. Oza ya ogənan ro ka ta. Oza là nnap-nlà ngga nkam igwak óza te, oza ga.

17

Nwon nnap nnəm kaTasalonika

¹ OBulus wòl Amfipolis ka Apoloniya kan oza ga chu aTasalonika. Ka ta te, nzhi Inan oYahudi nna ya.

² Wa nva nnap-nnənəm te, uBulus ga tar nzhi awop va ta. Alum Njul pa nshadən uwa ka nla

nnap ka oza ka atak nnəm inok ka nnap-nlā Inan nlrir.

³ Uza kan ijili ipipir óza nzəng ka nnyam óza pa nkpak pa uKərísti Unəm uyákyàk Inan va a bək anung. Mi i gba na te, uza i won ka atak ikú. Uza là pa, <<UYesu va mmami ka nla nnənap awo te, uwa uKərísti Unəm uyákyàk Inan va.>>

⁴ Oro ka ashe oYahudi man ká iyam va uBulus ku uSila là. Oza tong ojo oza, wantana oHeleni pa kyak oga ngwa Inan ka ochar ochumchum va yəyəl na kpa oza nəm.

⁵ Ikpar nəm oYahudi te, oza but onəm oga nkun iwuswa oga ishi-laklak. Oza nak nnap nnəm onəm oga atak va ta won. Oza ga nzhi aYason na o ram uBulus ku uSila o fa ka oza ngatək.

⁶ Oza ga ya oza ka ta kat te, oza kpán uYason ka ogənan ro. Oza dap oza ga ka ka mpyal onəm oga nnap-akwali, i gham achu i là pa, <<Onəm va ta onəm va vyap atak chit ka ashe nkpaktak apambin kan oza ba chu chit ka ka ta kpa.

⁷ UYason kam oza təm ka ka nzhi wo. Oza man ká iyam va *uKaisar pak ka pa dap kat. Oza i là pa uponzhi ukak uwa ya uYesu.>>

⁸ Onəm oga atak va ta ka onəm oga nnap-akwali fe iyam va ta te, nnap nnəm oza won.

⁹ Oza re oza kat. Oza kam mbwai ro ka atak aYason ka abo ogənan va ta kan. Mbwai va oza i mwa a yà pa mí kpán oza ka nnap nnəm va ta kàdī a.

Onəm oga nre aYesu kərísti kaBiriya

¹⁰ Izwam là byet te, ogənan nak uBulus ku uSila ga aBiriya. Oza ga chu te, oza tan nzhi Inan oYahudi.

¹¹ Onəm oga aBiriya onəm oga nnap nnəm nnənan. Oza wa onəm oga aTasalonika jiwo kat. Kakul nnap-nlā Inan lom oza lom ka nkam. Nza ilum nggo te, oza i kan ijili nnap-nlā Inan nzəng ka oza na o nyi pa iyam va uBulus là te, nnandər dō?

¹² OYahudi pa kyak na nnandər ka nnap-nlā aBulus. OHeleni onunggwan ka ochar ochumchum na nnandər kpa.

¹³ OYahudi oga aTasalonika won fe pa oBulus ka nla nnap-nlā Inan kaBiriya te, oza ga ka ta i nok onəm har nak nnap nnəm oza won.

¹⁴ A nak te, ogənan nak uBulus ga anung iwa pa kəlak na uza a chər. USila ku uTimoti te, oza təm ka ta kan.

¹⁵ Onəm va ga nzəng ku uBulus te, oza ga chu ka na kaAtina. Te uBulus re oza pa oza a là úSila ku uTimoti te, oza a ba atak wo pa kəlak kəlak.

UBulus ka ashe Atina

¹⁶ UBulus ka nlok oza kaAtina te, uza ya ichər ka ka nza atak nggo ka atak va ta. Te a lak igwak á na pa makmak.

¹⁷ A nak te, uza pak inok nla nnap ka oYahudi ka oHeleni oga nra ayər Inan ka ashe nzhi Inan ngga atak va ta. Uza là nnap ónəm kpa ka ashe akasuwa

¹⁸ Te onəm ro oga mman ka ndyang Abikuri ka uSitokiya dap izər ka na. Oro ka ashe oza i là pa, <<Iza unəm uga nnap atam awong va ta i là yà?>> Oro pa, <<A nəm na uza ka nla nnap iyam

ngwop igafak ro.>> Oza là pa kakul uBulus ka nla nnap-nlà ngga nchang nfe ka apal ishi aYesu ka ngwuwong ka atak ikú.

¹⁹ Te oza là á na pa uza a ba o ga atak mbut ngga apal abam Arasa. Ka ta na oza bəp na pa, <<Nza ndyang mpipyē mmabu ka mba ka ta ya?

²⁰ Mmayi ka nfe nnap nggafak ka atak bu. I dom pa i nyi apir ndyang va ta.>>

²¹ Onəm oga Atina ka onəmchən va ra nzhi chit ka ta te, oza i lak alum oza ka nnəm iyam ro watar nshal nnap nshalshal ka nggon achwang ka nnap va mpipyē kat.

²² Te uBulus won ga akul ka ashe mbut ngga apal abam Arasa là pa, <<Ónəm oga Atina, n ya mmawó onəm oga ndom nnap awop pa gənggəng. Mi i dər ka ka nza asal-wu nggo te, mí ya pa.

²³ Kakul n ra nggang pa kpa ka ashe itong wo n dər atak pa dakdak te, har n ga n ya ma lir iyam va ta ká izər atak nshi iyam awop wo ro kpa pa, <Atak va ta kakul iyam-ngwop ro va ma nyi kat.> Iyam-wopwop va ta Inan va o wop kan o nyi kat te, uwa n dom pa n là nnənap awo.

²⁴ Inan va nəm apambin ka nkpaktak iyam va ka ashishe te, uwa i nəm ka apabur ka apambin. Uza te, i tēm ka ashe nzhi awop va unəm a me kat.

²⁵ Uza i dom nkamshi ro ka atak anəm kat kpa. Kakul uwa na iriri, ka n-yi, ka aboshi iyam pa kpaktak únəm.

²⁶ Uwa fa ka akum pa dongdong ka atak anəm pa uzəng, na oza a tēm ka ashe apambin nza atak

nggo. Uwa kpaḵ nra va oza i təm ka ka ashe apambin ka aswari mbin oza.

²⁷ Uza nəm iyam va ta na a nak onəm a ram wò mo te, oza a wop wò oza a ya wò. Ko pa dap uza gbang ku unəm ro ka ashe yi kat.

²⁸ Kaḵul ma lir chit ka ashe nnap-nlɔla pa, <Ka atɔtak na i lár, mmayi ka nnəm izər, kan i təm kpa a.> Pa nà onəm oga nshi nnap-nshi wo oro là chit pa, <Mmayi oji Inan.>

²⁹ <<A ya chit pa mmayi oji Inan te, a ma pa na i là pa Inan iyam va unəm a nəm ka aghan wo nzəng ka nnyi inok wo kat. Iyam va ma nəm ka azənariya, kat te ka azurfa, kat te ká ipang kat.

³⁰ Ka mmatmat te, Inan nakshi ka apir nnəm iyam va onəm nəm ka ashe nfo va ta kat. N-yanmata jiwo te, uza ka nla nnap nkɔaktak onəm ka ka nza atak nggo pa oza a re nnəm nnap-mbāngbang.

³¹ Uza nak ilum chit va uza i nap akwali apambin ka ashe nnandər. Unəm va uza nak chit kaḵukul te, uwa i nap akwali va ta. Uza nyám nnandər nnap va ta onəm chit kagbagba ka atak ngwon ku unəm uga nnap-akwali va ta ka atak ikú.>>

³² Oza fe nnap ngwon onəm-kuku ka atak ikú te, oro ka ashe oza nap nvyal á na. Oro nnyi te, oza là á na pa, <<I dom pa u won kan bu ba bu là nnap va ta ayi kàdi .>>

³³ Te uBulus fa iyam wo.

³⁴ Onəm va pa dap oza na nnandər ká iyam va uza là te, oza tong ojini. UDiyonisiyas uzəntən ka ashe onəm oga ntan mbut ngga apal abam Arasa

ku uchar ro adidin pa uDamaris ka abo oro oma ka ashe onəm oga nna nnander va ta.

18

Mpak ikilisiya iga aKorinti

¹ Ka nvan nva ta te, uBulus re Atina uza ga aKorinti.

² Ka ta te, uza ga ya uAkila va uYahudi. Uza unəm uga mbin aPontus. Uza re mbin aItaliya nzəng ku uchar wo uBilkisu nvan gbang chit pe kat. Kakul uKəlaudiya ka la pa oYahudi a re aRom.

³ Inok Akila ndan awa kakul nka aghal wa nja aBulus na kpa. A nak te, uza ga təm nzəng ka oza. Oza i nəm inok nzəng.

⁴ Nza alum njul nggo te, uza i pak inok nla nnap Inan ka ashe nzhi Inan ngga atak va ta. Uza dak pa na o nak oYahudi ka oHeleni a man ka iyam va uza ka nləla.

⁵ Ka nvangva uSila ku uTimoti re aMakidoniya ba chu te, uBulus na ishi wo pa kpaktak ka nla nnap nzəng ka nnyam nnap oYahudi ka apal ishi aYesu pa uwa uKəristi Unəm uyákyàk Inan va.

⁶ OYahudi pwat uBulus te, uza bal ka oza ka atak nkən mbwan le ílúkwán wò, uza la kanunun pa, <<Nsusur a təm awo ka ishi. Mmami te, n la awo chit le ishi á mi. A ban chit na ta onəm va oYahudi kat te, oma mi la nnap óza.>>

⁷ Uza ga nzhi anəm ro adidin pa uTitus-Yustus unəm uga ngwa Inan. Nzhizhi dat ka nzhi Inan va ta.

⁸ UKiribus unəm uga nnəm ka nzhi Inan va ta nzəng ka nkpaktak onəm oga ashe nzhizhi na

nnandər ka uPonzhi-Yesu. Ka ashe onəm oga aKorinti va fe nnap-nlā aBulus te, pa makmak na nnandər ma nəm abaptisima óza.

⁹ Ka nda ro ká izwam uPonzhi-Yesu là nnap ku uBulus ka ashe alár pa, <<Kan ayər a nəm bu kaṭ. Ga mpyal ka nnap-nlā kan wa mar ka anung kaṭ.

¹⁰ Kaḱul nna n ya nzəng ka bu. Unəm ro i ya ka nru bu ká ikum i nak abang abu kaṭ. Kaḱul nna n ya ka onəm pa makmak ka ashe atak va ta.>>

¹¹ A nak te, uBulus təm ka ta izun pa izən ka apye pa kpadən uza ka ndyang nnap-nlā Inan ka ta.

¹² Ka ashe nra va uGaliyo ugomna Akaya te, oYahudi won ikum ku uBulus oza kpán na ga ka ka mpyal akwali.

¹³ Oza là pa, <<Unəm va ta i tan onəm pa kan ma wop Inan kaṣal va nnap-mpakpak là kaṭ.>>

¹⁴ UBulus ban pa ka o là nnap te, uGaliyo là pa, <<ÓYahudi, ka ya pa unəm va ta pat nnap ro, kaṭ te nəm iyam ina ro te, ka məma pa n fe nnap-nlā wo.

¹⁵ Kaḱul pa mmawó ka ndap izər ka apal ishi nnap-nlā na pa mwan, ka nnap adín, ka nnap-mpakpak wo te, re o ga o damshi nnap va ta ká ishi wo. Mi nap akwali iyam wa iva ta kaṭ.>>

¹⁶ Te uza nak ma wa oza fa ka ashe nzhi akwali.

¹⁷ Te oza pa kpaktak kyen ku uSastanisú unəm uga nnəm ka nzhi Inan oYahudi ngga atak va ta. Oza nəm na ka mpyal atak akwali va ta. Ka nna kpa te, uGaliyo nakshi ká iyam va oza nəm ta kaṭ.

¹⁸ UBulus təm ka ta nra pa makmak te, uza kpán ishi ka Kankirya kakul n-yəl nsar nnap-nlà ro va uza ka yar a. Uza là ngga ógənanang chit te, uza tar agirgi ndəng uza ga aSuriya. UBilkisu ku uAkila oza ga nzəng ka na.

¹⁹ Oza chu Afisa te, uBulus re uBilkisu ku uAkila ka ta. Uza ka ga nzhi Inan oYahudi ngga atak va ta ga kpa là nnap óza.

²⁰ A nak te, oza chál na pa uza a təm ka oza nra pa dap kan. Uza yan.

²¹ Uza ban nre oza te, uza sar nnap-nlà óza pa, <<Ka mman Inan te, nna mi ga nle.>> Uza ga tar agirgi ndəng uza re Afisa.

²² Oza chu aKaisariya te, uza watar ba ga aUrushelima na o re anung ikilisiya. Te uza ga Antakiya.

²³ Nvan va uza təm ka ta chit pa dap te, uza won ra nggang ka ashe mbin aGalatiya ka aFirijiya ka atak pa dongdong uza i kam onəm áYesu kərísti.

UApolos là nnap Inan kaAfisa

²⁴ Te uYahudi ro adidin pa uApolos ba Afisa. Uza unəm uga Alekzandariya. Uza nyi nnap-nlà byet. Uza nyi nnap-nlà I nan pa gənggəng kpa.

²⁵ Ma dyang nnap aPonzhi-Yesu á na ndyangdyang. Uza i là nnap wa nva iyam ma lom unəm. Uza dyang nnap aYesu onəm pa dakdak ka uza pat kat. Nna kap ka nva pa iyam va uza nyi te, nnap abaptisima aYohana na chwat a.

²⁶ Uza là nnap-nlà Inan ka ashe nzhi Inan ngga atak va ta ka ayər ya ka ashishe kat. UBilkisu ku

uAkila fe nnap-nləla te, oza kam na ga atak oza ka. Oza nyám nnap asal Inan á na pa dakdak.

²⁷ Uza won dom mpal ngga mbin Akaya te, ogənan kamshishi. Oza lir awasika na á na pa uza a na ógənanang oga atak va ta pa oza a kam na ka ashe nchang igwak. Uza chu ka ta te, uza ka nkamshi pa makmak ka atak onəm áYesu kəristi. Onəm va ka atak nnap nnənan Inan kan oza na nnandər a.

²⁸ Uza ka nkamshi ka atak oza kakul pa uza là nnap ka oYahudi ka ashe onəm, uza nyám óza ka atak nnəm inok ka nnap-nlè Inan pa uYesu uwa uKəristi Unəm uyákyàk Inan va.

19

Inok aBulus kaAfisa

¹ Ka ashe nra va uApolos uwa ya ka ashe aKorinti te, uBulus yar asal aga mpal ba fa Afisa. Uza ba ya onəm áYesu kəristi ro ka ta.

² Te uza bəp oza pa, <<O kam aRuhu-Nənan kam nva ka o na nnandər dō?>> Oza là á na pa, <<O'o. Nna i fe chit pa iyam ro nna yà pa aRuhu-Nənan kat.>>

³ Te uBulus bəp oza pa, <<Chit te, nza apir aBaptisima ma nəm awo yà?>> Oza là pa, <<ABaptisima apir aja aYohana.>>

⁴ UBulus là óza pa, <<ABaptisima va uYohana nəm te, a nyám onəm va re nnəm nnap-mbángbáng oza chit. Uza pak inok nla ónəm pa oza a na nnandər ku unəm va ka nvan ka nvan wo. Uwa uYesu a.>>

⁵ Oza fe wanta te, ma nəm abaptisima óza ka ashe adin aPonzhi-Yesu.

⁶ UBulus nak awo ózā ká ishi te, aRuhu-Nənan vang ká apal ishi oza. Oza là nnap ká ashe achu agafak nzəng ká nla iyam va oza kam ká atak Inan kpa.

⁷ Oza onəm pa ogbapchi aman pa parəm.

⁸ UBulus pak inok nchen nzhi Inan ngga atak va ta i là nnap ónəm ká ashe nkam-igwak har apye pa shadən. Uza dap atam ká oza. Uza dak pa oza a man ká nnap iponzhi Inan.

⁹ Oro ká ashe oza twat anung igwák oza. Oza na nnandər ká nnap-nlà va ta kat. Oza là iyam bángbáng ká ashe onəm ká apal ishi Asa va ta. A nak te, uza le ká oza re. Uza van onəm áYesu kərísti. Nza ilum nggo te, uza i dyang iyam ózā ká ashe nzhi amanta aTirnatus.

¹⁰ Uza pak inok ndyang iyam ózā izun pa iparəm. Nkpaktak oYahudi ká abo onəm ká ashe nkpaktak mbin Asiya fe nnap aPonzhi-Yesu.

Ovan aSiba

¹¹ Inan nəm inok ichumchum iga ndaktak ku uBulus.

¹² Iyam iga mbəl nlilim ká ilukwán lúkwán va uza mwak kan mí ga ónəm oga arwa te, oza i tan. Aruhu-bángbáng i fa i re oza kpa.

¹³ Te oYahudi ro va i ra nggang i bak aruhu-bángbáng i fa ká ashe onəm dak pa o nəm inok ká adín aPonzhi-Yesu na o fa ká aruhu-bángbáng ká ashe onəm va aruhu-bángbáng ləp oza a. Oza i là pa, <<Ká ashe adín aYesu va uBulus ká nla nnənap te, o fa.>>

¹⁴ Ovan anəm aga nshi iyam awop ro adífin pa uSiba oma i nəm apir iyam va ta.

15 Aruhu-bángbàng va ta là óza pa, <<UYesu te, n nyi na nyi. UBulus n nyinyi kpa. Mmawo oda yà?>>

16 Unəm uga aruhu-bángbàng va ta won atak ka oza. Uza ji nkam oza, uza nəm oza. Oza chən fa ka ashe nzhi va ta omalən. Oza kam abang nchər fa.

17 Onəm oga Afisa, oYahudi ka abo onəm won nyi nnap va ta te, ayər nəm oza. Oza na ichumchum âđin aPonzhi-Yesu.

18 Onəm va na nnandər te, pa kyak ka ashe oza bwam kat, oza pwa iyam ina va oza ka nəm.

19 Onəm pa makmak oga ivak wur atakarda ivak oza shi ka mpyal onəm pa kpaktak. Mi i but mmak mbwai atakarda va ta te, i chu azhal igbal pa itukun chu.

20 Kasal va ta nnap-nlā aPonzhi-Yesu myak, a ya ká ichumchum pa makmak kpa.

Nnap-nnəm onəm won ka Afisa

21 Ka nvan iyam va ta te, uBulus yar pa o won ngga aŪrushelima te, o wòl aMakidoniya ka Akaya. Uza là pa, <<Ka nvan ngga atak va ta te, mi ga aRom kpa.>>

22 Uza re onəm ro pa oparəm va i kamshi na ká inok, oma uTimoti ka uArastas oza ga aMakidoniya te, uza le təm ka mbin Asiya pa dap kan.

23 Ka ashe nra va ta te, ngwon nnap nnəm nchumchum ro won ka atak va ta ka apal nnap Asa aYesu.

24 Unəm uga nlā iyam ka azurfa uro adidin pa uDimitəriyus uwa ya. Uza i lá nván-nzhí ka azurfa

wa atak awop Artemis. Inok ala oza va ta i ba ka mbwai óza pa dap kat.

²⁵ Uza but owan wo pa kpaktak là óza pa, <<Ónəm, o nyinyi pa ká inok yi va ta i dur.

²⁶ Mmawo ka nfife. Mmawo ka n-yiya kpa. Ka ta ka Afisa na chwat kat. Ka ashe nkpaktak mbin Asiya uBulus va ta yar ishi ónəm pa makmak chit. Oza gaban oza uza i là pa iyam ngwop va ma lá te, iyam ro kat.

²⁷ Ibàng yá iyap yi na chwat kat. Atak awop Artemis iyam ngwop ichar uchumchum, mí dər ká ichumchum ro lap kat kpa. Uza va nkpaktak mbin Asiya har ka nkpaktak apambin ka ngwop na a.>>

²⁸ Oza fe wanta te, a dungshi anung igwak óza. Oza won ka achu pa, <<Ichumchum a təm ija Artemis uga Afisa>>

²⁹ Atak va ta bá. Oza kpán uGayus ku uAristakus onəm oga aMakidoniya ro va i ra nggang nzəng ku uBulus. Oza ga anung akasuwa ka oza ka nghan ka nrəng pa nzəng.

³⁰ UBulus dom pa o fa o là nnap ka oza te, onəm aYesu Kəristi man á na kat.

³¹ Oro ka ashe onəm ochumchum oga Afisa okpəkpam re nre chál na pa kan uza a ga atak ogənan va ta kat.

³² Onəm zwar wo zwar na pa mwan. Oro ka nla iyam ro te, oro ka nla iyamkak. Kakul oro kpán ipir iyam va ma but ka kat.

³³ OYahudi dan uAleksanda pa a fa a là nnap ka onəm te, oro ka ashe nggatək rən pa ndaktak va ta fa kakul a wà. Uza nəm awo óza pa a man ka anung na o là nnap.

³⁴ Aghan ga nggatək pa uza uYahudi te, oza won ka achu pa, <<Ichumchum təm chit mbyet ija Artemis uga Afisa.>> Oza pak inok nghan achu har a nəm acham pa parəm.

³⁵ Nvan va unəm uga *nlir iyam uga atak va ta nak nnap nnəm oza ra te, uza là óza pa, <<Ónəm oga Afisa, nza unəm nyi kat ya? Nna pa onəm oga Afisa oma i nakshi ka nzhi awop Artemis ka nnap ipang iyéryər va vətər ka apal a?

³⁶ A ya pa nnap wa nva ta va mpyenpyen kat te, a ma pa o ra ka nnap nnəm wo pa kwák. Kang o nəm iyam ro iga ijijak kat.

³⁷ Onəm va ta o ba ka oza te, oza wur iyam ro ka ashe nzhi ichər kat. Oza byèt ichər kat kpa.

³⁸ A ya pa uDimitəriyus ka owan wo oga nla ala oma ya ka nnap-nlà ka apal ishi anəm ro te, nzhi akwali, ka onəm oga nnap-akwali oma ya. Oza a ga ka nnap va ta ka ta.

³⁹ A ya pa iyam ro pa dí o dom te, o ga ka nnap-nləla ka atak mbut na ma damshi.

⁴⁰ Kan i nak nsur ro ka ishi yi kat. Kakul ngwon nnap nnəm va ta a ya ka akum kat. Mi i bəp ipir mbut yi va ta te, í ya ka aman ro pa i na kat.>>

⁴¹ Ka nvan nnap-nlà va ta te, uza là pa ma lyan.

20

UBulus ga aMakidoniya ka mbin aHelas

¹ Nvan va nnap nnəm onəm ra chit te, uBulus re nre ma wór onəm áYesu kərísti. Uza na nkam-ìgwak óza te, uza ga aMakidoniya.

² Uza ra nggang ka ashe mbin va ta na nkam-igwak onəm pa kpaktak har uza ba chu mbin aHelas.

³ Uza təm ka ta apye pa shadən. Uza dat chit ka nre atak va ta na o ga aSuriya ka ashe agirgi ndəng te, uza won fe pa oYahudi sar anung chit pa o nəm iyaŋ á na va byen kať. A nak te, uza là pa o le nvaŋ o wòl aMakidoniya kan o ga.

⁴ Onəm va ga nzəng ka na te, uSobatarus unəm uga aBiriya uya aPyrus, ku uAristakus, ku uSakundus unəm uga aTasalonika, ku uGayus unəm uga aDarba, ku uTimoti, ka onəm oga mbin Asiya ro uTikikus, ku uTarotimas.

⁵ Onəm va ta ga mpyal yi ga. Oza ga lok yi kaTaruwasa.

⁶ Mmayi te, i tan agirgi ndəng kaFilibi ka nvaŋ nra ngga nri nzəngkəng ngga nya ka ayist kať a. I nəm nra pa ntukun te, i ba i chu atak oza kaTaruwasa. I təm ka ta nəm nra pa nfanshat.

UBulus won ku uAfitikas ka atak ikú

⁷ Ká ilum iga igəshi ka ashe asati te, i but ka kul nri nzəngkəng awop. İpin i fa i kpať te, uBulus ka ngga. A nak te, uza là nnap óza har ishimshe izwam ga sol.

⁸ Aga apitila pa kyak nna ya ka ashe nzhi ngga apal va i but ka ashishe.

⁹ Uyenzaŋ ro adidın pa uAfitikas təm ka anung atak aga ntar ayər. Nda kaŋ na ka kul mpətar nnap-nlā aBulus va ta kať a. Uyenzaŋ va ta ru ka nzhi ngga apal ngga nshadən. Ma fər ma yar na te, uza ku chit.

¹⁰ UBulus fər kà na. Uza ra kà apəpal fəkchi na. Uza là óza pa, <<Kan icìgwak a ləp wo kət. Uwa ya ká iriri.>>

¹¹ UBulus kyen apal uza kpán nzəngkəng óza ri te, uza ga mpyal kà nnap-nlā har atak ga tan na. Te uza ru asal ga.

¹² Oza kam uyenzam va ta oza ga nzhi kà ká ikángkáng. A chang igwak óza pa makmak.

Achen aga ndəng ngwon kaTaruwasa ngga aMilitus

¹³ I watar mpyal i ga atak agirgi ndəng na i tan i ga Asus. I ga nyar uBulus kà atak va ta. Uza kà đamshi chit pa. Kəkul uza dom nyar n̄zam.

¹⁴ Uza ba ya yi kà aAsus te, uza tar agirgi i ga aMilitini.

¹⁵ Mmayi kà ashe achen ipin fa kpaḱ te, i ma ikwoksok kà aKiyos. İpin fa kpaḱ te, i chu aSamas. İpin kpaḱ te, i chu aMilitus.

¹⁶ Ka ya te, uBulus kà nak chit pa o sat kà Afisa kət, o watar watar. Kəkul le kan o kali kà ashe mbin Asiya kət. Uza kà nghan pa kà o chu aUrushelima kà alum *apentikaṣ.

Onəmgbak oga Afisa fa re uBulus

¹⁷ Kà aMilitus na uBulus re nre ónəmgbak ikilisiya iga Afisa pa óza a ba.

¹⁸ Oza ba chu te, uza là óza pa, <<O nyi apir ntəm va nyi n təm ká wo ban ká ikum va n tongchi ndon mi kà mbin Asiya a.

¹⁹ N nəm inok úPonzi-Yesu kà ashe nnap nnəm ngga nra ká ishi mmakmak nzəng kà mbəl ká iwu. Má mā mi pa gənggəng kà atak iyam ina va oYahudi i ram mi kà.

²⁰ O nyinyi pa n wali ka nnap ndyang awo iyam va ka nkamshi ka atak wo kat. Mi chen ka wo ka nzhi ka ashe nggatək.

²¹ N là óYahudi ka abo onəm pa nkpak pa oza a gaban a ba atak Inan oza a re nnəm iyam bángbáng, oza a na nnandər ku uPonzhi-Yesu.

²² <<Mmami ka mba ngga aUrushelima. ARuhu-Inan a nak mi ka. N nyi iyam va i ga nya mi ka ta kat.

²³ Iyam va n nyi te, aRuhu won mi chit pa ka ashe nza itong mi ga nggo te, nkuk ka nzhi ikan ka idumdum ka nlok mi.

²⁴ N nak iriri miyam ro kat. Iyam va rwa mi te, pa kan mi re apambin va ta te, n gbal ka nnəm inok va uPonzhi-Yesu na mi a. Inok va nla nnap ngga nchang nfe ka apal ishi nnap nnənan Inan.

²⁵ <<N nyinyi pa nkpaktak wo ó ya mi lap kat. Mmawo va n pak inok nra nggang ka ashe mbin wo mi là nnap iponzhi Inan awo a.

²⁶ Kakul nva ta te, n dom wo pa o nyi pa kpátkpát nda pa akat nchər anəm ro ya təm á mi ka ishi kat.

²⁷ Kakul n wali ka nnap nla awo nkpaktak iyam va Inan dom kat.

²⁸ O panchi ishi wo ka nkpaktak nggatək va aRuhu-Nənan nak wo chit pa o dər ishi oza a. O kpak ikilisi-ya Inan va uza yap ka nchər aYen wo.

²⁹ N nyinyi pa ka nvangva mi ga te, onəm i ba atak wo wa oga nchuwe ngga nnəm ikum. Oza i re wo kat.

³⁰ Onəm i fa kpa ka ashe ikilisi-ya wo i zwar nnandər na o nak onəm áYesu kərísti a yar nvan oza.

³¹ Kakul nva ta te, o tēm o gbar izər gbar. Kan o kong ka ntəm mi nzəng ká wo kat. Izun pa ishadən mmami ka ngwon nza uzəngtəng wo nggo izwam ka alum ka mbəl ká iwu.

³² <<N-yanmata te, mmami ka nre wo úPonzhi-Yesu ka nnap-nlà nnap nnənan nənən va i me wo me. Ì nak wo kpa nzəng ka nkpaktak onənəm va má nal oza chit ó yá iyam va Inan sar nnənap.

³³ N nəm adom azurfa, ka azənariya, ká ilukwán anəm ro kat.

³⁴ O nyinyi ká ishī wo pa iyam va awo mi nəm te, nna ri ka mi ka onəm va nzəng ka mi.

³⁵ Ka ashe iyam pa kpaktak te, n tal ndyang-nnap awo pa nkpak pa i kamshi onəm va ya ka nkam kat ka atak apir nzhin ka nnəm inok wa nva ta. O rən nnap-nlà aPonzhi-Yesu va rən kpa pa, <Nna iyam ji nkam iyam ji ka nnap nnənan.>>

³⁶ Nvan va uBulus gba ka nla nnap-nlà va ta te, uza bəram nzəng ka oza nəm aduwa.

³⁷ Te nkpaktak oza tun ka ayən. Oza fəkchi uBulus i yən.

³⁸ Iyam va lak igwak óza ji pa kpaktak te, nnap-nləla va pa oza i ya wo lap kat. Te oza ga re na har ka anung agirgi ndəng na pa chit.

21

Achen aga ngga aUrushelima

¹ Ka nvangva oza là ayi chit pa i chu ká ikángkáng na i dom mpətar owan yi kat te, i tan agirgi ndəng i ga nzwani ga i chu aKos. İpin fa kpak te, i chu aRodus. I won ka ta te, i ga aPatara.

² Ka ta te, i ya agirgi ndəng aro achumchum va ka ngga aFinikiya. Te i tan i ga.

³ I ba i chu aKuburus i ya ndachi. Agirgi yi watar ka nkwandal kwandal i ga aSuriya. I ba i ta kaTaya. Kakul ka ta na mí fən ká iyam va agirgi va ta yar.

⁴ I ram atak onəm áYesu kəristi oga atak va ta i tēm nzəng ka oza nra pa nfanshat. Ka atak ichumchum aRuhu oza chál uBulus pa kan uza a ga aUrushelima kat.

⁵ ká nnà te, alum ba rwam ngga te, i re oza i tan agirgi ndəng i ga mpyal ka achen yi. Nkpaktak onəm oga nna nnandər ka uYesu, ka ochar oza, ka ovan oza fa nzəng ka yi ka ashe itong va ta na o re yi. Ka apal amimiri aga anung iwa i bəram i nəm aduwa.

⁶ Nvang va oza là ayi chit pa i chu ká ikángkáng te, i tan agirgi. Te oza le nzhi.

⁷ I won kaTaya te, i ba i chu aTalamayas. I re anung ógənanəng oga atak va ta i ra nra pa nzəng.

⁸ İpin fa kpa k te, i ba i chu aKaisariya. I ga i tēm ka nzhi aFilibus unəm uga nla nnap-nlā Inan ngga nchang nfe. Uza uzəntən ka ashe onəm oga ofanshat va Inan ka yak oza ka aUrushelima a.

⁹ Uwa ya ka ovan pa onedən va oma vang chit kat. Oza i kam nnap ka atak Inan i là ónəm.

¹⁰ I tēm chit ka ta ya nra pa dap te, unəm ro uga *nkam nre ka atak Inan adidīn pa uAgabus ba ka aYahudiya.

¹¹ Uza ba atak yi yar iyam iga nkpán adək aBulus. Uza ran ashar wo ka awo kpa te, uza là pa, <<ARuhu-Nənan là pa, <Kaşal va ta oYahudi

oga aUrushelima i ran unəm uga iyam iga nkpán adək vā tā. Oza i na na ka ashe awo onəm vā oYahudi kat.> >>

¹² I fe iyam vā tā te, mmayi ka onəm vā ka tā te, i chál uBulus pa kan a ba a ga aUrushelima kat.

¹³ Te uza là pa, <<Sang kang o nak igwak i lak mi ka atak ayən wo vā tā yà? Pa ma ran mi te, iyam ro ka atak mi kat. A yà pa mi ku ka aUrushelima kakul adin aPonzhi-Yesu te, n təm chit kan mi lok.>>

¹⁴ Uza mat te, i re na ka. I là á na pa, <<Iyam va Inan dom te, re uza a nəm.>>

¹⁵ Ka nvan nra pa dap te, i kwap iyam yi i ga aUrushelima.

¹⁶ Onəm áYesu kəristi oro oga aKaisariya ba ga nzəng ka yi. Oza ga ka yi ka nzhi aManason atak va pa i ga ntəm ka a. Uza unəm uga aKuburus. Uza kam nnap aYesu chit gbəng nvan.

UBulus ga atak aYakubu u

¹⁷ I chu aUrushelima te, ogənan kam yi ka nchang igwak.

¹⁸ İpin fa kpa k te, uBulus ka abo yi ga atak aYakubu u. Nkpaktak onəmgbak ikilisiya oma ka ta.

¹⁹ UBulus re anung óza. Uza shal óza nkpaktak iyam vā Inan nəm ónəm vā oYahudi kat, ka atak nnəm inok ká wo.

²⁰ Oza fe iyam vā tā te, oza na adəngchi íNan. Te oza là úBulus pa, <<Ágənan, u yiya oYahudi oga nna nnandər ku uYesu iyəl oza ikalong ka apal asəm ikalong. Nkpaktak oza ka nkpak nnap-mpakpak aMusa ka nzhin.

²¹ Ma là ózà pà bu ɔyang íkpaktak oYahudi oga ntəm kà ashe onəm-nəmnəm pà kan oza a kpak nnap-mpakpak aMusa kať. Pà kan oza a pà ache óvan oza kať. Pà kan oza a kpak nnap yi mmatmat kať.

²² Chit te, iza i nəm yà? Kàkul nkpak pà oza a fe pà u ba chit.

²³ Kàkul nva ta te, nəm iyam va í là abu. Nna i ya kà onəm ro pà onedən kà ta va yar nsar nnap-nlà íNan.

²⁴ Ga nzəng kà oza na ma nal wo wa nva ma pak. Wa mwa iyam va mal pà oza a mwa kan oza i ya asal aga nkpan ishi. Nna chit te, nkpaktak onəm i nyi pà iyam va ma là kà apal ishi bu te, nnandər kať. Kàkul mmafu kà ishi bu kà nkpak iyam va nnap-mpakpak là.

²⁵ Onəm oga nna nnandər ku uYesu va oYahudi kať te, i lir ózà chit iyam va i là pà oza a nəm. Pà kan oza a ri iyam va ma pà íchər. Kan oza a ri nchər, kať te izhé iyam va ma pà nchəchər fa kať. Kan oza a nəm mmai kà ochar kať.>>

²⁶ İpin fa kpak te, uBulus ga nzəng kà onəm va ta oza ga nal izər wa nva ma pak. Te uza ga tar Nzhi Inan nchumchum na o là ónəm ilum va o gbał kà nnal izər va ta. Ilum va mí na iyam inana kàkul a nza uzəngtəng oza nggo a.

Ma kpán uBulus

²⁷ Nra pà nfangshat va ta dat chit kà nkur te, oYahudi ro va ba kà aAsiya te, oza ya uBulus kà ashe Nzhi Inan nchumchum. Te oza nok nggatək, nak nnap nnəm oza won. A nak te, ma kpán uBulus.

28 Oza i gham achu pa, <<Ónəm oga aIsarila, o kamshi yi. Unəm va ta atak va kpaktak uza i wòl ka te, i dyang iyam ónəm i byèt akum yi, ka nnapmpakpak yi, ka Nzhi Inan nchumchum va ta. Nna ta chwat kat. Uza ba tan ka oHeleni ka ashe Nzhi va ta. Uza ba ka adak chit ka ashe atak yéryər va ta.>>

29 Kakul oza ka ya uTurofimus unəm uga Afisa nzəng ka na chit ka ashe itong. Te oza nak pa uBulus tar nzəng ka na ka ashe Nzhi Inan nchumchum.

30 Atak bá ka ashe itong va ta. Onəm chən ba but. Oza kpán uBulus dap na fa agbai ka. Te oza gún oga anung-asal pa kəlak.

31 Oza ka ndak pa o gbal na te, a ga chu achwang aponzhi oshozha oRoma uga atak va ta pa nkpaktak ashe itong zwar chit.

32 Uza kpak oshozha ka onəm ochumchum oza pa kəlak uza ga atak nggatək va ta. Oza ya uponzhi oshozha va ta ka onəm wo te, oza re nnəm uBulus.

33 Uponzhi oshozha va ta sən ba dat kpán uBulus. Uza là pa ma ran uBulus ka nzwar pa mparəm. Te uza bəp pa uBulus uda ya, ká iyam va uza nəm a?

34 Oro ka ashe nggatək va ta i gham achu i là pa uza nəm nyang. Oro pa uza nəm nyang. Uponzhi oshozha va ta kur nnyi nnandər nandər kat, kakul achu va ma ka nghan a. A nak te, uza là pa ma ga ku uBulus kabarakı oshozha.

35 UBulus chu atak va mí kikyən kan mí tar ashe te, onəm mat pa o gbal na. A nak te, oshozha yar na nyaryar kan uza tar ashe.

³⁶ Nggatək vā ɓa te, a maɓ ka nghan achu pa, <<Ma gbaɓ na. Ma gbaɓ na.>>

UBulus là nnap ka onəm

³⁷ Ma dat ka ntar ku uBulus ka ashe te, uza ɓəp uponzhi oshozha vā ta pa, <<Bu məman mi là nnap ka ɓu dō?>> Unəm vā ta là á na pa, <<U fe achu iHeleni fe sa?

³⁸ Mmabu unəm uga aMasar va ɓa ka ngwong nnap nnəm ka ashe nra ngga mpyal, a nak onəm oga iyam-ɓan ikalong pa inedəng yar nvəvang oza tan anyin kaɓ dō?>>

³⁹ UBulus là pa, <<Mmami uYahudi va fa kaTarsus ka ashe mbin aKilikiya. Atak va abwakan kaɓ a. Mmami ka nchal ɓu pa u re mi n là nnap ka onəm.>>

⁴⁰ Unəm vā ta man á na te, uBulus taɓ ka apal atak vā ta nəm awo ónəm pa oza a man ka anung. Oza mang chit pa kwák te, uza là óza ka ashe achu onəm oga akum ijili alɓərahim.

22

¹ <<Ógənanang mi ka opo mi. O gwong achwang na o fe iyam vā n dom pa n là.>>

² Oza fe uza là nnap ka achu oYahudi te, oza man pa kwák kàɗi. Uza là pa,

³ <<Mmami uYahudi. Ma mar mi kaTarsus va ka ashe mbin aKilikiya. N rup ka atak va ta. N nəm amanta ka ashe awo aGamaliyel. Uza dyang nnap-mpakpak opo yi á mi pa kpaktak. Nnap Inan lom mi wa nva ka nlwom wo kpa.

⁴ N nyan ka onəm oga nnəm nnap awop Asaɓ aYesu vā ta byet. N nak ma gbáng oro. Mi wur

onungwan ka ochar mi ga ka mí kùk ka nzhí ikán.

⁵ Uponzhi onəm oga mpyal awop ka nkpaktak onəmbak oga ashe mbut nchumchum ká ishi oza i là pa n nənəm pa. Ka n kam awasika ka atak oza na n ga óYahudi owan mi ka aDəmaska na n wur apir onəm aYesu va ta m ba aUrushelima ka wa onəm va kakul nkuk ka nzhi ikan. M ba aUrushelima ka oza na ma nap akwali óza.

UBulus là asal va o wa uYesu

⁶ <<Ka alum ka apal ndəng m mba n dat ka aDəmaska te, atak atántàn amakmak ro fa ka apabur ta byet gang mi.

⁷ N ru. Te n fe achu là á mi pa, <ÁShawulu, áShawulu, sang kang bu na idumdum á mi yà?>

⁸ M bəp pa, <Mmabu uda ya anəm ga nzhi?> Achu va ta là pa, <Mmami na uYesu ga aNazarat va mmabu ka nna idumdum á na a.>

⁹ Onəm va nzəng ka mi te, oza ya atak atántàn ya. Oza fe achu te, oza kpán ipipir kat.

¹⁰ Te m bəp pa, <ÁPonzhi-Yesu iza mi nəm da?> UPonzhi-Yesu là pa, <Won ga ashe aDəmaska. Ka ta te, nna mí là abu inok va ma sok bu ka chit pa u nəm.>

¹¹ Onəm va nzəng ka mi dap mi kawo i ga ashe aDəmaska. Kakul atak atántàn va bap iwu á mi te, n ya atak lap kat.

¹² Unəm ro adidin pa uHananiya ba atak mi. Uza unəm va i kpak nnap-mpakpak aMusa ká igwak pa izəng. Nkpaktak oYahudi oga atak va ta nak inəm á na byet.

13 Uza̱ ba te, uza̱ sat dat ka̱ mi là á mi pa, <Ágənang mi uShawulu, ya atak.> Ka̱ ta dyak te, n ya atak, n ya na.

14 Te uza̱ là pa, <Inan okəka yi yak bu chit pa na u nyi iya̱m va̱ uza̱ dom. Ú ya unəm-nəna̱n va̱ kpa. Ú fe nnap-nlà va̱ fa kanunun a.

15 Ka̱kul bu ga nta̱l unəm uga nnyam nnap nḵraktak onəm ka̱ apal iya̱m va̱ u fe ká iya̱m va̱ u ya.

16 Iza̱ mma̱bu ka̱ nlok nyangmata̱ lap yà? Won na ma nəm abaptisima abu na ma nal nnap-mbángbáng bu a le abu ka̱ atak ngwór ka̱ ashe adin aPonzhi-Yesu.>

Awór aBulus pa̱ uza̱ a ga atak onəm va̱ oYahudi ka̱t

17 <<N le aUrushelima, mmami ka̱ anung nnəm aduwa ka̱ ashe Nzhi Inan nchumchum te, n ya uPonzhi-Yesu ka̱ ashe alár.

18 Uza̱ là á mi pa, <Fa re aUrushelima pa̱ kəlak. Ka̱kul oza̱ i ya ka̱ mma̱n ká iya̱m va̱ bu là ka̱ apal ishi mi ka̱t.>

19 Te n là pa, <ÁPonzhi-Yesu, onəm va̱ ta̱ nyinyi pa̱ n ranggang ká nzhí Inan mi dap onəm va̱ na nnandər ka̱ bu mi kùk ka̱ ashe nzhi ikan nzəng ka̱ nnəm oza̱.

20 Ká ilum va̱ ma gba̱l uIstifanus unəm oga nnyam nnap bu va̱ te, nna ka̱ n ta̱l ka̱ ta, m ma̱n ká iya̱m va̱ ma̱n oza̱ nəm. Mmami na m panchi ilukwán ónəm va̱ gba̱l na.>

21 Te uza̱ là á mi pa, <Won, mi re bu pa̱ gbángbáng ka̱ atak onəm va̱ oYahudi ka̱t.> >>

UBulus ka atak-nsat wa ayen ga mbin aRoma

²² Oza ka ya ka nggwong achwang ka na. Uza là iyam va ta byet te, oza won ka achu pa, <<Ma gba na. Ma kap na ka apambin. Apir anəm wa ava ta mal pa uza a ya ka iriri kat.>>

²³ Oza pak inok nghan achu nzəng ka mman ilukwán oza i ba i ga apal. Oza i shan mbin i ba i ga apal kpa.

²⁴ Te uponzhi oshozha là pa ma tar ku uBulus ka ashe. Uza là pa ma nəm na na a nak na uza a là iyam va nak kan onəm i gham achu kakukul wa nva ta a.

²⁵ Ma ran uBulus na ma nəm na te, uza bəp unəm uchumchum oshozha uro va tal ka ta pa, <<Nnap mpakpak ləla pa u nəm unəm uga atak-nsat ayen ga mbin aRoma, nna na ma kat na ka akwali chit kat dō?>>

²⁶ Uza fe pa te, uza ga atak aponzhi oza là á na pa, <<Nyi iyam va bu nəm. Kakul unəm va ta uga atak nsat ayen ga mbin aRoma.>>

²⁷ Uponzhi oshozha va ta ga atak aBulus là á na pa, <<là nnandər á mi. Mma bu unəm uga atak nsat ayen ga mbin aRoma na nna dō?>> UBulus na aman á na pa, <<À.>>

²⁸ Uponzhi oshozha va ta là pa, <<M mwa mbwai pa makmak kang n ya atak nsat ayen ga mbin aRoma.>> UBulus là á na pa, <<Mmami te, mmami unəm uga atak nsat onəm oga mbin aRoma umarmar.>>

²⁹ Onəm va dom pa ka o bol anung ka o kat na te, oza lyan pa kəlak re na. Içigwak ləp uponzhi oshozha va ta kpa. Kakul uza nyi chit pa uBulus

va o nak ma ran ka nzw̄ar te, unəm va ka atak nsat onəm oga mbin aRoma.

UBulus ka mpyal onəm oga nnap-akwali oY-ahudi

³⁰ İpin fa kpak te, uponzhi oshozha va ta fən uBulus. Kākul pa uza d̄om nnyi nnandər iyām va nak kan oYahudi d̄om pa ma nap akwali á na te, uza wór onəm oga mpyal awop ochumchum ka nkpaktak onəm oga ashe m̄but oza nchumchum ngga nnap-akwali but. Te uza ba ku uBulus ka mpyal oza.

23

¹ UBulus pak iwu ónəm oga ashe *m̄but nchumchum va ta te, uza là pa, <<Ógənan̄g mi, ìgwak mi pa zarara ka mpyal Inan ka apal ishi inok mi har ba chu nda ta.>>

² UHananiya uponzhi onəm oga mpyal awop fe nnap-nl̄a va ta te, uza là ónəm va tong dat ku uBulus pa oza a ləp anung á na ka awo.

³ Te uBulus là á na pa, <<Inan i ləp bu kpa âgúng va ma wór ká ipang iləfər. U təm ka ta mmab̄u ka nnap-akwali á mi ka nnap-mpakpak. Chit te, bu gantal nnap-mpakpak ji bu pa shat ka atak nnak ma ləp mi d̄ò?>>

⁴ Onəm va tong ka ta te, oza là ûBulus pa, <<Uponzhi onəm oga mpyal awop uji Inan wa bu pwat d̄ò?>>

⁵ UBulus là pa, <<N nyi pa uwa uponzhi onəm oga mpyal awop kat. Kākul ma lir ka ashe nnap-nl̄a Inan pa, <Kan wa là iyām b̄ángb̄ang ro ka apal ishi anəm uga nnəm ka onəm bu kat.> >>

⁶ UBulus nyinyi pa oro ka ashe oza oFarisi. Oro nnyi te, *oSaduki. Te uza là pa gbángbán ka ashe mbut va ta pa, <<Ógənanang, mmami uFarisi. Upo mi uFarisi na kpa. Kakul pa n na nnandər pa ngwon ka atak ikú nna yà te, ma ka nnap-akwali á mi a?>>

⁷ Uza là nnap va ta te, ndap-zər won ká ishimshe oFarisi ka oSaduki. A nak te, mbut kap pa mparəm.

⁸ OSaduki là pa ngwong ka atak ikú ya kat. Pa iyam ro ya pa omaleka ka oga aruhu kat. OFarisi te, oza na nnandər pa nkpaktak iyam iga ishadən va ta nna ya.

⁹ Achu wong pa makmak. Onəm oga ndyang nnap-mpakpak va oFarisi te, oza won tong ga akul yan kəkam pa, <<I ya mpat nro ka ashe nnap anəm va ta kat. Mo te, aruhu nggo a là nnap ka na da? Kat te, umaleka ro nggo.>>

¹⁰ Ndap-zər va ta ka nsur te, uponzhi oshozha là onəm wò pa oza a ga a vyat uBulus oza a tar ka na ka ashe abaraki. Kakul ayər nəm na pa kan oza a wa a kan na kat.

¹¹ Ká izwam te, uPonzhi-Yesu fa sat dat ka uBulus là á na pa, <<Re igwak bu a kam. Wa nva u nyám nnap ka apal ishi mi ka ashe aUrushelima ta te, nkpak pa u ga u nyám ka ashe aRom kpa.>>

¹² İpin fa kpak te, oYahudi ro sar anung nzəng ka nsóng anung pa o ri iyam-nri kat, ó wa iyam ro kat kpa, ya o gbał uBulus kan.

¹³ Onəm va sar anung te, oza ji isəm nedən ji.

¹⁴ Oza ga atak onəm oga mpyal awop ochum-chum ka onəmbak là óza pa, <<I sòng anung akámkám chit pa í ri iyam ro kat, ya i gbał uBulus

kan.

¹⁵ Kakul nva ta te, mmawó kak onəm oga ashe mbut ngga nnap-akwali o ga ka ayéng ûponzhi oshozha ka ashe ntan pauza a ba ka uBulus awo. Pa o dom ngbap nnənap va ta kadi pa dakdak. I damshi izər chit kan i lōk na i gəl na i gbal, uza i chu atak wo kat.>>

¹⁶ Ukyan aBulus ro unungguan fe nnap va ta te, uza ga abaraki oshozha ga là úBulus.

¹⁷ Te uBulus wór unəm uchumchum oshozha ro là á na pa, <<Ga ku uyenzam va ta ka atak aponzhi wo. Uwa ya ká iyam ro pa o là á na.>>

¹⁸ Uza kam na ga ka ka atak aponzhi oza. Uza là á na pa, <<UBulus unəm va ka ashe ikan, wór mi te, a là á mi pa m ba ka uyenzam va ta ka atak bu. Kakul uwa ya ká iyam ro pa o là abu.>>

¹⁹ Uponzhi oshozha va ta kpán uyen va ta kawo oza səng pa dap te, uza bəp na pa, <<Iza u dom pa u là á mi yà?>>

²⁰ Uza là á na pa, <<OYahudi nəm ichən chit pa o ba ka ayən abu pa u ba ka uBulus awo ipin ka ashe mbut nchumchum ngga nnap-akwali. Oza i nap akwam pa o dom ngbap nnənap pa dakdak kadi.

²¹ Kang wa man wa fe ayən oza kat. Kakul onəm ji isəm inedəng ji ka nra anyimnyal ka nlok na. Onəm va ta son anung chit pa o ri iyam kat. Ó wa iyam ro kat kpa, ya o gbal uBulus kan. Oza gbal ka nran izər chit. Mmabu na chwat oza ka nlok pa u fe ayən oza.>>

²² Uponzhi oshozha va ta là úyenzam va ta pa uza a ga. Uza won na pa, <<Kang wa là únəm ro pa u bu u là nnap va ta á mi chit kat.>>

Ma ga ka uBulus ka aKaisariya

²³ Te uponzhi oshozha va ta wór oshozha wo ochumchum pa oparəm là óza pa, <<O nak oshozha igbal pa iparəm a ran izər ka oro oga ipəri isəm pa ifangshat, ka oro oga abár igbal pa iparəm. Oza i ga aKaisariya ka acham pa fangzəngtəng ká izwam nda.

²⁴ O ram ipəri ro kakul aBulus na ma ga ka na úFelis kan ishi a nan na kat.>>

²⁵ Uza lir awasika úgomna va ta pa,

²⁶ <<Awasika va ta fa ka atak mi uKalaudiyas Lisiyas na a ga atak bu anəm uchumchum uGomna uFelis. Mmami ka nre anung abu pa makmak.

²⁷ Unəm va ta oYahudi ka kpán na. Oza dom pa o ka o gbal na kan n ga n kamshishi ka oshozha mi. Kakul n fe pa uza uyen ga mbin aRoma.

²⁸ Ka n dom nnyi iyam va uza pat óza. A nak te, n ga ka na ka mpyal mbut oza nchumchum ngga nnap-akwali.

²⁹ Iyam va n nyi te, pa ka apal ishi nnap-mpakpak oza. ká nnà te, oza là iyam ro va kur pa ma gbal na kakukul, kat te pa ma kuk na ka nzhi ikan kat.

³⁰ N fe pa oza sar anung chit pa o gbal na. Te n kali kat, mmami ka nre nre ka na pa kəlak ka atak bu. N là ónəm va chit ka nnap-nlà ka apəpal pa oza a ba a shal abu.>>

³¹ Oshozha va ta ga ku uBulus wa nva ma là óza a. Oza ga ka na ga chu aAntipatiris ká izwam va ta.

³² İpin fa kpak te, oza re oshozha oga ipəri ga ka na. Oza te, oza le abaraki.

³³ Oshozha oga ipəri va ta ba chu aKaisariya te, oza na awasika va úgomna. Oza yichi uBulus á na kpa.

³⁴ Uza kun awasika va ta te, uza bəp uBulus pa uza fa ka che yà? Uza fe pa uza fa ka aCiliciya te,

³⁵ uza là pa, <<Onəm va ka nnap-nlà ka apal ishi bu a ba a chu kan mi kat wo.>> Uza nak pa ma ga ku uBulus ka nzhi iponzhi aHirudus ma pángchi na ka ta.

24

UFelis nap akwali úBulus

¹ A nəm nra pa ntukun te, uponzhi onəm oga mpyal awop uHananiya ka onəmgbak ro ku *ulauya ro adíđin pa uTartulus oza ga aKaisariya ka nnap-nlà ka apal aBulus ka mpyal agomna.

² Ma wór uTartulus pa a là iyam va uBulus nəm te, uza là pa, <<Ánəm chumchum uFelis, mbin yi təm ka ashe ikánkáng kakul nnyi ngga ka onəm bu na. Nna nak kpa ma gaban iyam pa dongdong ka ashe mbin yi.

³ Ma man ka oza man ka ka nza atak nggo. Ma məman ka ka ka nza asal-awu nggo kpa ka ashe adəngchi amakmak.

⁴ N dom pa n chál bu pa u man u gwong achwang ka nnap nla mi va pa gəptən a.

⁵ <<Unəm va ta unəm uga nram anung ro pa kuk. Uza pak inok nnak nnap nnəm oYahudi ka ashe nkpaktak apambin i won. Uwa uponzhi onəm oga ashe idongkong iga aNazarat va.

⁶ Har uza dak kpa pa na o tar ká iyam iyéryər ka ashe Nzhi Inan nchumchum. Nna nak te, i kpán

na. Ká i dom pa ká i nap akwali á na ka apal iyam va nnap-mpakpak yi là.

⁷ Te uLisiyas uponzhi oshozha uga atak va ta ba vyat na ka atak yi ká ikàm.

⁸ Uza là pa onəm va ka nnap-nlà ka apal ishishi te, oza a ba atak bu. Bu kat na ká ishi bu te, bu ga bu ya pa nkpaktak iyam va i là ka apal ishishi te, nnandər.>>

⁹ OYahudi ləp asəm nnap-nləla va ta pa iyam va uza là te, a fa wa nva ta na.

¹⁰ UGomna nəm awo úBulus pa uza a là nnap te, uBulus là pa, <<N nyinyi pa a gbang nvan chit mma bu ka nnap-akwali ka ashe mbin va ta. Kakul nva ta te, mmami ka nchang igwak pa n na aman nnap-nlà oza.

¹¹ Bu dom te, bu mor bu nyi nnandər nandər pa nna watar nra chit pa ngbapchi aman pa parəm kat, m ba n ga aUrushelima kakul awop a.

¹² Onəm oga mba ka nnap-nlà ka apal ishi mi va ta kpán mi kà ndap-zər ku unəm ro ka ashe Nzhi Inan nchumchum kat. Oza kpán mi mo te, mmami ka nnak nnap nnəm nggatək won ka ashe nzhi Inan, kat te ka atak ro ka ashe itong kat.

¹³ Oza kur nnyam pa kpátkpát pa iyam va o là ta te, nnandər kat.

¹⁴ M məman pa n wa Inan okəka yi wa anəm va məman ka nnap Asal aYesu va oza i wór pa idongkong iga akwam a. M məman ka nkpaktak iyam va mal izər ká iyam va nnap-mpakpak Inan là ká iyam va ma lir ka ashe atakarda onəm oga nkam nre ka atak Inan a.

¹⁵ Iyam va onəm va ta ka nnak igwak ka te, nna mmami ka nnənək kpa. Nna pa nkpaktak onəm

nənan ka obángbang oma i ga ngwon ka atak ikú a.

¹⁶ Ka kul nva ta te, pa dekər te, mmami ka ndak ka nzhi pa kan iyam ro a ya ka ashe idim-dim igwak mi va ipwatpwat ka mpyal onəm ká Inan kat.

¹⁷ N re nzhi nvan gbang chit. Te n le m ba aUrushelima ká iyam va ma kwap ówan mi kakul onəm oga nkun, na n na iyam inana íNan kpa.

¹⁸ Mmami ka anung nnəm iyam va ta te, oza ba ya mi ka ashe Nzhi Inan nchumchum ka n ya ka adak ro kat. Nggatək ro ya nzəng ka mi kat kpa kan a won a nyan pa n nak nnap nnəm onəm won kat.

¹⁹ Ka nna kpa te, oYahudi ro oga mbin Asiya va mal pa oma ka ya ka ta ka mpyal bu. Na oza a là iyam bángbang va pa n nəm, a yà pa oma ya ka nnap-nlā a.

²⁰ Kat te, onəm va ta oza a là mpat va ma ya mi ka nva mbut nchumchum ngga nnap-akwali ka kat mi a.

²¹ Mpat te, ya i ya iyam va chwat pa n ləp achu ka mpyal oza n là pa, <Ka kul nnap ngwon onəm-kúkú ka atak ikú nna n sat akwali ka mpyal wo nda> da?>>

²² Te uFelis bat akwali va ta. Uza pa te, nnap Asal aYesu ro ya lyat na kat. Uza là pa, <<ULisiyas uponzhi oshozha i ba kan mi gəl akwali wo.>>

²³ Uza là ûnəm uchumchum oshozha va ka ta pa oza a panchi uBulus panchi. Ka nna kpa te, oza a məman á na uza a nəm oga iyam ro. Oza a re okpəkpa re a nakshi ka na kpa.

²⁴ A nəm oga nra te, uFelis ku uchar wo

uDurusila ba. Uchar va ta uYahudi. uFelis re nre ku uBulus. Oza gwong achwang ka na uza ka nla nnap nna nnandər ku uYesu Kəristi.

²⁵ UBulus ka nkan ijili ipir nnap ntong onənan ka mpyal Inan, ka nkpán ishi anəm pa dakdak, ka akwali aga nra ngga mba te, ayər nəm uFelis. Te uza là úBulus pa, <<Á kúr chit. Ga iyam bu kan. A ya pa mi ya mbagar te, na mi wór bu.>>

²⁶ Uza ka rən pa uBulus uwa i ram mbyen ka atak wo i na mbwai awo. A nak te, pa dəkər dəkər te, uza i re nre ka na oza i təm isur.

²⁷ A nəm izun pa iparəm te, uPorkiyas-Festus kam inok aFelis. Kaku pa uFelis dom pa oYahudi a dəngchi wo te, uza re uBulus ka ashe nzhi ikan.

25

Ma nap akwali úBulus ka mpyal aFestus

¹ uFestus ba mbin va ta nəm nra pa nshadən te, uza won ka aKaisariya ba ga aUrushelima.

² Ka ta te, onəm oga mpyal awop ochumchum ka onəm ochumchum oYahudi ba ka nnap-nla katətak ka apal ishi aBulus. Oza chál uFestus pa

³ uza a nəm iyam va ta awo. Pa ma le ku uBulus ka aUrushelima. Oza ka damshi chit pa onəm oga nra anyimnyal i fa i gəl na kasal i gbal.

⁴ uFestus là óza pa, <<Nna ma kuk uBulus ka aKaisariya. Mmami ka ishi mi te, mmami ka nle atak va ta nyangmata.

⁵ O yak onəm ochumchum wo oro i ga nzəng. A ya pa unəm va ta ka mpat nro te, oza i là na n nap akwali óza.>>

⁶ UFestus təm ka oza kur nra pa nnañne, ka te pa ngbapchi te, uza le aKaisariya. İpin fa kpak te, uza ga atak nnap-akwali. Uza nak ma ba ku uBulus.

⁷ UBulus tar te, oYahudi va vang ka aUrushe-lima te, oza ba gang na i là iyam bángbàng pa kyak iga nnəm ayər va pa uza nəm a. Oga iyam va ta oza kur nnyam nnandər nandər pa kpátkpát ka.

⁸ Te uBulus là nnap-nlà na u fən ishi wo pa, <<M pat iyam ro rnap-mpakpak oYahudi ka te Nzhi Inan nchumchum, ka te úPonzhi-Kaisar ka.>>

⁹ UFestus kakul pa uza dom nnəm iyam va i chang ka oYahudi te, uza bəp uBulus pa, <<Bu məman bu ga aUrushelima na n nap akwali va ta awo ka ta ka apal ishi iyam va oza là ta dò?>>

¹⁰ UBulus na aman pa, <<Mmami ka n tal ka ashe nzhi akwali aKaisar. Ka ta na mal pa ma nap akwali á mi. M pat iyam ro oYahudi ka wa nva u nyinyi pa kpátkpát ká ishi bu a.

¹¹ A yà pa n nəm iyam ro va kur pa ma gba mi te, n yang pa ma gba mi ka dò ka. A ya nnyi pa iyam va oza là ka apal ishi mi kan nnandər ka te, unəm ro kur n na mi óza ka. N dom pa uKaisar a nap akwali va ta.>>

¹² Nvan va uFestus nəm ichən ka onəm oga nnap-akwali nzəng ka na te, uza là úBulus pa, <<U là pa u dom pa uKaisar a nap akwali abu. Ka atak aKaisar na bu ga.>>

UBulus ka mpyal Agəripa

13 A ya nra pa dap te, uPonzhi-Agəripa ku ugənanng wo uchar, uBarniki ba aKaisariya na o re anung uFestus ká igomna va uza ri.

14 Oza ya nra ya ka atak va ta. A nak te, uFestus shal nnap aBulus úponzhi va ta. Uza là á na pa, <<Unəm ro uwa ya ka ta uFelis re ka ashe nzhi ikan.

15 Ka m ba n ga aUrushelima te, onəm oga mpyal awop ochumchum ka onəmgbak oYahudi ba ka nnap-nlà ka apəpal pa ma gəl akwali ikú á na.

16 N là óza pa nnap nnəm oRoma ro ya pa ma na unəm pa ma gbał kat. Nkpak pa uza a ya onəm va ba ka nnap-nlà ka apəpal iwu ká iwu kan. Na uza a ya asal aga nfən ishi wo ka akwali va ta.

17 Oza ba atak va ta nzəng ka mi te, n kali ka nnap-akwali va ta kat. İpin fa kpak byet te, n wór onəm oga nnap-akwali but. N nak na uza ba tar.

18 Onəm va ka nnap-nlà ka apəpal won là nnap te, oza là iyam bāngbāng va pa uza nəm va iyam igafak ka atak mi a.

19 Oza shal nnap ndap-zər oza ka apal nnap awop oza ka nnap anəm ro adidin pa uYesu va ku chit te, uBulus yan pa uwa ya ká iriri.

20 N lan asal va mi gbap akum oga iyam va ta. A nak te, m bəp uBulus pa mo te, uza i məman i ga aUrushelima na n nap akwali va ta ka ta.

21 Te uBulus là pa u dom pa uKaisar uPonzhi-chumchum uwa ká ishi wo a nap akwali va ta. Te n là pa ma kuk na na n ya mbagar kan mi re nre úKaisar ka na.>>

22 Te uAgəripa là uFestus pa, <<N dom pa n fe iyam va unəm va ta i là ká ishi mi.>> UFestus là á

na pa, <<Ìpin te, bu fe iyam va uza i là.>>

²³ Ìpin fa kpaḵ te, uAgəripa ka uBarniki ba tan ashe nzhi mbut nchumchum ka ashe nnyám ngək. Oshozha ochumchum ka onəm ochumchum oga atak va ta oma ka ya ka ta. UFestus là pa ma ba ku uBulus.

²⁴ Te uFestus là pa, <<Áponzhi-Agəripa, ka nkpaktak wo va ka ta a. Unəm va o ya na ta te, nkpaktak oYahudi ba ka nnap-nlà ka apəpal á mi ka aUrushelima ka atak va ta kpa. Oza i nəm achu pa a mal pa uza a ya ká iriri kaṭ.

²⁵ N ya iyam va uza nəm va pa ma gbaḷ na kaḵukul kaṭ. Uza là pa o dom pa uKaisar uPonzhi-chumchum a nap akwali awo. A nak te, n là chit pa mi re nre ka na ka aRom.

²⁶ Ka nna kpa te, n ya ká iyam ro pa pwak ka apəpal pa ní lir úponzhi uchumchum kaṭ. Nna nak te, m ba ka na ka mpyal wo ku uponzhi uAgəripa ká ishi wò. Na mo te, uza a gbaḷ nnənap te, ma ya iyam ro pa ní lir úponzhi uchumchum.

²⁷ Kaḵul n ya pa i fa nzaḃm kaṭ, a yà pa ma re nre ku unəm ka ashe ikan kan n là iyam bángbàng va pa uza nəm kaṭ a.>>

26

UBulus na aman úAgəripa

¹ Te uAgəripa là úBulus pa, <<Ma maṇ abu chit pa u là nnap.>> A nak te, uBulus nəm awo pa ma maṇ ka anung. Te uza baṇ nnap-nlà ngga nfən ishi wo kaḵwali. Uza là pa,

² <<ÁPonzhi-Agəripa, ishi *baṇ ka mi byet nva n ya asal pa ní là nnap ka bu nda ka apal ishi

nkpaktak iyam bángbàng va oYahudi là pà n nəm a.

³ Mmami ka adəngchi pà mban-gwak kakul pà mmami ka nla nnap únəm va nnap nnəm oYahudi mmatmat ká iyam va ma ka ndap-zər ka te, iro ya lyat na kat a. Kakul nva ta te, wa kar igwak wa gwong achwang ka nnap nla mi.

⁴ <<Apir ntəm mi ban ká ivan ka mbəban na byet ka ashe mbin yi ka aUrushelima har ba chu ilum iga nda te, a lyat oYahudi kat.

⁵ Oza nyi mi nyi gbang nvan chit. A yà pà oza i məman te, oza i ləla pà mmami uFarisi va ká idongkong onəm yi va sai ji ka nnap nkpak nnap awop yi a.

⁶ N-yanmata te, kakul pà mmami ka nnak igwak ká iyam va Inan ka sar nnənap ókəka yi te, ma ka nnap-akwali á mi nda.

⁷ Nsar nnap-nlà va ta akum yi aga agbapchi aman pà parəm ka nnak igwak nya n-yəyəl nva oza ka ngwop Inan ká igwak pà izən izwam ka alum a. ÁPonzhi, kakul nnak-igwak va ta oYahudi ka nla pà m pat óza.

⁸ Sang kang a kam ká wo ka nna nnandər pà Inan i wong ka onəm ka atak ikú yà?

⁹ <<Mmami ká ishi mi n ya məma matmat pà n nəm iyam va pà kpaktak iga nyang nnap adin aYesu ga aNazarat a.

¹⁰ Iyam va ta pà səlak n nəm ka ashe aUrushe-
lima. Ka atak ichumchum va n kam ka atak onəm
oga mpyal awop ochumchum te, n nak ma kuk
onəm oga ngwa uYesu pà kyak ka ashe nzhi ikan.
Mi i dom ngban oza te, mi nak ayək ajem nak pà
ma gbang oza va ta.

¹¹ Nvan pa nkyak mi tan nzhí Inan mi nak mi nyan ka oza. N đak pa na n nak npak óza na oza a pwat Inan. Igwak lak mi ka oza byet. A nak te, n ga itong iga mbin nkak mi na idumdum óza ka ta.

Nwa aYesu aBulus
(Inok 9.1-19; 22.6-16)

¹² <<Kakul nnəm iyam wa nnà ta n kam ichumchum ka nre ka atak onəm oga mpyal awop ochumchum na n ga aĐemaska nda ro.

¹³ ÁPonzhi, ka alum ka apal ndəng mmami kaşal te, n ya atak atántàn ro va fa ka apabur a ghan ji alum ji. A ghan gəng mi ká ishimshe nzəng ka owan mi.

¹⁴ Nkpaktak yi i tak ka mbin. Te n fe achu ro i là nnap á mi ká iYahudi pa, <ÁShawulu, áShawulu, sang kang bu na idumdum á mi yà? Izər i rwa bu ká imwa a yà pa bu pak inok ntat ashar aga asalnsəm wa ina va ka ntat idari va mí kyep na ka na a nəm inok a.>

¹⁵ Te m bəp pa, <Mmabu uda ya ánəm ga nzhi? > UPonzhi-Yesu na aman pa, <Mmami uYesu va mmabu ka nna idumdum á na a.

¹⁶ Won tal ga akul. N fa n nyám ishi mi abu na n nak bu u tal uzwal mi. Na u tal unəm uga nnyam nnap ka apal iyam va u ya ka apal ishi mi, ká iyam va mi ga nnyinyam abu.

¹⁷ Mi kamshi bu, bu fa ká ikánkəng kə ashe awo owan bu oYahudi ka abo onəm. Mmami ka nre nre ka bu

¹⁸ na u bol iwu óza. Na u nak oza a fa ka ashe afap a tan ka ashe atak atántàn, oza a fa ka ashe ichumchum aShetan na oza a tan ka ashe iji Inan.

Na ka atak nna nnandər ka mi na te, oza a ya nyar nnap-mbángbang ka atak Inan ka atak nsat nzəng ka onəm va ma nal oza chit a.>

¹⁹ <<ÁPonzhi-Agəripa, nna nak te, n yang ka nkpak nnap nnəm ka apal ishi alár va ma nyám á mi ka apabur kat.

²⁰ Ngəshi te, n là nnap-Inan ónəm oga aDəmaska. Le te, n là ónəm oga ashe aUrushelima ka nkpektak mbin aYahudiya ka ashe mbin onəm va oYahudi kat kpa. N là óza pa nkpak pa oza a re nnəm nnap-mbángbang na oza a gaḅaḅ a ba atak Inan. Oza a nyám nnandər nre nnap-mbángbang oza ka atak iyam va oza ka nnənəm a.

²¹ Kakul nnap nla mi va ta oYahudi kpán mi nva ka n ya ka ashe Nzhi Inan nchumchum. Oza dak pa na o gbaḷ mi.

²² Ka nna kpa te, har nda va ta Inan ka nkamshi mi. A nak te, mmami ka ntal mi là nnap aYesu ónəm-chumchum ka obwakan. Mmami ka nla iyam ro watar iyam va onəm oga nkam nre ka atak Inan, ká iyam va uMusa ka là pa i ga nfa kat.

²³ Nna pa nkpak pa uKəristi Unəm uyákyàk Inan a bək anung. Na wa anəm va uwa won ngəshi ka atak ikú te, uza a là nnap atak atántàn va iriri iga mbyet mbyet ówan wo oYahudi ka abo onəm kpa.>>

²⁴ UBulus ka anung nla nnap-nlà ngga nfən ishi wo ka akwali va ta te, uFestus ləp achu ka nkam là á na pa, <<ÁBulus, u swanggat chit. Nnyi bu mmakmak ka nggaḅaḅ ishi ka bu.>>

²⁵ Te uBulus là pa, <<ÁFestus unəm uchumchum, n swanggat swanggat kat. Iyam va mmami

ka nləla te, nnandər. Nnap nlà anəm va ka ashe nnap nnəm wo.

²⁶ Uponzhi nyi iyam va nyi mmami ka nləla. A nak te, mi là nnap pa shat á na. N nyinyi pa iyam va ta uza nyi nfa oza nyi. Kakul ma bwam kan ma nəm oza kat.

²⁷ Áponzhi-Agəripa, u na nnandər ká iyam va onəm oga nkam nre ka atak Inan ka lir kat dō? N nyinyi pa u na nnandər na.>>

²⁸ Te uAgəripa là úBulus pa, <<Ka ashe alum va ta pa dap u rən pa bu nak mi mi tal unəm aKəristi dō?>>

²⁹ UBulus na aman á na pa, <<Alum à məkma, kat te a makmak kat, te mmami ka nchal Inan pa mmabu na chwat kat, mmawó va ka ta pa kpaktak te, o tong wa njem. Nzwar va kawo mi ta te, n dom wo ka jiwo kat.>>

³⁰ Uponzhi won nzəng ku ugomna, ku uBarniki, ka onəm va ka tēm nzəng ka oza.

³¹ Oza fa re ashe nzhi va ta oza ka nla nnap ka owan oza te, oza là pa, <<Unəm va ta nəm iyam va kur pa ma gba na, kat te pa ma kuk na ka nzhi ikan kat.>>

³² UAgəripa là úFestus pa, <<Ka ya pa unəm va ta là pa o dom uKaisar uPonzhi-chumchum a nap akwali awo kat te, ma ka fən na ma ka re.>>

27

UBulus ga aRom

¹ Ma là chit pa i ga mbin aItaliya te, ma nak uBulus nzəng ka onəm ro oga ashe ikan na kpa ka ashe awo anəm chumchum oshozha ro adidin

pa uJuliyos ká idongkong oshozha ija aPonzhi chumchum va ka aRom.

² I tan agirgi ndəng aro ka aAdaramitiya va ka ngga itong iga anung iwa iga mbin Asiya. Te i ban achen yi. UAristakus unəm uga aMakidoniya va fa ka aTasalonika te, ka ya nzəng ka yi.

³ İpin fa kpaḱ te, i ba i sat ka aSaidon. UJuliyos nnyam nnyi nnap úBulus byet. Uza maṅ á na pa uza a ga atak okpa wo na oza a nakshi ka na.

⁴ I won ka ta te, i tan agirgi ndəng kàḱi i wòl ngbaḱ aKuburus va ayər pyep ka kaṱ, i ga. Kaḱul ayər ka ya ka mpyep i nəm yi nnəmnəm.

⁵ I paḱ ká ishimshe iwa va nak ikwoksok ka mbin aCiliciya ka aPamfiliya te, i ba i sat ka Mira va ka ashe mbin aLikiya a.

⁶ Unəm uchumchum oshozha ya agirgi ndəng aga Alezandariya ayi ka ta ka ngga mbin aItaliya. Te i tan agirgi va ta.

⁷ Agirgi yi chen pa shiriri har nra pa nkyak. Ka ngwar nlim kang i ba i chu dat ka aKinidus. Atak-pyep pyep maṅ ayi pa i ga nzwan kaṱ. A nak te, i yar ngbaḱ aKarita va atak i pyep ka kaṱ a. Ngbaḱ va nak ikwoksok ka aSalmone.

⁸ Ka mbək anung kang agirgi yi mál ka anung akongkong kang i ba i chu atak ro mí wór pa Atak-Nənan aga Ntong Agirgi. A dat ká itong aLasiya.

⁹ Achen va ta yar nra chit mak. A nak te, achen ka ashe ndəng nyangmata abang alakchi kaṱ. Kaḱul nra ngga ndan ishi onəm ká iyaṁ-nri kaḱul awop watar chit. A nak te, uBulus won oza pa,

¹⁰ <<Ónəm mi, n ya na ka nà achen yi i bəbaṅ.

Mi i lan agirgi ká iyam va agirgi yar har ká iriri yi kpa.>>

¹¹ Ká nnà te, nva pa unəm uchumchum os-hozha va ta a kam iyam va uBulus là te, uza kam ichən apo agirgi va ta ka unəm uga nchəchi.

¹² Atak va ta chang pa ayər arusok rusok a vang a ya onəm ka ta kat. A nak te, mmakmak onəm là pa ma ga mpyal ka achen. Oza nak igwak pa mí chu aFinikiya kan mí lok ngwatar nvan ayər ka ta. Atak njul agirgi va ta ka aKarita va nak ikwoksok ka asal nkwandal va nak mba asal arurong ka asal mpał va nak mba asal arurong a.

Mbək anung ka ashe iwa kakul atak pyep byet

¹³ Ayər fa kasal nkwandal ban mpyep pa pít, oza rən pa iyam va o dom te, o ya chit. A nak te, oza dap acham adəkdek aga nsat ka agirgi fa ka ashe ndəng, agirgi kpán asal ka anung akongkong aKarita.

¹⁴ A gbang nvan kat te, n-yər nkánkám ro mí wór pa uSal-mpal Ngga Asal Awu-lum, a ləp fa ka mbin va ta nva ndəng gang ka ashe a.

¹⁵ N-yər va ta fa dangchi agirgi va ta ngga nzwan mat. A nak te, i dak ka kat, i re n-yər pyep yi ga ka.

¹⁶ I ba i chu ngbak nya mbin ro va ndəng gang ka ashe mí wór pa aKauda va ayər i pyep ka kat te, atak nak nswakam ka. Ka ngwar nlim kan i dak ka agirgi abwakan i ran byen.

¹⁷ Oza dap tar ka ka ashe agirgi achumchum. Oza mwak asang ka akum agirgi achumchum oza ran. Ayər nəm oza pa kan agirgi a ga a gbak afu

kašhishiri ka aSirtis kaṭ. A nak te, oza fər ka nzaṇi
agirgi oza re ayər i dan agirgi i ga ka.

¹⁸ Atak-pyeppypē va ta ga mpyal ka nnyan ka
yi. A nak te, ipin fa kpak te, oza ban ngwur iyaṁ
va agirgi yar oza swan ka ashe ndəng.

¹⁹ Ká ilum iga ishaḍən te, oza swan asang ká
iyaṁ inok ro ka ashe ndəng ka awo oza.

²⁰ I ya iwu alum ká izhán kaṭ nra pa nkyak. Atak
va ta ga mpyal ka mpyep. A nak te, i yar pa njiyi
te, a kur chit.

²¹ A nəm nra chit pa makmak nna ma ri iyaṁ
ro chit kaṭ. Te uBulus won ga akul ka mpyal oza
là pa, <<Ónəm, ka ya pa ka o fe ichən mi fe te, ka
o re aKarita kaṭ. Te iyaṁ va ya wo ta ká iyaṁ va
zhì te, ka ya wo kaṭ.

²² Ka nna kpa te, mmami ka nna ichən awo pa
ìgwak wo a kam. Kaḱul ka uro pa uzəng ka ashe
wo i lan iriri wo kaṭ. Agirgi na chwat i zhì.

²³ Kaḱul umaleka fa nyám ishi wo á mi ká
izwam. Inan va mmami ujini kan inunok na
mmami ka nnənəm a.

²⁴ Unəm uga nre va ta là á mi pa, <ÁBulus,
kan ayər a nəm bu kaṭ. Nkpak jiwo bu ga nsat
ka mpyal aKaisar kaḱul akwali. Inan ka nnap
nnənən wo nak chit pa ka unəm pa uzəng ka ashe
onəm oga ngga achen nzəng ka bu i lan iriri wo
kaṭ.>

²⁵ Kaḱul nva ta te, re ìgwak a kam awo ónəm.
Kaḱul n ya ka nna nnandər ya pa iyaṁ va ta i fa
wa nva uza là á mi.

²⁶ ká nnà te, nkpak pa n-yər va ta a swang yi ka
mbin ro va ndəng gang ka ashe a.>>

²⁷ Ka nra ngga ngbapchi aman pa neding ká izwam te, atak-pyeppepyep nna ya ka anung ndan yi ka ashe iwa Adariya. Ká ishimshe izwam te, a nəm ka onəm oga nchi agirgi va ta pa i dat chit ka n̄zam.

²⁸ Oza mà ngban ndəng te, oza ya ashar igbal ká isəm parəm. A gbang nvan kat te, oza mà ngban ndəng va ta kàdī te, oza ya ngbəgbān ashar isəm fangzəngtəng.

²⁹ Te ayər nəm oza pa kan agirgi a gbak afu ká izər ipán kat. A nak te, oza swan acham adəkdek pa nedən ka ashe ndəng kasal nsəm agirgi aga nnənək i tal. Atak gbang ntan ka oza.

³⁰ Onəm oga nchi agirgi va ta fər ka agirgi abwakan ka ashe ndəng na o chən te, oza nəm akwam pa mmawó ka nswan acham adəkdek ka ashe ndəng kasal mpyal agirgi aga nnənək i tal.

³¹ Te uBulus là ûnəm uchumchum oshozha va ka abo oshozha pa, <<A yà pa onəm va ta i chən i re agirgi te, ka unəm ro pa uzəng ka ashe wo i lár kat.>>

³² A nak te, oshozha gəl asang agirgi abwakan va ta re ga ndəng.

³³ Atak dat ka ntan te, uBulus chál nkpaktak oza pa oza a ri iyam-nrì. Uza là pa, <<Nrà pa ngbapchi aman pa nedən va watar ta te, na o ri iyam ro chit kat. O tēm ka ngwam nnap ka o ri iyam ro kat.

³⁴ Mmami ka nchal wo nyangmata pa o ri iyam ro. Kakul nna ta i na ikàm awo ngga nfa ká ikángkáng. Unəm ro i ku kat. Ko akpap aga ishi pa zən unəm ro i lan kat.>>

³⁵ Uza gbal ka nla iyam va ta te, uza wur nzəngkəng kawo. Te ka mpyal oza pa kpaktak

uza₁ na adəngchi íNan. Uza₁ kpal nzəngkəng uza₁ bən nrəri.

³⁶ A nak te, igwak kam oza₁ pa₁ kpaktak. Oza₁ ri iyam kpa.

³⁷ Iyəl nkpaktak onəm va₁ ka₁ ashe agirgi va₁ ta te, onəm igba₁ pa₁ iparəm ká isəm pa₁ ifangshat aman pa₁ kpađen.

³⁸ Ka₁ nvəngva₁ oza₁ ri iyam-nrì chit afu yəl oza₁ te, oza₁ wur abo mma₁ k oza₁ swan ka₁ ashe ndəng na agirgi a kəlap.

Nchwan agirgi ndəng

³⁹ Atak tan oza₁ ya anung akongkong te, oza₁ nyi mbin va₁ ta kat. Te oza₁ ya atak ro ndədəng nəm wa mbwam akongkong kongkong ká ashishiri. A nak te, oza₁ là pa₁ o đak na agirgi a ga a sat ka₁ ta a yà pa₁ i nənəm a.

⁴⁰ Oza₁ kyen asang oga acham adəkđək ga nnak agirgi i ta₁ oza₁ re ka₁ ashe ndəng. Oza₁ fən asang va₁ kpán iyam iga nchi agirgi va₁ ta kpa. Oza₁ ran nza₁ni agirgi oza₁ gha₁p won apal ka₁sa₁l mpyal agirgi na ayər a dan a ga ka₁. Te oza₁ kpán asa₁l anung akongkong va₁ ta.

⁴¹ Te agirgi ba₁ ləp aduktum ashishiri aga ashe ndəng te, a sat. Mpipyal pàn ka₁ i səng pa₁ đap kat. Ijili jili nnyi te, bən pa₁ nyimən nyimən ka₁kul igum-ndəng ka₁ nnəm ká izəzər.

⁴² Oshozha ya chit pa₁ te, oza₁ nəm ichən pa₁ o gbəng onəm oga ashe ikan ka₁kul le kang oza₁ a yel ndəng a pa₁ng a chən iyam oza₁ kat.

⁴³ Ka₁kul pa₁ unəm uchumchum oshozha va₁ ta đom pa₁ kan ma gba₁l uBulus kat te, uza₁ đat oza₁ ka₁ nnəm iyam va₁ oza₁ đom nnənəm. Onəm va₁

nyi ndəng nyi te, uza nak oza pa oza a ru ndəng mpyal a paŋ a ga ñzam.

⁴⁴ Abo onəm nnyi te, pa oza a paŋ ka apal akun anənan ka akpasal akun agirgi va chwan. Kaşal va ta nkpaktak onəm chu ñzam ká ikánkáng.

28

UBulus ka aMalta

¹ Ka nvangva i paŋ chit ká ikánkáng te, ma là ayi pa adin mbin va ta nva ndəng gang ka ashe te, pa aMalta.

² Onəm oga mbin va ta nyám nnyi-nnap ayi pa makmak. Oza mak apər ayi pa i fe nkpaktak yi. Kakul atak rusok rusok kan ivar ka mpən kpa. Oza kam yi ká igwak pa izən.

³ UBulus ga wur nswanzhi ba nak kapər. Te izwa fa ka ashe nswanzhi va ta kakul nsur apər. A fa chip á na kawo.

⁴ Onəm oga atak va ta ya izwa va ta zere ka awuwo te, oza là ówan oza pa, <<Unəm va ta nkpak pa a ya unəm uga ngbaŋ onəm. Kakul kap ka nva pa uza fa ka ashe iwa ka ikánkáng te, adəban təm á na chit ka ishi pa nkpak pa uza a ku.>>

⁵ UBulus mənəmən izwa va ta ka ashe apər, iyaŋ ro nəm na kat.

⁶ Onəm va ta rəng pa izwa va ta i mu, kat te uza i ru pa rai i ku. Oza lok atak gbaŋ nvaŋ pa dap kan oza ya iyaŋ ro ya na kat te, oza le nvaŋ ka nnap-nla oza pa uza iyaŋ-ngwop.

⁷ Ka atak va ta pa datkulung te, nzhi ncúmcúm nna ya nja anəm uga nnəm ka atak va ta adidin

pa uPabiliyas. Uza kam yi ka nzhi wo ri ka yi, a wa ka yi wa onəmchəchən har nra pa nshadən.

⁸ Upupon uwa rwa ra. Izər chwan na chwan. Uza i man amən ka nchər kpa. UBulus tar atətak na u re anung á na. Uza nəm aduwa á na nak awo á na ká ishi te, uza tan na.

⁹ Abo onəm oga arwa aga atak va ta ya wanta te, oza ba ma tan oza.

¹⁰ Oza na imwa ayi apir pa dongdong. I ru nre atak va ta te, oza rap iyam ayi pa dongdong kakul achen.

UBulus chu aRom

¹¹ I nəm apye pa shadən ka mbin va ta te, i tan agirgi ndəng ro aga mbin Alekzandariya i ga achen yi. Agirgi va ta pa te, ka sat njul ka ta na atak ayər arusok rusok a watar kan. Ishi ichər ijèn uKasto ku uPuluk nna ya ká izər agirgi va ta.

¹² I ba i chu aSirakusa te, i təm ka ta nra pa nshadən.

¹³ I won ka ta te, i ga ka ashe agirgi ndəng i ba i chu aRigayum. İpin fa kpaḱ te, i wuwon kàḱi kakul ayər aga asal nkwandal ka mpyep. İpin fa kpaḱ kàḱi te, i chu aPutiyali.

¹⁴ Ka ta te, i ya ogənan ro va chál yi pa i təm ka oza nra pa nfangshat. Kaṣal va ta i ba i chu aRom.

¹⁵ Ogənan oga atak va ta ka fe chit pa mmayi ka mba. A nak te, oza nəm achen har ba chu akasuwa Apiyus ka atak va mí wór pa Nzhi-Nri pa Nshadən kakul ngwan yi. UBulus ya onəm va ta te, uza na adəngchi íNan, igugwak kam kpa.

¹⁶ I ba i chu aRom te, ma man úBulus pa uza a təm ka nkukwa uza a ri ká ishi wo. Ma nak

ushozha pa uzəng pa a panchi na ka_kul kan uza
a won a chər ka_t.

UBulus là nnap-nlà Inan ka_aRom

¹⁷ A nəm nra pa_nshadən te, uBulus wór onəm
ochumchum oYahudi oga atak va_ta but. Oza_but
te, uza_là óza pa, <<Ógənanang mi oYahudi. M pat
iyam ro ónəm yi, ka_t te ínnap okəka yi ka_t. Ka_nna
kpa te, ma kpán mi ka_aUrushelima ma na ôRoma
pa_a nap akwali á mi.

¹⁸ Oza_gbap akum ijili nnap mi te, oza_dudom pa
ka_o re mi. Ka_kul oza_ya mi ka_mpat ro va kur
ngəl akwali ikú á mi ka_t.

¹⁹ Ka_nna kpa te, oYahudi yang jak. A nak te,
n là pa_n dom pa_uKaisar a fe akwali mi. N nəm
pa te, m ba ka_nnap-nlà mbángbàng ro ka_mpyal
aPonzhi-Kaisar ka_apal ishi onəm yi ka_t.

²⁰ Iyam va_ta nak te, n là pa_n dom n ya wo
na n_là nnap ká wo. Mmami ka_ashe ikan va_ta
ka_kul pa_mmami ka_nnak igwak apir njo owan mi
oIsarila na kpa.>>

²¹ Te oza_là á na pa, <<Nna i ya awasika ro chit
ka_mbin oYahudi ka_apal ishi bu ka_t. Ka_ashe
owan yi va_ba ka_ta te, ka_uro ba ka_nnap-nlà, ka_t
te là iyam bángbàng ro ka_apal ishi bu ka_t.

²² ká nnà te, i dom nfe iyam va_bu là ka_apal ishi
nnap idongkong wo va_ta. Ka_kul onəm ka_ka_nza
atak nggo te, oza_ka_nla iyam bángbàng ka_apal
ishi idongkong va_ta.>>

²³ Oza_nak akul ngwan ku uBulus. Te oza_fa ba
yəl ji mmatmat ji ka_atak va_uBulus ka_ntəm ka. A
ban ká ipin har atak ga là uBulus uwa ya ka_nkan
ijili ipir nnàp iponzhi Inan nzəng ka_nnyam nnap

óza ka apəpal. Uza dak ka atak nnəm inok ká iyam va nnap-mpakpak Inan là ká iyam va onəm oga nkam nre ka atak Inan ka lir na o nak oza a man ka nnap-nlà wo ka apal ishi aPonzhi-Yesu.

²⁴ Oro ka ashe oza man ká iyam va uza là. Oro te, oza na nnandər ka kat.

²⁵ Ndap izər wong ka ishimshe oza. Oza lyang ka nvangva uBulus gbał ka nla iyam va ta a. Uza là pa, <<ARuhu-Nənan là dakdak nva uza ka là nnap ókəka yi ka atak nnəm inok ka uIshaya unəm uga nkam nre ka atak Inan a.

²⁶ <Ga atak onəm va ta là óza pa,

Ó fe nnap fe ka achwang kan ó kpán ipipir kat.

Ó ya iyam ya ká iwu kan ó nyi ipipir kat.

²⁷ Kakul igwák onəm va ta twat chit.

Oza zwan achwang oza zwan.

Oza gún iwú oza gún.

Kakul le kan iwú oza a ya atak, achwang oza a fe nnap.

Igwák oza a kpán ipir nnàp, oza a gaḃan a ba mà na ikángkáng óza kat.>

²⁸ Kakul nva ta te, n dom wo pa o nyi pa ma re nre ka nnap nya nkamshi ngga iriri ka atak Inan chit kpa ónəm va oYahudi kat. Oza te, oza i gwong achwang ka.>>

²⁹ Uza là nnap-nlà va ta wanta te, oYahudi dap-zər te, oza lyan.

³⁰ UBulus təm ka ta yəl izun pa iparəm. Uza təm ka nzhi va uza i mwa mbwai ka. Uza i kam onəm oga mba atətak ka nchang igwak.

³¹ Uza là nnap iponzhi Inan ónəm pa zhalat zhalat kà unəm ro dan na kat. Uza dyang nnap aPonzhi-Yesu Kəristi kpa.

Tarok Bible

The Holy Bible in the Tarok language of Nigeria

copyright © 2024 Luke Initiative for Scripture Translation

Language: (Tarok)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-10

PDF generated using Haiola and XeLaTeX on 19 Dec 2025 from source files dated 10 Jul 2025

501af3c5-12fd-5965-ade7-9600b2d02717